

**SEVENTH LEGISLATIVE ASSEMBLY OF MIZORAM  
( FOURTH SESSION )  
LIST OF BUSINESS**

FOR TWELFTH SITTING ON WEDNESDAY, THE 26<sup>th</sup> NOVEMBER, 2014  
(Time 10:30 AM to 1:00 PM and 2:00 PM to 4:00 PM)

**QUESTIONS**

1. **Questions** entered in separate list to be asked and oral answers given.
- LAYING OF PAPER**
2. **Pu P.C. LALTHANLIANA, Minister** to lay on the table of the House a statement of correction on the reply given on the 24<sup>th</sup> November, 2014 to Starred Question No. 205, Ballot No. 149 asked by Pu Lalruatkima regarding "PwD (Act) hnuaia 3% reservation chungchang".
3. **ELECTION TO FINANCIAL COMMITTEE** to elect a member of Committee on Estimates.

**FINANCIAL BUSINESS**

**DISCUSSION AND VOTING ON DEMANDS**

4. **Pu C. NGUNLIANCHUNGA, Minister** to submit to the Vote of the House various Demands under his charge.
5. **Pu LAL THANHAWLA, Hon'ble Chief Minister** to submit to the Vote of the House various Demands under his charge.

**LEGISLATIVE BUSINESS**

**Bills for introduction, consideration and passing**

6. **Pu LALSAWTA, Minister** to beg leave of the House to introduce "The Mizoram Appropriation Bill, 2014".

**ALSO**

***to introduce the Bill***

***to move that the Bill be taken into consideration***

**AND**

***to move that the Bill be passed.***

NGURTHANZUALA  
Secretary

....

---

\*\* Please see Bulletin Part-II Sl. No. 63 dated 19<sup>th</sup> November, 2014 for Demands to be moved by Ministers.

**SPEAKER** : A tawp berah chuan, in za-in rilru hmun khatin awm ula, inlaintat tawn ula, unau angin inhmangaih ula, khawngaihna nei ula, thuhnuairawlhin awm rawh u.  
(I Petera 3:8)

Question No. 176-na zawt turin Saiha Bialtu member zahawmtak Dr. K.Beichhua i lo sawm ang.

**Dr. K.BEICHHUA** : Pu Speaker, ka lawm e. Kan Minister zahawmtak Transport Department changtu hnena ka zawhna chu – Saiha leh Lawngtlaiah Sorkar hian DTO dah tumna a awm em?

**SPEAKER** : Chhang turin a changtu Minister zahawmtak Pu John Rotluangliana sawm ila.

**Pu JOHN ROTLUANGLIANA, MINISTER** : Pu Speaker, Starred Question No. 176-na, Member zahawmtak Dr. K.Beichhua zawhna chhanna chu, Saiha leh Lawngtlaiah hian MCS Senior Grade DTO dah ve ve an ni tih a ni a. Heti lai hi Pu Speaker, ka'n sawifiah hlek duh chu, DTO hi District tinah kan nei a, District 8-ah. 4 hi Department Officer te chanpual a ni a, 4 hi MCS Senior Grade ho chanpual a ni a. Chungte chu Lawngtlai, Saiha, Lunglei, Champhai te hi MCS ho chan a ni a. Lawngtlaiah hianin Pi Saizikpuii, MCS a awm a, Saiha-ah hianin Marlene Rualzakhumi, MCS a awm a, Lungleiah hianin R.Vanrengpuaia, MCS a awm a, Champhaiah Benjamin Lalzama a awm bawk a ni.

\*Speech not corrected

**Dr. K.BEICHHUA** : Pu Speaker, a lawmawm viau a, kha MCS Senior te min dah sak a. Chutih lai chuan tunhma atang khan independent a DTO hi anmahni Transport Department bik enkawl thin an ni a. Tunhnaia MCS Senior te hianin Department dangte nena kawpin Transport Department hi an enkawl thin a. Hei hi independent anga DTO function tura inpek theih a ni em tih kha ka zawhbelh a ni e.

**Pu JOHN ROTLUANGLIANA, MINISTER** : Pu Speaker, MCS Senior Grade hi an indaihloh avangin hna dangte nen kawp tir an ni a. Keimahni Department pawhin kan duh dan chuanin DTO hranpa hian independent charge niin, awm thei sela kan duh dan a ni a. Mahsela, Officer te indaihlohna avangin kawp tir rih an ni e.  
\*Speech not corrected

**SPEAKER** : Zawhna dang 177-naah kan kal ang a, zawt turin member zahawmtak Pu Lalruatkima i lo ko ang.

**Pu LALRUATKIMA** : Pu Speaker, ka lawm e. Zawhna ka zawh hma-in clarification min neih sak ka duh a. Nimina ka Unstarred Question a dik lo in min chhang tlat mai a Pu Speaker. Ka Unstarred Question 46-naah khan Tuivai Hydel Project chungchang ka zawt a. a)-na kha a dikin min rawn chhang a. b)-naah hian Tuirial HEP angin min rawn chhang a ni. c)-naah hian Tuivai angin a dikin min rawn chhang a. d)-na ah hian Tuirial angin min rawn chhang leh a ni. Hei hi engnge ni a awmzia ka ti a. Pu Speaker, nimin-ah ka hre hman lova, nizanah ka'n en a, khatiang chhanna kha, a changtu Minister zahawm tak, min chhangtu ni bawk Power & Electricity khan clarification min siamsak se ka duh a. Ka Unstarred Question 46-naah ka zawhna ni lo tawp kha min chhang teuh mai niin a lang a. Ka zawhna min chhang bawk si lova, khalai kha ka'n phut a ni.

Tin, ka zawhna-ah ka'n kal nghal ang a. Pu Speaker, ka Starred Question No. 177-na, Information & Communication Technology Department changtu Minister zahawm tak chhan atan:-

- a) MLA te pualin Information Technology inzirtirna buatsaih a ni em?
- b) A nih chuan engtikah nge buatsaih a nih a, engzatnge sum sen a nih?

**SPEAKER** : Aw le, chhang turin a changtu Minister zahawmtak Pu Lal Thanzara i lo sawm ang.

**Pu LAL THANZARA, MINISTER** : Pu Speaker, Aizawl West-II bialtu zahawmtak Pu Lalruatkima zawhna (a)-na chhanna chu – Ni tawh e, “E – Governance Leadership Meet” buatsaih a ni tawh tih a ni a. (b)-na chhanna chu – 1<sup>st</sup> – 2<sup>nd</sup> December, 2010 khan MLA leh Secretaries-te tan “E-Governance Leadership Meet” buatsaih a ni a. He Meet hi National Institute of Smart Government (NISG), Hyderabad te nena tangkawpa buatsaih a ni. Hemi programme buatsaihna atan hian ₹14,75,149/- sen a ni.

**SPEAKER** : Zawhbelhna, zawhna neitu Pu Lalruatkima.

**Pu LALRUATKIMA** : Pu Speaker, ka lawm e. ‘Nei tawh e,’ a ti a. Opposition MLA zawng hian kan hre lo fai vek a. Chanchinbu-ah kan lo hmu a. Ka'n sawi belh

duh chu tun hnaiah Assembly Hall-ah hian MLA te tan buatsaih ni khan Chanchinbu-ah kan hmu a. Mahse, Opposition MLA-te zawngin kan hre ve si lova. ICT buatsaih a nih thu kha an sawi bawk si a, engnge thil awm dan tih ka'n zawh belh a ni.

**SPEAKER** : A changtu Minister zahawmtakin chhang sela.

**Pu LAL THANZARA, MINISTER** : Pu Speaker, ICT Department hianin Congress Legislator Party hi E-Governance for E-Government awareness training siamsak min duh a. Chumi min duhna chu kan tihputlin sak a. Congress Legislator Party te tan min rawn siamsak a ni. An duh ve a nih chuan min rawn dil sela, kan tihsak ve ang.

**SPEAKER** : Dr. K.Beichhua i lo ko ang.

**Dr. K.BEICHHUA** : Pu Speaker, he House zahawmtakah hian min siamsak ve turin ka dil nghal a. Chu lo lehah chuan engatinge ni MLA theuh theuh kan hotute in ni a, Opposition lam tih loha in lo awm tak ringawt mai kha a dik thei em tih kha ka zawhna a ni e.

**SPEAKER** : Minister zahawm takin chhang nghal se.

**Pu LAL THANZARA, MINISTER** : Pu Speaker, Member zahawmtak Pu Beichhua zawhna kha hun remchang hmasa berah ruahmanna kan siamsak ang a. Chutih rualin Ruling Party, decision maker kan nihna angin ICT Department hianin helamah hian zirtir tul min ti a, zirtirna pawh neih ran pui min duh a, chumi avang chu a ni e. Ministry chelhtu an nih hunah anni pawhin an duh chuan an ti ve thei ang chu.

**SPEAKER** : Aw le, zawhna dangah kan kal ang a. Zawhna No. 178-na zawt turin Er. Lalrinawma, member zahawmtak i lo sawm ang.

**Er. LALRINAWMA** : Pu Speaker, ka lawm e. Industries Department changtu Minister zahawmtak hnena ka Starred Question 178-na chu, Director of Industries leh Mizoram ISPAT Industry ten Deed of Agreement an ziah ang hian he ISPAT a hnathawkte hi lak an ni ta em tih ka zawt e.

**SPEAKER** : Aw le, chhang turin a changtu Minister zahawmtak i lo sawm ang.

**Pu H. ROHLUNA, MINISTER** : Pu Speaker, Tuikum Bialtu zahawm tak Er. Lalrinawma zawhna Director of Industries leh Mizoram ISPAT Industry ten Deed of Agreement an ziah ang hian he ISPAT a hnathawkte hi lak an ni ta em tih chhanna chu, Mizoram ISPAT Industry- a hnathawkte hi a theih chin chinah chuan Deed of Agreement zulzuia lak a ni a. Amaherawhchu, an hna tam tak hi skill leh experience ngai a nih avangin tun dinhmunah chuan hnamdang rawih loh theih loh chin a awm a, zawi zawiin training te pe a, Mizo tam zawk an chhawr chhoh zel beisei a ni tih a ni.

**SPEAKER** : Awle, zawhbelhna. Pu Lalrinawma

**Er. LALRINAWMA**: Pu Speaker, an agreement angin khami hna bik, thiam thil bik te a nih chuan kan thalaite hnenah hian anni hian training an pe em tih ka zawhbelh e.

**SPEAKER** : Chhang turin Minister sawm ila

**Pu H. ROLHUNA, MINISTER** : Pu Speaker, a theih ang ang hi chuan training te pawh hi pek chhoh niin ka hria a. Amaherawhchu, an hnathawh khu a hautak deuh a. ISPAT Industry-ah khuan thir lampang khawih an nih avangin thil sa tak tak te, temperature sang tak khaw lum tak a nih avangin Mizo-te hian rin aiin kan peihlo khawp mai a. Chuvangin, an chhawr tam tur ang pawh hian an chhawr hlei thei lova. Casual labour-ah phei chuan tunah hian mi 39 vel awmin kan hria a, a regular hi 11 vel an ni a. Chuvangin, a hnathawh hi rin aiin power te a lo that tawk loh phei chuan zan lamah power awm hun huna thawh te a lo ngai a. Mizote hi kan taimakna leh kan tumruhna hian tlin loh chin a nei deuh em ni aw tih hi tuna an kal chinah pawh hian a lang deuh a. Mahse, a theih ang angin deed of agreement hi zui tur erawh chuan fuih reng an ni.

**SPEAKER** : Awle, zawhna neitu Pu Lalrinawma

**Er. LALRINAWMA**: Pu Speaker ka lawm e. Thir sa tak tak te kha an ti a kan Minister zahawm tak khan. Kan thalaite hi thir sa chauh thawk tur an ni lova. Helai kan

agreement-ah hian 'all class of work' tih a ni. Tin, mechanical Engineer te leh Clerk hna thawk theite pawh kan thalaite zingah an awm ka ring a. Vawiinah kan sorkar-in rem leh rem lovin hmun dang, phailamah te kan thalaite kan thawn chhuak a. Helaiia tualchhunga awm ang ang thir zawn emaw ringawt lo kha thil dang a awm tho va. Hengah te hian hna a awm thei lo em ni tih kha kan zawh belh a ni e.

**SPEAKER** : Awle, Minister zahawm tak sawm ang.

**Pu H. ROHLUNA, MINISTER** : Pu Speaker, chu chu ka hria a, sorkar pawhin a hria a.....interruption....

**Pu LAL THANHAWLA, CHIEF MINISTER** : .....Maubuang daijah Oil ringing an nei a, an bei mek a. Khata kan va hawn sak ni khan thui tak kan ti ti a. Tunah sawn an mi duh ang an hmu zo lova, security atan erawh chuan pahnih pathum an hmu a, chutih lai chuan, an hmuh belh ta em ka hre lova. Tin, Line engemaw deuh specialized-na deuh pawh an train thei a. A train turte kha kan han zawn pui a, an kal ta em ka hre lova. Kan din chhan tak chu kan beisei leh kan duh ang hian kan thalai tam ber zawk hi chu over time a thawh reng ngai te, a chang chuan holiday-ah pawh thawh ngaite a nih thin avang hian kan tlin lo zawk thin a.

Tin, khumi ISPAT-ah pawh khuan kan innawr ve deuh reng a, an tlin manglo a ni kan thalaiten. A awmna te thil lum lam te a lo ni a. Lengte khua khu lak kan han tum deuh ber a, dik tak chuan Sorkar leh mipui zah vangin an chhawr hram hram zawk a ni. An khawngaihthlak khawp.

**SPEAKER** : Awle, zawhna dangah kan kal thei, Starred Question No. 179-na zawt turin member zahawm tak Pu Lalthanliana sawm ila.

**Pu LALTHANLIANA** : Pu Speaker ka lawm e. Industries Minister zahawm tak chhan atan ka Starred Question No. 179-na chu:-

- a) Zuangtui Industrial Estate-ah hian dan loa awm an awm em ?
- b) Awm ni ta se, mimal emaw, chhungkua engzat nge awm ?
- c) Awm ni ta se, sorkarin engtin nge heng mite hi tih a tum ?

d) Heng Industrial Estate, Industrial Growth Centre, Export promotion Industrial Park panna kawng chhe em em te hi sorkarin siamthat a tum em? tih ka zawt e.

**SPEAKER** : Chhang turin Industries Minister zahawm tak Pu H. Rohluna sawm ila.

**Pu H. ROHLUNA, MINISTER** : Pu Speaker, member zahawm tak Pu Lalthanliana zawhna

- a) Awm e tih a ni.
- b) Chhungkaw 38 vel an awm.
- c) Hma lak dan turah Law Department zawh/rawn mek a ni.
- d) Sum awm dan azirin siamthat tum a ni tih a ni.

**SPEAKER** : Zawhbelhna a awm lem lo. A nih chuan zawhna No. 180-na zawt turin Pu Lalruatkima, MLA zahawm tak i sawm ang.

**Pu LALRUATKIMA** : Pu Speaker, ka lawm e. Ka Starred Question No.180-na Industries Department changtu Minister zahawm tak chhan atan ka zawt e.

**SPEAKER** : Awle, chhang turin a changtu Minister zahawm tak sawm ila.

**Pu H. ROHLUNA, MINISTER** : Pu Speaker, member zahawm tak Pu Lalruatkima zawhna chhanna chu

- a) Kum khat atan pek a ni a. Kum tin renew zel tura tih a ni.
- b) A neitu chu Pu Ravi Gulgulia, Pi Dr. Margaret M.Varte leh M/S Yash Infrastructural Engineers Ptv. Ltd., Guwahati te an ni. An registration No. chu No. 15/03/00871-EM part.II a ni.
- c) Ni 14.2.2012 ah Commission a ni. Installed capacity chu 24,200 MT per annum a ni.
- d) SLC in subsidy dawng thei tura a recommend zat chu - Central Capital Investment- ₹ 93,90,361.00, Central Transport Subsidy - ₹ 2,47,74,725.00 a ni.

**SPEAKER** : Zawhbelhna, zawhna neitu Pu Lalruatkima.

**Pu LALRUATKIMA** : Pu Speaker, ka lawm e. Cheng 341,65,086 kha CTS leh CIS ah khan an lo dawng tawh a. He Mizo Carbon product hi sawi a hlawh khawp mai a. Production awm mang si lovin helaiah sumdawna an rawn ti a. An Mizo partner pawh hi ram pawnah a awm daih tawh a, chutiang vel chu a ni a. Kan sorkarin min enchian sak se, an permit te, an registration te pawh hi Sick Industry angin a hmuna zuk kal pawn a lang a, khulaiah khuan engmah hnu hma a awm lova. Chuvangin, an registration hi tihtawp sak theih a ni em tih ka zawt a.

Tin, a neitute zing ami Gulgulia han tih hi chuan thil eng eng emaw rilruah a lang lo thei lova. Khalaiah khan an registration hi Mizote nen hian kan tang ho nasa a. Mizovin share 1% te chauh an chang a, nichina ISPAT kan sawiah pawh khan Pu Speaker, hengte pawh hi Industrial Registration kan neihnaah hian share tam zawk ram leilung fate tan hian hauhsak an ni thei em? Ram leilung fate tana hamthatna awm thei turin tih kha ka'n zawh belh a ni.

**SPEAKER** : Awle, a changtu Minister chhang turin i sawm ang.

**Pu H. ROHLUNA, MINISTER** : Pu Speaker, Mizo Carbon Pvt. Ltd. tih hi Chanchinbu lamah te pawh hman deuh lawk khan a lo lang a. An kal phungah fel tawklo awm nia hriatna te a awm a. Tin, Central YMA ngei pawhin complaint an rawn thehlut a. Chumi chhui chiang tur chuan department-in hma a la a, tunah hian Show Cause Notice pek mek an ni a. An chhanna kan la hmu lo a ni mai thei a, chu chu a latest ka hre chiah lova, chutiang chuan hma lak chhoh mek a ni. Tuna CTS an lo lak tawh te leh Central Capital Investment subsidy an lo lak tawhte chu an tih tirh lam ami kha a lo ni tawh a.

Tin, check list an rawn siam ang hi felfai taka document nen an rawn neih hi chuan Department hian thuneihna thui tak hi a nei chiah lova, check list nen a inmil em tih te lo en kha a ni mai a. Chumi anga a inmil kha chuan an claim-na document-te nen chumi ang chuan lo tih a ni a. Tin, NEDFI lam hi a nihna takah chuan state sorkar ai mah chuan a thuneitu zawk mah an nihna chin pawh a awm a. Pawisa disburse (pekchhuah) ah pawh NEDFI lam hian a pawisa pawh kha an kutah an hlan zawk a ni. State sorkarin direct a kan hlan pawh a ni lo a ni tih kha kan hriat a thain ka hria a. Tin, tunah hian an permit pawh hi renew lohin hun rei tak a lo awm a. Chuvang chuan tunah hian Department-in explanation a call mek bawk a. Nichina complaint awm te, show



cause notice kan pek bakah hian an permit chungchangah pawh hian explanation call mek a ni tih kha Pu Speaker, ka chhanna a ni.

**SPEAKER** : Awle, zawhna no. 181- naah kan kal thei a, a neitu Er. Lalrinawma member zahawm tak a zawt turin ilo sawm ang.

**Er. LALRINAWMA** : Pu Speaker, ka lawm e. Transport Department Minister zahawm tak hnena ka zawhna Starred question no. 181-na: Tun dinhmunah Transport Department hnuaiyah hian Bus engzatnge service thei awm? tih ka zawt e.

**SPEAKER** : A neitu Minister zahawm tak Pu John Rotluangliana chhang turin ilo sawm ang.

**Pu JOHN ROTLUANGLIANA, MINISTER** : Pu Speaker, member zahawm tak Er. Lalrinawma zawhna starred question no. 181-na chhanna chu- tun dinhmunah Bus Service thei 47 kan nei.

\*Speech not corrected

**SPEAKER** : Zawhbelhna Er. Lalrinawma.

**Er. LALRINAWMA** : Pu Speaker, ka zawhbelhna chu kan hriat theuh angin 2008-2013 khan Transport expenditure zawng zawng zaa 64 kha man power a hman a ni a. Tun dinhmunah hian man power cost per km kan ti mai a ni ang chu, kha kha 2012-2013 ah engzatnge tih leh 2013-2014 ka zawt bawka, 2014-2015 ah hian engzatnge beisei tih kha ka question pakhatna lo ni ta sela. A pahnihaah chuan average tyre cost hi, a chhan chu motor ke (tyre) hi thil ngaihtuah ngai tak a nih avangin a average tyre cost per km hi 2013-2014 ah engzatnge? 2014-2015 ah hian engzatnge beisei a nih? tih ka zawt tel nghal bawka. A sub. no.3-naah chuan, bus 1 hian nikhatah passenger engzat zel nge a phurh tih kha 2013-2014 ah engzatnge? 2014-2015 ah engzatnge beisei a nih? tih kha ka zawt e.

**SPEAKER** : Ngawi rawh aw, Pu Pianmawia'n zawt ve nghal law law sela.

**Pu R. L. PIANMAWIA** : Pu Speaker, ka lawm e. Ka zawhbelh duh chu Transport Department hian bus lei thar tumna a nei em? tih leh Zohmun ka bialah khian bus Krismas hmain min tlan sak ve thei ang em? tih ka zawt a. Tin, Darlawn-ah khian 1986 a VC member kan nih laia kan pek Transport ho ram tur, Workshop hmun tur Khumlohawlah khian hmun rem deuh kan pe tawh a, tun thlengin hmalak a ni lo va. A hlim chhawneh khan Signboard an rawn tar ve a, tunah chuan a awm tawh lo va. Tin, Booking Clerk building pakhat a awm ve a, khi pawh khi han chei zui a, han ngaihven zuina hranpa a awm lem lo va. Heng an hmun pahnih te hi enkawl zui an la tum em? an tum tawh lo anih chuan khawtlang pawimawhah min pe thei mai em? tih ka zawt e.

**SPEAKER** : Le, Minister zahawm tak chhang turin i sawm ang.

**Pu JOHN ROTLUANGLIANA, MINISTER** : Pu Speaker, zawhna neitu Member zahawm tak Er.Lalrinawma rawn zawhna kha, Bus passenger chuang zat te kha kan lo chhiar thlip thlep lo va. Tin, a zawhna dang kha a technical deuh a, tunah ka inring mai lo va, nakinah ziakin kan la pe dawn nia.

Tin, Member zahawm tak Pu R.L.Pianmawia rawn sawi Zohmunah kha chuan Bus hi a tlan reng sa a, Krismas dawn chauh lo pawhin, kan tlan tir dawn nia. Tin, Darlawn a Workshop tur min pek kha chu a siam tur lam pawh kan la nei lo bawk a khiti lamah khian, kan la chei hman lo bawk a. Khawtlang hnena pek tih kha chu keimahni Department thutlukna anga tih mai theih a ni lo va, sorkar thutlukna ang a ni ang chu.

\*Speech not corrected

**SPEAKER** : Awle, zawhna No. 182-naah kan kal thei a, a neitu member zahawm tak Er.Lalrinawma zawt turin i sawm ang.

**Er.LALRINAWMA** : Pu Speaker, ka lawm e. Industries Minister zahawm tak hnena ka Starred Question No. 182-na chu –

- (a) Mizoram chhungah hian tun dinhmunah Oil leh Gas hi laihchhuah ngei beisei a ni em? Laihchhuah lo ni ta se, Mizoram hian za zelah engzat nge kan chan ve ang?
- (b) Oil & Gas zawn hnathawktu, Company a hnathawktu tur lak chungchangah hian tualchung mi (local people) te tan reservation a awm thei em? tih ka zawt e.

**SPEAKER** : Chhang turin a changtu Minister zahawm tak Pu H.Rohluna sawm ila.

**Pu H.ROHLUNA, MINISTER** : Pu Speaker, hemi zawhna hi a pawimawh a ni ang, a hmalamah pawh kan chhang tawh a. Mahse member-te inhriatpawh lohna avangin question pakhat a clubbed theih mai tur kha a ni a (Starred Question-ah khan) Pu R.L.Pianmawia zawhna nen. Amaherawhchu a hranin a lo kal a, ka'n chhang tho ang a. Er.Lalrinawma, member zahawm tak zawhna chhanna chu –

(a) Mizoram chhungah hian tun dinhmunah Oil leh Gas hi laihchhuah ngei beisei a ni. Hetah hian Meidumah pheih chuan hmuh a ni tawh nghe nghe a. Laihchhuah lo ni ta se Mizoram hian a chan ve tur za zelah hetiang hi a ni –

(i) Oil laihchhuah a nih chuan royalty-ah 12.5% leh Gas a nih chuan royalty-ah 10% Mizoramin a chang ang.

(ii) New Exploration Licensing Policy hnuuia Block (Mizoram ang chi) ah hian Oil leh Gas laihchhuah a nih chuan 12<sup>th</sup> Finance Commission in a recommend dan leh sorkar laipui pawhin a pawm dan chuan Non Tax Revenue atangin a hlawkna 50% state in a chang ang.

(b) Oil leh Gas zawn hnathawktu Company a hnathawktu tur lak chungchangah hian Mizoram sorkar leh Company te thu thlung 'Deed of Agreemen' Part – II Para 24 "Employment and Training of Indian Citizens" tihah hian thiamna leh theihna inangah chuan Indian national (local people bik) chu duhsak an ni ang tih a ni. Tin, heng Company te hian mithiam chherchhuah (training) te pawh local miten an neih theih nan India ram leh pawna zir tur pawhin an ngaihtuah sak ang tih a ni bawk. Hengah pawh hian thiamna inangah local mi duhsak tur tih a ni bawk. Tin, central sorkar pawh a tul anga rawn tur a ni bawk ang tih a ni.

**SPEAKER** : A neitu Pu Lalrinawma zawhbelhna.

**Er. LALRINAWMA** : Pu Speaker, ka lawm e. Ka zawhbelhna chu Leiverh nan hian chemical hlauhawm tak tak Ammonium tih te, Formalin tih te leh thildang te hman thin niin kan hria a. Maubuangah hian hman a ni ve em ? tih ka zawhna pakhat ni se. Tin, heng chirh kan han tih, a leiverh nana chirh an han siam ang chi te hi hlauhawm tak mai niin an sawi a. Heng

atante hian Waste Disposal Well te hi fel taka siam a ni em ? Tin, hengte hi check thin an ni em? Vawi engzat nge check a nih tawh ? tih ka zawt e.

**SPEAKER** : Awle, Minister zahawm tak chhang turin sawm leh ila.

**Pu H.ROHLUNA, MINISTER** : Pu Speaker, Chemical Engineer te kan ni ve lo baw a, ka lo Chiang vak lo va. Amaherawhchu, Waste Disposal chungchangah erawh hi chuan an fimkhur khawp mai. A hmunah pawh keimah ngei hi vawi 2 lai chu ka kal tawh a. An verh tan ni-ah kan Chief Minister hoa kan kal piah lamah 29<sup>th</sup> January kuminah khan kan Parliamentary Secretary zahawm tak nen pawh a hmunah kan va tlawh tawh a. An hmalak dan te, an buatsaih dan te engkim kan va en a. Chutah chuan mithiam, anmahni Oil India Limited Company-in an chhawr mai piah lamah keimahni Mizo an hnuaiia thawk ve te ngei ngei pawhin min lo hrilhfhiah a, kha kha chu fimkhur takin an kalpui a ni. Tin, tunah hian Maubuang hi 1559 meters bawr vel hi lei hnuaiiah verh a ni tawh a, a Km zawng chuan 1 km leh a chanve chuang hret mah tunah hian an verh tawh a, 4 kms leh a chanve (4500 meters) an verh chinah phei chuan Gas hi hmu ngei turin tun thleng hian an la inbeisei a ni.

Tin, Pu Speaker, Oil Exploration bikah hian sorkarin tunah pawh gas an hmuh hma hauh pawhin hlawkna tam tak kan lo tel tawh a, a vaibelchhe zawnga han sawi phei chuan vaibelchhe 15 chuang mah hi tunah hian Mizoram sorkarin hetia an zawn chung pawh hian a hlawkna kan lo tel tawh a ni. Ram an hman hawh manah te leh Exploration License Fee atangtein Mizoram sorkarin kan lo tel reng tawh a ni tih kan sawi tel duh a ni, ka lawm e.

**SPEAKER** : Awle, zawhna No.183-naah kan kal thei ta a, a neitu Er.Lalrinawma zawt turin i sawm ang.

**Er. LALRINAWMA** : Pu Speaker, ka lawm e. Industries Department changtu Minister zahawm tak hnena ka Starred Question No. 183-na chu Bamboo Chipping Industry dintute hian an Bamboo Chip hralhchhuahna a harsatna an tawh hi Sorakar hian a hriatpui em ? Engtia hmalak nge a tum ? tih ka zawt e.

**SPEAKER** : Awle, a changtu Minister zahawm tak Pu H.Rohluna sawm leh ila.

**Pu H. ROHLUNA, MINISTER** : Pu Speaker, vawiin chu ka day a ni ringawt mai alawm le. Er.Lalrinawma, member zahawm tak zawhna chhanna chu Bamboo Chipping Industry dintute hian an Bamboo Chip hralh chhuahnaah harsatna an tawk tih sorkar-in a hriatpui a, awmze nei zawka hralchhuah a nih theihna turin hmalakna kalpui mek a ni.

Pu Speaker, hetah hian ka'n sawibelh zawk duh chu, a bik takin Chhingchhip a Chipping Plant neitu hian hralhchhuahna chungchangah harsatna a tawh avangin Departmentah tanpuina a rawn dil a. Chumi zul zui chuan department-in hma a lakpui a, Cachar Paper Mill-ah metric ton 100 hralh thei turin Cachar Paper Mill pawhin an rawn remtihsak tawh a, metric ton 1-ah ₹ 5240 a hralh tur a ni.

**SPEAKER** : Aw, Pu Rinawma zawhbelhna.

**Er. LALRINAWMA** : Pu Speaker, hemi chungchangah hian MoU hi sign a ni em aw tih ka zawt duh a. A chhan chu hei Chipping Industry neuh neuh kha din a ni a. Tin, chutih rual chuan Bamboo a rawa hralh lampang kha Forest lampang hian a phalsak leh deuh bawk si a. Helaiyah hian harsatna hi a awm phah deuh emaw chu aw a tih theih deuh a. MoU te hi sign a lo ni reng em ? Mizoram Industry department leh Cachar Paper Mill te hian tih kha zawhbelhnaah ka'n zawt e.

**SPEAKER** : Minister zahawm tak chhang turin sawm ila.

**Pu H. ROHLUNA, MINISTER** : Pu Speaker, MoU chiah sign a nih ka hre lova, amaherawhchu chipping plant te harsatna erawh hi chu sorkarin a theih ang angin hma a lakpui a. Tin, value addition tih an duh avangin term hmasa khan kan Chief Minister remtihna leh hmalaknain mau hi a raw form in (a pumin) Mizoram pawnah hralhchhuah phal a ni lova, chuvang chuan Cachar Paper Mill pawh kha an buai hle a. Mizoram sorkar-ah pawh vawi duailo an harsatna an rawn thlen a, chutihlai chuan sorkarin a duhdan chu kan chipping plant neih ho hi anmahnin awlsam zawka marketing an neih theihna turin, anmahni promote-na atan hian a ni pakhat a. Chuvang chuan, bamboo chipping plant kan neih ho hi function hlawm sela, a chip hian supply sela, value addition awm miah lova state pawna thawnehhuah hi chu state sorkar tan pawh a hlawk lova. Tin, mau tamna a la rei lova, regenerate nan resting period te pawh pek a ngai a. Value addition kan neih that zawk chuan a hlawkna hi Mizofate tho local mi tel tur kan nih avangin chumi duhsakna avang chuan kan Chief Minister remtihpunain Forest Department ka enkawl lai pawh khan state pawnah

thawncchuah a ni lova. Cachar Paper Mill pawhin an dukhawp mau an hmu lova, helaiah a chip supply tur pawhin nasa takin an rawn nawr a ni.

Chutihlai chuan harsatna awm miah lovin an inhralh thei a. Amaherawhchu, nikum kum tawp lam deuh khan private a mau hmun neitute khan nasa takin sorkar an nawr a, anmahni ram chhunga mau an chin na na na hralh thei lova dan reng kha thil harsa leh an sum hmuhna tur han indan reng pawh kha remchanglo chin alo awm a, churang chuan private plantation nei te kha engemaw zat chu state pawnah pekchuah alo ni a. Chutah chuan kan chipping plant neitute khan a bik takin harsatna an tawh a. Function hi a awm mang lova, chipping plant 9 Mizoram chhungah tunah hian din a ni a Chuhvel leh Chhingchhip chiah hi tunah hian function thei a awm a ni. A bak hi chu function theilo deuh vek an ni a, a function thei na na na ten an hralh theihna tur chu sorkar pawhin a ngaipawimawh a. Anni pawhin an mamawh laia an lo lakna an nih avangin tunah pawh hian Cachar Paper Mill hian khang a function a te kha chu nichina kan sawi tak ang khan metric ton 100 supply thei turin remtihna Department-ah an rawn hriattir tawh a ni. Tin, anmahni pawh hriattir nghal an ni bawh a ni.

**Pu LAL THANHAWLA, CHIEF MINISTER** : Pu Speaker, MoU sign-na chi pawh a ni lova. Tin, kan chipping plant te hi tuna Minister zahawm takin a sawi ang khan function tha an awmlo a ni. Chhingchhip khi an tha deuh ber a, mahse transportation a harsa deuh ber thung a, a dangte hi chu luidungah te an awm a, titha sela chuan transportation pawh a harsa vaklo. Tin, Mautam tam a ni a, a kang nasa a, kan mau-te a chereu ang tih kan hlau a mahal system kan khap tlata a re-generation-na tur atan. Tin, khawiahmah thawncchuah kan phal lova, a chhan chu kan Maute hi a chereu ang tih kan hlau a. Mau hi tangkai zawka hmanga rural economy revolutionise dan te kan hotuten an ngaihtuah mek a, chutiang chu anih avangin kan renchem hle a ni. Chutianga kan tih avang chuan Cachar Paper Mill chu an mangang hle a, Central atangin Minister pawimawh tak takten an rawn phone deuh reng a. Amaherawhchu, kan chhanna chu Cachar Paper Mill hi National Asset a ni tih kan hre ve a, a proper functioning ah pawh citizen pangngai chuan mawh kan phur theuh tih kan hria a. Amaherawhchu, kan mau-te hi tunah chuan kan hralh thei lo Mautam avangin Mau tam tak a tam a, a hnuah a kang nasa a, jungle fire-ah, re-generation hi kan lungawi tawh anih hma chuan a chereu loh nan kan khuahkhirh hrim hrim a ni kan ti ve tlat a. Vawi tam tak an lo kal a Cachar Paper Mill hotute pawh, mahse kan phal chuang lova. Tunah hian a re-generation hi a tha thawkhat tawh e kan tih avangin

tle m tlem chuan kan hralh leh tawh a, mahal system a tih hi Forests lama thawktuten an veng seng bawk si lova, an duhna na a mi Mau an la a, chuvang chuan an tihchereu avangin restrict deuhvin tunah hian an kalpui a ni.

Amaherawhchu, kan chipping plant sorkar tanpuinaa lo ti tawh tute hi function se kan duh a. Nichina Minister zahawm tak lo sawi tawh ang khan a chhawrtu, eizawn nana chhawrtu an tam dawn a, mau thawn thlak ringawt loh khan. Mahselangin, titha thei hlawl hi an awm lo a, a paw kan ti a, an tihthat theihna tur hian theihpatawpin sorkar pawhin dawm chhoh dan kan zawng a, chutianga kal lai chu kan ni a. Theihpatawp chhuahin han titha hlawm se chuan market hi chu Cachar paper mill te nen sawihovin harsatna awmlo turah kan ngai a ni.

**SPEAKER** : Zawhna No. 184-na zawt turin zawhna neitu Dr. K. Beichhua, member zahawm tak sawm ila.

**Dr. K.BEICHHUA** : Pu Speaker ka lawm e, Rural Development Department Minister zahawm tak hnena ka zawhna kha i hriatthiamna a hmasain ka ngen duh che a, ka lo tisual deuh hlek a. Wasteland ka ti kha Watershed tur a lo ni a, puh tur ka'n zawng a ka hmu thei si lo a, chuvang chuan ka in withdraw mai ang Pu Speaker i phalnain.

**SPEAKER** : Awle, a in withdraw a, chhan ngai lovin, chuan sawi sual pawh a nih tawh loh chu 185-na kha a lo dik chiah a ni. A tha e, tunah hian zawhna neitu Pu Lalruatkima, member zahawm tak sawm ila.

**Pu LALRUATKIMA** : Pu Speaker ka lawm e. Hei PWD a intlar thap mai a zawhna 9 zet a intlar a, a lawmawm khawp mai. Ka Starred Question No. 185-na PWD changtu Minister zahawm tak chhan atan:-

- a) Tuipui 'D' lei dawh hi tunge Contractor ni a, engtikah nge hnathawh tan a nih?
- b) Engtik huna thawh zawh tura ruahman nge a nih? Extend a ni em?
- c) Sanctioned Amount engzat nge? Sum engzat nge pek a nih tawh?
- d) Revised a ni em? A nih chuan engzat nge ni?
- e) Engyangin nge a hun takah hna hi thawh zawh a nih loh?

**SPEAKER** : Hei hi zawh tawh a niin ka hria a, engpawhnise, House Leader, Chief Minister zahawm tak chhang turin sawm i la.

**Pu LAL THANHAWLA, CHIEF MINISTER** : Pu Speaker chhan lai chuan zawhbelh tir lo la, chhanna atanga zawhbelh te pawh hi i phalsak thin a, i phalsak leh mai aniang chu. Pu Speaker, Member zahawmtak Pu Lalruatkima zawhna chhanna chu:-

- a) Tuipui 'D' Lei dawh hi a Contractor chu S.Guha Nyiogi & Associates, Kolkata a ni.
- b) He Lei dawh hna hi zawh hun tura ruahman chu 18<sup>th</sup> November, 2013 kha a ni a. He hna thawh hun chhung hi tum 2(hnih) extend a ni. A tum khat nan 31.3.2014 thleng pawhsei a ni a, tum hnih nan 30<sup>th</sup> November, 2014 thleng extension of time pek a ni.
- c) He Lei dawhna tura sanction amount chu ₹ 216.21 lakhs a ni a. He hna atana Contractor hnena sum pek tawh zat chu ₹ 214.679 lakh a ni.
- d) Revised a ni lo.
- e) (1) He Leidawh tur hian Abutment Wall, Pier leh wind Tie Anchor Block te hunna tur hmun ram neituin a phal lawk loh avangin Darzo side lamah rei tak hna an tan thei lo a ni. A ram neitu Pu Kaphthiana, tuipui 'D' in a ram a pek phal hnu July, 2013 ah Darzo lampang side-ah heng hnate hi an tan thei chauh a ni. Hei vang hian thla 5 lai Darzo lamah hna tan thei lovin an awm a ni.

(2) Kum 2013 Fur lai (August-October) khan R. Chhimtuipui a len avangin Marboat a kai thei mumal lova, hei hian Darzokai lama hnathawhna tur hmanrua Cement, Steel, etc. a lak kai mai theih loh avangin Darzo side lamah hna a thawh mumal theih loh a ni. Hei ringawt pawh hian namen lovin hna a thulh tir a ni Pu Speaker.

Darzokai-a marboat hi ni 4.5.2014 khan a chhia a, Tuipui-ah a pil a, siamthat leh mai theih loh khawpa a chhiat avangin marboat service hi hemi ni atang hian a awm tawh lova, tun thleng hian marboat a service ta lova. Hemi avang hian Darzo lampanga bungraw lak kai a harsat avangin hna a timuang lehzuat ta a.

Tin, Tuipui 'D' panna kawng, Kutkaw peng (National Highway 54) atanga Tuipui 'D' panna kawng (BRTF kawng) hi a chhe lutuk a, lei dawhna tur bungrua (steel structure) phurtuten an zawh ngam loh avangin Kutkaw pengah an unload thin a, chu chu truck te chi(407) in an thiar chhawng leh a, chu chu a harsatna leh a tikhawtlaitute zinga mi a ni e, Pu Speaker.

**SPEAKER** : Zawhbelhna, Pu Lalruatkima.



**Pu LALRUATKIMA** : Pu Speaker, tunlai chu lei hi a lar khawp a. Hmanniah kawng leh lei chhiat chungchang Resolution kan sawi kha Pu Speaker, i ngaihbel a nih ka ring a, hei hi chu zawhnaah a la lut lo niin ka hria, ka hriatsual loh chuan.

Ka zawhbelhna chu, PWD Minister zahawm takin a chhanna atangin ni 30 November, 2014 ah hian thawh zawh tura extend a ni a. Chuti a nih chuan hemi hun chhungah hian an zo thei angem tih ka zawt a. Tin, tun dinhmunah enge physical achievement contractor te hian an neih tih ka zawt bawk a. Sum hei zozai hi kan pe tawh a, kan pek tam lutuk tawh avang hian an thawk muang em ni? Nge an thawk tha duh tawh lo em ni zawk? Lak tur pawh an nei tawh mang bawk si lova, churang chuan an inthlahdah niin a lang a, sawlai lei dawh hna saw. Chumi vangte chu em ni tih leh mipuite harsatna chanchinbu lamah kan hmu nasa, hei hi theihtawp chhuaha chak zawk tura tun thal chhung ngei hian a hun tura ruahmanah hian zawh theih tum ni thei se tih ka'n zawh belh a ni.

**SPEAKER** : House Leader zahawm tak Pu Lal Thanhawla'n chhang teh se. Pu K. Sangthuama'n zawhbelhna a nei a.

**Pu K.SANGTHUAMA** : Pu Speaker, ka hriatsual loh chuan hmanni kan Deputy Speaker zahawm tak khan mi zawhna chhan hnua zawh leh chu ka awih love a ti a, ka thuawih vang deuh zawk a nia tunah khan kan tih, min lo hrethiam turin ka ngen nghal che a ni.

Hmanniah Tlawng leilawn a chim a, sawlam nen chuan a in tally lo naa khawngaihni kan House Leader zahawm tak khan min lo hriatpui se, zawhna han pek ka duh a. Khu khu Krismas hmian zawh hman beisei a ni em tih kha kan zawt a. Tunah khuan a thawktu non-Mizo pahnih chauh an awm mai a, hmun thuma then hmun khat pawh kha a lei chhia kha an la thiat zo lova, churangin chak zawk deuhin hma a lak theih em tih kha ka zawt a ni e.

**SPEAKER** : Chief Minister zahawm tak sawm ila.

**Pu LAL THANHAWLA, CHIEF MINISTER** : Tun thlenga physical achievement ni a lang chu 85% a ni. Pu Speaker, Darzokai lei saw a tak takah chuan kan khawih tur a ni lova, kan tih tur pawh a ni lova. Border Roads ho kawng a ni. Kan hotuten Hnahthiala min va din tir ve khan an harsatna ka va hmu a, ral lehlam ho harsatna chiang takin, sawlaih Chhimtuipui a len but but laiin Rajiv Gandhi nen a chungah kan thlawk a 1986 ah, an harsat zia ka hrih a. Tichuan, Kawlchaw-ah

khuan lei tha tak an dawh ta a ni. Tichuan, saw saw khatia kan hotuten min va din tir ve khan Hnahthial bialah, khatihlaia Finance Minister Pranab Mukherjee-an min rawn campaign pui a. Hnahthial vantlang inkhawmah thu a sawi laiin kei kha hmun danga ka kal a ngaih avangin, ka nupui kutah hetiang hian puang rawh, hetiang hian min lo puansak rawh se ka ti a. Chu chu Mizo tawng chuan ‘Chhimtuipui ral lehlama North Vanlaiphai te leh a chhehvel te kumtin tuilian avanga harsatna hi ka lo hria a. Chuvangin, Congress kan sorkar chuan kan dawh ang’ tiin ka ziah ang ang kha a chhiar chhuak a, Hnahthial vantlang inkhawmah khan. Chumi kal zel chu a ni.

Border Roads ho kawng a ni a, anmahniin tunah sawn estimate te siamin sawlaih sawn permanent bridge dawh dan tur an ngaihtuah ve mek a. Mahse, chutih chhung chuan mipuiin an mamawh si avangin thahnemngaihnaian tiang hian kan tichho a. Vanneihthlak takin DoNER ten min lo pawmsak a, ti hian an rawn sanction a ni. Tichuan, hna hi thawh tan nghal kan han tum a, an dawh tan ni tak hi November ni 19, 2012 vel niin ka hria a, an hna tan ni hi. Amaherawhchu, factor hrang hrang a tikhawtlaitu a awm lo thei ta lova. Entirman, Darzokai-ah megawatt 400 pechhuak thei tur hydro project khuah tur a ni a. Tichuan, an han khuap ang a khawilai chin kha nge a rawn chim dawn tih te kha thui tak, rei tak, hriat theih a ni mumal lova. Chungte chuan sawlai hna tan pawh saw a tikhawtlai a. Tunah tak pawh sawn khawi chiah nge chu an hre lo nain rinthuin sang deuh takah sawn an khuap a ni. Chutiang chu a bul lo intan dan a ni a. Chuvangin, hei hi thahnemngaihna liau liauvin PWD kawng pawh ni lo, Border Roads ho taah mipui harsatna hrethiamin kan hotuten tiang khan hma an la a, tichuan, a kal chho a ni. Tichuan, ka’n sawi tawh ang khan kawng chhiat avang te, National Highway peng atanga kawng chhiat lutuk avangte leh a ral lehlam Darzo atanga ram neituin a ram a pek phal lawk loh avangtea heng hi khawtlai chho ta kha a ni a, a pawh khawp mai a. Amaherawhchu, tunah hian bul an tan leh mek a khilaila tlawmngai pawlin zirilaite an han tihbuaina kha an tih loh tawp tur niin ka hria a. Khi lam pang an harsat zia kan hotuten an hriat avanga, thahnemngaihna leh duhsakna avanga he Lei hi dawh a ni. Border roads ho tih tur a ni a, border roads ho pawh an tlawmngai hle a. Hman deuh lawkah pawh khan min rawn hmu a, in Lei dawh te hi tichak ulangin a tul a nih chuan khulamah pawh kan lo tanpui ve ang che u tiin kan indawr mek a, chutiang chu a ni a Pu Speaker.

Chuvangin, tunah hian chak zawka thawh tir mek an ni a, sum hi kan pek tawh anga lang hi pek tura tih a ni a, engemawchen kan pawt chawp nghe nghe a. Chu erawh chuan hna a tikhawtlai pawh a ni mai thei. Amaherawhchu, chuti chungin thawk chhun zawm turin leh chak zawka tan la tura tih an nih angin tunah hian tan an la mek a ni. Tin, tunah hian a chhuat

phah te leh khatiang chi vel te kha an khawih chho a, tunhma ai chuan kan innawrna avang pawhin hma an lak chak ka bei sei.

Tin, Tlawng lei kha Pu Speaker, Krismas hmaa zawh theih beisei a ni a. Hmanni khan member zahawm tak Pu K.Sangthuama khan a chumi khami laia kha an kilh loh vang a ni ang te kha a ti a, mahse, a sawi lai tak kha an kilh ngai lova. Khumi chhiat chhan khu a part pawimawh tak tak ruk ching an awm avanga chhia a ni a, a pawi khawp a. Amaherawhchu, nunna em kan chan lova, khuti khawpa harsatna min siam avangin Pu Speaker, a rang thei ang bera peih tum a ni a, krismas hmaa peih tum a ni.

**SPEAKER** : Hei zawhna dang hi kan la hman angem, minute khat chauh kan nei a, mahse, zawt tho sela, a neitu Pu K.Sangthuama sawm ila.

**Pu K. SANGTHUAMA** : Pu Speaker, ka lawm e. Ka zawhna hi tawite a ni a. Kan PWD Minister zahawm tak chhan atan Starred Question No.-186 na, Vaivakawn – Chawnpui – Zotlang kawng hi tun thal chhung hian re-surfacing theih a ni angem tih ka zawt e.

**SPEAKER** : Aw, chhang turin kan House Leader, Chief Minister zahawm tak Pu Lal Thanhawla sawm ila.

**Pu LAL THANHAWLA, CHIEF MINISTER** : Pu Speaker, member zahawm tak Pu K.Sangthuama zawhna chhanna chu, Vaivakawn - Chawnpui – Zotlang kawng hi tun thal chhung hian re-surfacing tih tum a ni a, Vaivakawn - Chawnpui kawng hi Km 1.200 a thui niin a kawng dinhmun hi a chhiat tawh em avangin re-surfacing tih nan tun thal chhung 2014-15 hian cheng nuai 12 work schedule a dah a ni nghe nghe a ni, Pu Speaker.

**SPEAKER** : Zawhna hun a tawp e. Tunah chuan..

**Pu LALRUATKIMA** : Pu Speaker, business danga kan kal hmain khawngaih takin ka Unstarred Question No. 46-na clarification ka demand kha, a chhan chu property a ni a, zawhna dik lo tak mai hi ka vanneih nge ka vanduai ni pahnih ka tawng der mai a.

**SPEAKER** : I sawi tawh a maw, nimin thil a ni a, a kal tawh a, an inring hman lo mai thei a, nimin thil a nih avangin maw! An lo inring a nih chuan (zawhna diklo kha Unstarred a ni ta amaw? Unstarred dik lo kha ) In lamah in inzawt mai dawn nia)

**Pu LALRUATKIMA** : Pu Speaker, Unstarred a ni a, nizanah kan hre chauh a, a rem chuan ka'n chhiar chhuak ang aw.

**SPEAKER** : Awle, chhiar mai rawh.

**Pu LALRUATKIMA** : Ka Unstarred Question 46-na ka zawhna- (a) Tuivai Hydrel Project 210 Mega Watt tur hi a bul atangin PPP Mode Agreement siamthat leh tum a ni em tih a ni a. A chhanna chu Tuivai 210 megha watt tur hi a bul atangin PPP Mode siamthat leh tum a ni a ti a, a dik thlap mai a. (b) Anih chuan enge a chhan ka ti a. Tilaiah hian min rawn chhanna chu Mizoram Council of Ministers 29.9.2014 a meeting chuan Tuirial HEP hi NEEPCO thawh turin a ruat a NEEPCO te thawh dan tur Terms and Condition hi a hrana siam a tul a ni tih zawhna a ni ta a. Tuivai ka zawh laiin Tuirialin min rawn chhang a ni. (**Pu LAL THANHAWLA, CHIEF MINISTER** : Pu Speaker, Office lam inthlahdah vang bawk a nih kha, Tuivai han zawt na na na a, Tuirial an han chhang kha an diklo hle mai, an fimkhur hle a ngai) Pu Speaker, ka zawhna hi kan Hon'ble Minister, PHE changtu ka zawhna a ni a, dik lo taka min chhanah khan mawh a phur dawn lawm ni? A chhan chu sorkar hnathawk kan mawhpuh leh thin a. (**Pu LAL THANHAWLA** : Phur e, chu an dik loh avangin an phur pang anih chu, engtin nge an kal zel dawn chu ka hre lo. Ka phurh laklawh phei chuan ka tlukpui mai ang, Anmahnin an tender tha ang) **Pu LALRUATKIMA** : He laiah hianin a diklo dang kha Tender that leh a ngai dawn em tih ka zawhna hi : (**Pu LAL THANHAWLA** : Ngai dawn e, NEEPCO te thawh tur a nih avangin anmahniin an tender tha ang)an rawn ti leh daih a. NEEPCO te thawh tur Tuivai hi nilovin ka hre bawk si a, a engpawhnise, Pu Speaker, Unstarred hi min pe leh thei lawm ni.

**SPEAKER** : Pek dawn pawhin vawiin hi a tawp ni a ni si a, a hman tawh lo reng reng.(**Pu LAL THANHAWLA , CHIEF MINISTER** : Pu Speaker, hemi Tuivai Megha Watt 210 pechhuak tur hian NEEPCO thawh tir kan tum, decision kan siam tawh)

**Pu LALRUATKIMA** : Pu Speaker, chu chu Tuivai leh Tuirial min rawn chhan dan kha a dik lo a ni. (**Pu LAL THANHAWLA** : Pu Speaker, Tuirial chu 2015 ah kan hawng

dawn, an tihchhiat lailet der kha kan siamtha leh a) Tuirial kha ka zawt lova, Tuivai kha a ni a, ka zawhna chu, Tuirial khan min rawn chhang zel a. Khalaiah khanin a mawh phurtu kan ni a, mawh kan phur ang a. (**Pu LAL THANHAWLA, CHIEF MINISTER** : Helaiiah hian Tuivai kha NEEPCO kutah kan hlan dawn an thawh turin) An chhang bawk si lo, Pu Speaker, a سوالنا lai kha Unstarred-in nakinah min rawn chhansak la a fel mai dawn lawm ni? a chan a ni a, Unstarred-in chhang mai rawh se, a nih leh. (**Pu H. ROHLUNA, MINISTER** : Pu Speaker, hei hi nimin thil a ni a, vawiinah Session tawp ni a ni tawh a. Unstarred a han inpek leh dawn pawhin hun a awm tawh lova, Kan House Leader zahawm takin Oral in a tihdikna a sawi tawh a, chu chu pawm tlan mai a tha lawm ni) Pu Speaker, a dik tho va, nia, tihsual palh hi chu a awm thei thova. Amaherawhchu, a zawttutena an rawn ngen ang khan tihdikna kha chu awm thei mai se, harsatna a awm lovang a. Nimina mi a ni a, zan lamah hian kan en hman deuh chauh a ni a. Unstarred question te pawh hi, helai hmunah hian kan chhiar hman vek si lova. Chuvangin a ziak khan emaw rawn titha leh mai se, a ngen ang khan a tha mai lo maw Pu Speaker.

**SPEAKER** : Ngawirawh nakinah Sesion leh hunah lo chuan tunah chuan hun a awm tawh lovang lo inring mai sela. Tunah chuan special mention kan ko tawh ang. Pu T.Sangkunga'n special mention tih a dil a, chu chu kan phal sak a, amah i sawm tawh ang u.

**Pu T. SANGKUNGA** : Pu Speaker, ka lawm e. ka lo inbuatsaihna hmun thuma thena hmun nhihin min tihtawi tir a, chu chu minute nga(5) lek chhunga kan Speaker zahawm takin tih zawh a ngai lehngal a. Ka thusawi hi a lo bumboh deuh pawhin kan Speaker leh member zahawm tak takten min ngaihthiamna ka'n dil hmasa a ni.

Ni 25 November, 2014 a Printed leh Electronic Media hrang hranga ZNP President zahawm tak Pu Lalduhoma thusawi ni a tarlan kha a hriatsual avanga thu diklo sawi a nih ka ring a. Ka sawi fiah loh chuan kan thalai tam tak, sorkar laipui sensoa training a, 70% chuan placement nei ngei tur ten an tim phah ka hlauh avangin kha mi chungchang kha sawi fiah ka duh a ni.

Mizoram sorkarin Mizo thalaite Skill Development lam a ngaihthahin, ruahmanna felfai awm lovin a kalpui nia lang thei tura a rawn tarlan hi thil hriatsual palh niin a lang a, sawifiah a ngaiin ka hria. Skill Development leh Initiative Scheme hnuaiia training chungchang chu hetiang hi a ni.

Mizoram Sorkarin VTP- te a thlan danah credential emaw an hmunhma enfiah hmasa lo leh office, Training Centre leh training hmanrua pawh nei mumal lo, Address mumal pawh nei mang lote VTP atana thlan niawma a sawi hi thudik lo hulhual a ni. Sorkarin Mizo thalaite hi state pawna VTP-te hnenah hian a pawng a puiin a tir ngawt lo va, Inspection team siamin VTP te endik turin a tir a. Heng Inspection team-te report behchhan hian kan thalaite VTP rintlak hnenah chauh a tir thin a ni. Thalaite training tura sorkarin a tirhna VTP te hi office mumal tak, address pawh mumal tak nei ni mai lovin mihausa pui pui pawh an awm nawk a. VTP te hi Telephone, Mobile, E-Mail te hmanga biak pawh theih reng an ni. Hei hi tupawhin min rawn zawt ula, kan biak pawh tir thei ang che u.

Ministry of Labour & Employmen, Govt. of India-in SDIS Scheme a tihchhuah hnuhnung berin a tarlan danin VTP te hian an hnena zirchhuak 70% tal tawp hna an hmuhsak tur a ni a. Hei hi an ti thei lo a nih chuan de-recognised tur a ni. Tin, an hnena zirchhuak te hi kumkhat tal an enzui tur a ni tih a ni bawk. Chuvangin zirchhuah hnuah pawh placement chungchanga harsatna tawh tho tho tur leh beidawnga thalai tam tak te siam anga Pu Duhoma'n a sawi leh zangnadawmna a ngensak hi SDIS hriat tawh loh vang leh tute emaw mi tlemte, thil tak tak ti peih lote duhdan niin a lang.

Tin, training zo hna thawk lo leh zir zo lote tan compensation pekna provision hi SDIS-ah hian a awm lo hrim hrim a. State sorkar stipend a zir MBBS, BE leh Technical Course hrang hranga kal te pawh hi an zir zawha hna hmu lo emaw, a laklawha lo hawte emaw hnenah hian tumahin compensation an pe ngai lo. Tuna SDIS hnuai ami phei hi chu central sorkar expenditure liau liaua tirh an ni a, state hian mawh a phur tlem em em a ni.

Tin, tuna sorkarin SDIS a kalpui mek hnuai training zo lo lo haw emaw, placement tha tak hmu tawh hnuah chhan hrang hrang avanga lo haw apiangte compensation pek zel an nih chuan compensation beisei vanga lo haw an tam hle dawn a ni tih a chiang reng a. Lo haw apiang compensation lo pek hi thalaite rilru tihpiansual theihna tur thil a ni dawnin a lang.

ZNP President thusawiah hian Skill Development Scheme hnuai UPSC Exam atanga hna hnuaihnuung ber thleng train tur a awmlai a hna hnuaihnuunglam chauh

thawk thei tura training lam chauh sorkarin a ngaipawimawh ni a sawi pawh hi hriat sual liau liau niin a lang. A chhan chu thalaite hi Workers Welfare Board hmalaknain diploma leh degree course zir tur te, banking leh insurance a thawk turte, Tourism leh Aviation Sector a Executive hna chelh thei tur te training-a tirh mek an ni a. Kan training chhuak Airlines leh Cabin Crew hna te, Bank leh Insurance a hna hmu ta te hi sorkar chuan third class worker-ah a ngai lo mai pawh ni lovin hna zahawm kan thalaiten an thawk thei hi sorkar chuan a chhuang zawk em em a ni. Tin, sorkar laipuiin SDIS hnuuia kum 2008-a training dan a siamte hi ennawnin ni 31.10.2014 ah thuchhuah a siam thar a. Pu Lalduhoma'n line chi hrang hrangah course 2061 awm anga a sawi pawh hi a hriat sual palh niin a lang. He course hi an titlem vak tawh a, 2061 ni lovin 544 chauh a ni tawh a ni.

Tin, Goa leh Bangalore a thalaite tirh an nihin, anni hi beidawngin an lo kir leh tih a sawi a. Kan sorkar emaw, Mizoram Youth Commission emaw hian Goa leh Bangalore-ah SDIS Scheme emaw, Labour Welfare Fund atang emawin mi pakhatmah training tur a tir lo a ni. Mizoram sorkar hian thalaiten eizawna ngelnghet an neih hi a duhsak takzet a, hemi atan hian hma a la mek zel a. An hmalakna zingah thalaite skill develop hi a ngaihpawimawh berte zing ami niin nasa takin hma a la mek a. Hemi avang hian sorkar leh VTP te pawhin an sum tam tak, a nih tur bakah thalaite tan hian an seng thin a ni. Hetiang a nih laia a chhuanchhe zawng leh thalaite rilru tihhual thei zawnga thudiklo chhuah a awm leh thin hi inpuhna satliah ni mai lovin kan thalaite leh an nu leh pate, training mekte leh kan thalai tam tak training duh te rilru tihhualna leh tihbeidawna a ni ang tih kan hlau takzet a ni.

Sorkar hotute, thalaite hmanruaa hmanga inthehlar tum leh sumdawna hmang anga a sawi ta mai pawh hi a hriat sual palh a ni. A chhan chu a tir phatah MYC leh Labour & Employment, IT Department-ten Emporium Consultancy, Kolkata-a mi 240 training-na tura Advertisement a chhuah khan mi 90 chauh interview an awm a. Hetatang hian thalaite hi tiphur a, mi tam zawk training-na a thawn tur chuan mipuiten an training awmzia leh kan thalaiten hna an hmuh theih dan turte chiang taka tarlan a ngai tih hriat a ni a. Chuvangin ni 4 leh ni 5 June, 2014 ah Skill Fest neih a nih pawh khan publicity a that avangin mi 2855 in training a kal duh an rawn in registered nghe nghe a. Chuvangin, publicity a that hian kan thalaiten an thiante hetiang training a hna an zawng a ni tih an hmuh hian midangte pawh an kal ve duh beiseiin, intihlar tum vang ni lovin thalaite tihhmuh turin publicity hi uar mek zel a ni.

Tluangtaka kan kal chuan kumkhat chhungin kan thalai 1000 aia tlem lo placement hmuhsak theih kan beisei a. Kan state sum dinhmun enin state pawna central sorkar sensoa kan thalaite training a tir chhuak tur leh placement tha hmu theiturte tihual zawnga hma la kan awm thin hi a pawl takzetin heng hi ti tawhlo hram tur leh kan thalaite ram pawn lama training tur te pen chhuak tura encourage zawk turin kan ngen a ni. Ka lawm e.

**Pu VANLALZAWMA** : Pu Speaker, Session tawp ni te a ni bawk a member tam zawk concerned thil nia ka hriat pakhat han sawilawk ka duh a i phalnain. Chu chu hei zawhna leh chhanna kan zo chauh a, tunah khan chhan hmanloh te pawh kha a awm nual a. Hemi chungchang hi kan member-puite leh kan House Leader leh kan Parliamentary Affairs Minister pawh ka sawipui thuak a. House Leader pawn thatakin min chhanga ka lo enzui dawn nia a ti a. Amaherawhchu, House Leader tibuai kher lo hian i ho hian tihfel mai theih niin ka hria a Session leh atang chuan. Chu chu hei kan Question an chhan hmanloh leh kan chhan te kha, hei Minister te leh Minister of State te leh Speaker leh Dy. Speaker chuan in kawl mai a, a member dangte hian kan nei ve ta lova. Chu chu hetia Question Hour a zawh hi chuan heta kan Dana a lan ang hian chhan hmanloh te pawh kha chhan vek ang a ni a, House Proceedings a tel tur a ni tih kha a ni a. Amaherawhchu, member dangte hian wawiina chhanna kan dawn leh dawn hmanloh te kha kan han dawn ve meuh hi chuan zan dar 6 hnulam te, nizan phe chu zan dar 9 hnulam a ni a. Chutihlai chuan zawhna hun a tawp tawh hi chuan confidential a wawn ngai pawh a ni lova, Media lamte pawhin an lo hrezui a, tikhan an chhan hmanloh te kha chawhnu lam Newspaper-ah te lang hman a awm a, chutihlai chuan News-ah te an lo puang dum dum tawh a. A member tam zawk hian a official-in kan la dawnglo a ni khatihlai khan.

Chuvang chuan hei Parliament-a an tih dan i hrechiang a, nangmahin khulama an tih ang khan, khulam khuan nu leh pa chan changah an inngai a, kumin kumtira member thar ho Training min pekah pawh khan an tihdan min hrih a, a theih ang ang kha hmang ve tur khan min ti a, ziaka an neihte leh ziaak loa an neihte pawh. Khuta an tihdan ang khuan a tih ve theih mai lawm ni?

Entirnan, Lok Sabha-ah leh Rajya Sabha-ah te chuan wawiina chhantur a kha, chhanna famkim kha Session tanhma darkar khat velah Corridor-ah an lo dah a, Hindi leh English Version kha, a duh chuan an va la mai a, an lo en ve thei a ni. Chutihrual chuan



kha kha kan lak loh pawn House-a kan awm hnuah engemaw a chhanna kan ngaihven zawng deuh a awm chuan duty te tir a, khami question no. chumi khami a kha min han lak teh kan ti a, min han lak mai thin a ni. Chumi chu an practice anih mek lain keini chu kan sawi ang khan zan lamah te kan dawng ta chauh mai a. Hei hi a tih ve theih mai lawm ni, he House zahawmtakah hian, member tam zawk tan pawh lo enchian atan.

Tin, a chang chuan zawhna chhanna thenkhatte hi figure te a lo ni a, a chhangtuin an sawi khan a chang chuan lo note hman leh lo enchian te a har a, chuvangin zawhbelhna te pawh kha a har dukhawp mai a. Khatiang zawng khan ti ve ila, khulama an tih ang chi nangpawhin i hriatchian em em kha, a uiawm lem em ni? A hma darkar khata min pe theilo anih pawn House-a kan luh a kan hmuh turin Unstarred Question te kan dawhkana an lo dah ang hian lo dah ve ta mai se, tlaia sem leh pawh ngai tawh lo khan, tih kha ka'n rawt a ni. I hoa tih mai chi niin ka hria a, ka lawm e.

**SPEAKER** : Mizoram chuan Parliament tihdan hi kan la vek hman kher lova, kaldan pangngai te hi kan nei ve a, chu chu kan la chhonzawm rih a ni a. Tihdanglamte a tul a nih chuan kan la inrawnkhawm ang chu. Tunah hian thil pahnih puan tur kan nei a, pakhat chu kan member zahawmtakte absent rawn dil Pu Chalrosanga Ralte leh Dr. Ngurdingliana te hian House awmluh san phalna an rawn dil a, kan phal a ni tih ka puang a. Tichuan, Pu Lalrinliana Sailo, Pu S. Laldingliana, Pu Chalrosanga Ralte, Dr. Ngurdingliana te he House-ah hian vawiinah an thu lo a ni tih kha hria ila.

Tin, nimirah khan Election, Estimates Committee Member tur thlanna kha dar 4 thleng khan Nomination kan hawng a, tu man Nomination file dang an awm lova, Pu Lalrinmawia Ralte-in Estimates Committee Member atan NI.Vanlalawmpuii Chawngthu a nominate a, nomination dang pakhatmah a awm loh avangin kan Dan 202-na, chang – 1-nain a phal angin, Estimate Committee Member a thlan tlin a ni tih ka puang a.

Tunah chuan Financial Bussiness kan chhonzawm anga, kan hriat angin Minister zahawmtak pahnihte Demand kan sawiho dawn a , nidanga kan tih dan thin angin an pahnih Demand hi, min lo ngaithiam ula, Laying of Papers kan nei anga. Pu P.C.Lalthanliana, Minister-in Statement of Correction on the reply given on 24<sup>th</sup> Nov,2014 to Starred Question No. 205, Ballot No.149, Pu Lalruatkima zawhna tihdikna kha House a dah a duh a, chu chu lay turin i sawm ang u.

**Pu P.C.LALTHANLIANA, MINISTER** : Pu Speaker, i remtihna leh he House zahawmtak phalnain, 24<sup>th</sup> Nov,2014 a member zahawmtak Pu Lalruatkima zawhna Starred Question No. 205, Ballot No. 149 a PWD Act hnuaiia 3% reservation chungchang a zawhna chhanna correction statement chu he House zahawmtakah hian ka rawn lay e.

**SPEAKER** : A copy sem ni sela. Awle, tunah chuan voting on Demands sawihonaah kan kal tawh anga. Kan hriat angin kan Minister zahawmtakte pahnih chanvo vawiinah hian kan sawiho dawn a ni. A hmasain Pu C.Ngunlianchunga, Minister zahawmtakin a department chan Demand No.18 na, 30 na leh 34- na te he House a sawiho turin move sela a tha ang e.

**Pu C. NGUNLIANCHUNGA, MINISTER** : Mr Speaker, Sir, under the recommendation of the Government of Mizoram and with your permission, Sir, I move the Demand Nos. 18, 30 and 34 for ₹ 22042.27 only, for meeting expenses till 2014 – 2015 in respect of the following departments – Demand No.18 - Printing & Stationery ₹1362.76 lakh, No. 30 – Disaster Management & Rehabilitation ₹ 2735.44 lakh, Demand No. 34 Animal Husbandry & Veterinary ₹ 17944.07 lakh, total ₹ 22042.27, thank you. ( ₹ in lakhs )

\*Speech not corrected

**SPEAKER** : Awle, kan la kawp leh dawn a, tunah hian kan House Leader zahawmtak Pu Lal Thanhawla, a Demand Nod. 1,2,3,5,11,13,15,26,27,39 and 45, a zavaia belkhawm chu ₹ 123994.43 lakh he House a sawiho turin rawn move turin sawm ila.

**Pu LAL THANHAWLA, CHIEF MINISTER** : Pu Speaker, Governor zahawmtak remtihna leh i phalnain, ka pu, heng Demand Nos . 1,2,3,5,11,13,15,26,27,39 leh 45 na ₹ 123994.43 lakh hi kum 2014 – 2015 chhunga a tul anga heng department te hian an hman turin he House zahawmtak min pawmpui turin ka pharha, hetiang hi a ni. Demand No.1 – Legislative Assembly - ₹ 2221.79 lakh, Demand No. 2 - Governor ₹10.60 lakh, Demand No.3- Council of Ministers - ₹ 619.22 lakh, Demand No. 5 – Vigilance – ₹ 488.33 lakh, Demand No.11 – Secretariat Admn. Department ₹ 8796.00 lakh, Demand No. 13 – Personal Administrative Reforms ₹ 223.30 lakh, Demand No.15 – General Administration Department ₹ 5878.32 lakh, Demand No. 26 – Information & Public Relations ₹ 1229.70, Demand No.27 – District Council Affairs ` 24814.90, Demand No. 39 – Power & Electricity Department ₹ 33593.47 lakh, Demand No. 45 – Public Works Department ₹ 46118.80 lakh, a vaiin ₹ 123994.43 lakh hi ka sawi tawh ang khan Pu

Speaker, tun 2014 – 2015 chhunga khang Department te khan an hman turin House zahawmtakah min pawmpui turin ka rawn pharh a ni. Ka pu ka lawm e.

**SPEAKER** : Awle kan Minister-te chanvo hrang hrangte House a sawiho turin an rawn pharh ta a, kan tihdan thin ang khan mi pakhat sawina hun kha minute 10 bawk kan ti leh anga, tunah sawi kan tan tawh anga, tunge, aw Pu K. Sangthuama, sawi hmasa ber se.

**Pu K. SANGTHUAMA** : Pu Speaker ka lawm e. Kan Demand a kan luh hmain thil pakhat. Hei kan thil han sawihoah hian kan rules ah hi chuan ka hmu chiah lo na a, kan practice dan kalphung deuhah hian, kan Minister zahawmtak te, tun hmain Parliamentary Secretary te ka la ni ngai chiah lo na a, zawhna han zawh ve te leh Demand han sawi leh engemawah hian a tlangpuiin kan practice dan deuhahkhan kan House Leader hian a hrechiangin ka ring a. Tunhma atang khan an ti tehchiamin ka hre lova, hei hi inkhap tumna ni lovin tlemin mahni lo in control ta deuh ila. A chhan chu file khawihute an lo ni a, khata tang khan mahniah khan ngaihndan lo insiam mai ni ta se thain ka ring a. Office lamah minister of state chu a ni chiahlo na a, Parliamentary Secretary te pawh hi enge ni national flag an tar lo a ni mai a, an dinhmun kan han en hian office-ah engkim, tin, minister-te sawi ai pawh timai ila khawiah pawh lo sawi leh file engkim tih a nih avangin hei hi a zahawm zawk lawm ni tih thuah Pu Speaker, kan House Leader zahawm tak hian min lo hriatsak se ka duh deuh hlek a ni.

Awle, vawiina kan Demand hi sawitur tam tak a awm ang a. Mahse, minutes10 chhung lek chuan han sawi zawh sen pawh a ni lova, tlem ka han sawi mai dawn a ni a. A hmasain lawmthu han sawi te pawh thain ka hria a. Thil tam takah helai House-ah hian han inhniah bar bar thin mah ila, lawmthu han sawi te, tin, a thalo lam hlir chi anga han indem emaw, thil tha tam tak tih laia lawmthu sawi te pawh hi kan ba ve tho mai a. Chuvangin, a pakhatna atang hian han sawi ta ila.

Demand 18-na Pu Ngunlianchunga, kan minister zahawm tak Demand kha ka'n sawi hma anga. Hei silpouline te min pe a, sem ve turte kan han nei a. Inang theuhvin kan zavaiin MLA zawng zawngte min han pekah hian a hnenah lawmthu ka sawi takmeuh a ni tih kha a hmasain ka'n sawi duh a ni.

Demand 18-na Printing & Stationery hi hmannah te pawh khan zawhna leh sawina tam tak a awm tawh a. Hei hi engeni khuahkhirh zawka kalpui zel ni selangin, department tam tak

hian inrenchemna lamah an kalpui thei anga, hei hi kan House hian hretlang lehzual ila, tin, department lamte pawhin lo ip hret selangin, duh duha indent ti mai lova pawisa kan inrenchem theihna a nihna turin hei hi rawtna leh kan House Leader te pawhin a lo sawi tawh ang khan hetah hian tan lak tlan chhoh zel hi a tha khawpin kan hria a. Chu chu inrenchemna atan ni ta se.

Tin, Demand No.30-naah khan hei Disaster Management & Rehabilitation-ah hian lawmthu sawi tur tam tak te pawh nichinah silpouline chungchangah te kan sawi a. Hei, kan Parliamentary Secretary zahawm tak Pu K.S.Thanga pawh hian vawiina kan sawitur pakhat hi Tlawng a tui tlate han chhanchhuahna mai tura boat hi vawiina sawichhuah kan tum pakhat a. Nimin khan kan inhma a pahnih chu kan leisak a, disaster management lampangah chuan a theih tho a, keima fund atang hian a ti a, a lawmawm khawp mai a. Vawiinah pawh hian lawmthu sawi kan duh a. Sairangah khuan kan mamawh em em mai a, 2/3 awm se min la tihsak se DM&R lampang hian, vawiinah hei kan ngen duh bawk a. A chhan chu a engine nei cheng tam lutuk lo a ni a. Kan fund kan la indaihloh avangin kuminah chuan kei chuan ka thei dawn ta lo a, mahse, chumi rualin Pu K.S.Thanga'n niminah min hrilh a, a lawmawm khawpin ka hria a. Hei hi kan DM&R minister-ten khawngaihmin min lo hriatpui se, khulai khu rilruah lo neih se ka duh a. Tin, bungrua (material) hi a hun dang dang atan hian neih belh theih ni se a tha khawpin ka hria a. Sum an nei tlem lutuk lovin ka hria a, chuvangin, a theih ang anga hmuntinah hian hemi kan chhiat rikrum thilah hian a hmanrua tha zawk ngaihtuah thei turin vawiinah hian ka'n ngen duh bawk a ni.

Tin, No.34-naah khan kal leh ila, Animal Husbandry & Veterinary department-ah hian Ramrikawn-ah khuan poultry firm kan nei thin a, tunhma tang khan ar note awpkeu tirnate nasa takin an bei thin a. Mahse, hmanni ka zu kal chuan khuti laiah khuan Pu Speaker, an lo ral deuh derin ka hre mai a, hei hi kan minister zahawm tak hian enge an thil tum? engtia kalpui zel nge a tum dan? An privatise dawn nge ni? tih te vawiinah a sawichhuah theih chuan a lawmawmin ka ring a. Ar hi vulh duh tam tak an awm a, vulh duh tam tak an awm lai hian a no phai lam atanga an lak a, helaia pawisa tam tak seng a, phai lam atanga chah a, a to te pawh a to zawkin a rinawm a. Heti laiah keimahni ngeiin kan tharchhuah ve theih a, tihna an ngaihtuah dawn nge ka hre lova, chu chu nakinah in tihtheih chuan khulai khu engeni rauhsan mai lovin tha zawka enkawl turin vawiinah hian kan minister zahawm tak hi ka'n ngen duh a ni. Le, kha kha Pu Speaker, kan demand 18-na, 30 leh 34 naah khan chuan tawka ta mai selangin.

Hei vawiinah hian kan House Leader zahawm tak Demand kan sawi dawn a ni a. Heng zawng zawng hi chu kan sawi vek seng lo anga, demand 2/1 ah hian han in concentrate deuh

mai ila a that kan ring a. A hmasa lamin a Demand chiah nilo hi khawngaihin min lo ngaihtlaksak leh selangin. Vawiih hian House Leader a nihna angin hemi ama department lo te pawh eng eng emaw han sawite pawhin min lo hriatthiam sak kan ngen hmasa duh a. Hei, buhfai chungchangah hian nimin lamah khan kan minister zahawm tak hian a rawn sawi tawh a, ₹15 a tihsan tur kha a rawn ti a. Hei hi a sang deuh lawmmaw ni chu aw ₹5.50 in a sang dawn ta a ni a buhfai man hi. Chu chu 57.59% in a sang dawn ta a ni a. Hei, Aizawl-ah leh khawpuiah hi chuan kan ti thei mai anga. Ration kan lak ang thin VIP an titawp te pawh hi a tha a. Keini ho tan chuan han ngaimawh tur a awm reng reng lova, a tha mai a. Amaherawhchu, thingtlang lama buhfai harsa zawka lo lei hram hramte tan hian ₹5.50 a an tihsan hi a sang deuh lawmmaw ni chu aw, thil man tihsanah hian 57.89% laiin a sang mai a. Hei hi kan House Leader zahawm tak hi ngaihtuah nawn leh turin ka ngen duh a. Kumina engemaw zata kan tihsan hi kum lehah te pawh tisang leh ta zawk ila chutiang ang chuan kal ta ila, sum kan indaihloh hi chu chiangtakin kan hria a, tan tlan pawh kan duh a. Amaherawhchu, thingtlang lama kan mi rethei zawkte hi a tam zawk an ni a. A dik chiah chuan 80% emaw vel hi thingtlangah an cheng daih mai alo ni a. Helaiyah hian ngaihtuahna ngun tak min hman nawn sak leh turin ka ngen duh a ni, Pu Speaker, kan House Leader zahawm tak hi.

Tichuan, kan demand 39-naah khan kal ta ila, Power & Electricity department, hei hi hmannah khan min chhang tawh a, a lawmawm viau va. Transformer ka biala hmun 4-a dah tur hmannah min chhang tawh a, kan dah ang a ti a. Chuvangin, a lawmawm khawp mai a. Kan House Leader zahawm tak hnenah pawh hian lawmthu sawi tur tam tak a mimal pawn ka neiin ka hria a. A chhan chu ka bialah chhiat namen lovin kawng a chhia a, nimahselangin, thal khat chhungin kan zo deuh vek a, lawmawm ka ti a. Tuna kan hmabak MZU kawng khu tawite la siamloh a awm a. Chu chu siam zawh turin ruahmanna min siamsak bawka a. Tin, nichina kan zawhna te pawh kha siam turin, tin, a dang dang te pawh siam turin min chhang deuh vek a, a lawmawm hlein ka hria a, kan House Leader chungah hian PWD a lakna ang mai nilovin, a kaihhruainaah pawh hian lawmthu sawina tur tam tak awmin ka hria a. A puitling khawp mai a, House an kaihhruai danah pawh hian chuvangin, a hnenah hian lawmthu sawi tur tam tak kan ba a, vawiih hian kan sawi nghal ni selangin a tha awm e.

Tin, pakhat lehah chuan Power lamah hian kan hmalakna hei kan hria a, nakum lam mai pawha hawn turte pawh kan hria a, a lawmawm a. Chutih rual chuan hmun tam takah in concentrate lova lui te te ah hian ti dum lovin pahnih khat lian deuhvah hian in concentrate deuh tawp mai ila tih kha a tha lawm ni tih kha ka'n sawi leh duh a ni.

Thil pakhat Rangvamual lei min khuan han sawi zawm ta ila, power cut a ni a, in 30 lai maiin hun rei tak power an nei tawh lova, khawngaihin Chief Minister zahawm takin min hriat sak sela. Eng (power) khu a ngaihtuhsak ve thei mai tawh lawm ni, khulai a ban te leh a hrui zawng zawng kha an laksak vek a, wawiinah hian eng (power) pe turin ka'n ngenin ka'n sawi duh bawk a ni.

Tin, PWD ah hian lawmthu sawi tur tam tak kan nei ka tih kha. Ka bialah nichinah kan sawi tawh a, PWD hnathawh dan reng reng hi contractor hian a quality hi an ngaihtuah lo thinin ka hria a. Chuvangin contractor lam hian a quality tha tur hian ngaihtuah thin se a tha khawpin ka hria a ni. Sorkarte chuan tih tur kan tuka kan pe a, mahse a thawktu lam hian a quality tha leh tlo tur hian rilru tak tak an pe lo thinin ka hria a, chuvangin contractor-te kutah thui tak sorkar hi kan nghat a ni. Chuvangin contractor-te pawh hian wawiinah hian lo hria se a thain ka hria. Chuvangin kan hnathawh phung reng reng hi ngaihtuah a ngaiin ka hria a. Kan engineer zahawm tak takte leh PWD leh Department dang dang amite pawh a niang chu, kan hnathawktuten a hmuna kal deuh chat chat nge ralkhat atanga rawtna nei mai lova an tih phawt chuan wawiin ai hian kan quality hi a thaa rinna kn nei a. Kawng te phei chu kan engineer-ten an thiamna hmang sela, building-ah te pawh an thiamna hmang sela, an lo tihdik loh contractor-in lo namnul an tum mai ang chi te pawh kal zat zat se chuan wawiina kawng chhia kan sawi ang chi pawh hi tun ai chuan a tloin ka ring a ni. Chuvangin kan engineer-te hian an ngaituahna hmang nawn leh sela, Mizoram tan an thawk a ni tih hria sela, Ministry mualphona tur tam tak pawh hi kan sorkar hnathawk leh kan engineer-te hian kawng chungchangah hian an pui theiin ka ring a ni.

Chuvangin heti laiah hian kan House Leader pawh hian a sawt leh sawt loh ka hre lova, duhtusam chuan han ko khawm thin sela, instruction tha deuh te pawh han pe leh sela, hetiang kawngah hianin theihtawp chhuah tura a hrana thu va pe vak pawh ni lem lova an hnena han sawi hi chuan a sawt hlein ka hria a ni. Hna tam takah hian engineer-te an kal vak lo ralkhat atangin thu an pe mai thin a, contract kan thawh ve lai pawhin chu chu a dan. Kum 40 dawn lai contract kan thawk a, chu chu kan kalphung a ni a, hei hi in hre chiang turin wawiinah hian kan ngen duh bawk a ni. Anmahniah kan innghat em em a ni. Tin hna hi chak takin thawh tum sela tam tak chuan kan thawh muan deuhva nakina claim leh tur hre ranin contractor tam takte pawh a awm ve theih

bawk a. Sorkarin duh duha sum tihsan zung zung a harsa a, kan indaihlova, hengah hian kan sorkar kan tanpui theihna a ni tih hriat hi a thain ka hria.

Pu Speaker, bill lak theih loh avanga hna chawlh san ta mai kan awm thin a, hei hi a dik lo a ni. A dik tak chuan kan neih ang angin kan thawk phawt anga sorkarin min pek ang khan he hna hi kan thawk tur a ni a, pek chu kan pe zel che anga, mahsela sorkar hna hi bill lak huna pek tur a ni a, bill lak hmam sum kha a nei ve tur a ni, a sum khan a thawk anga tichuan sorkarah a bill ang a, a letlingin bill ka la thei lova chuvangin ka thawk thei lo a ni an ti a, an kar thin a ni. Chuvangin kum tam tak contract kan lo thawk tawh a, tunhmain advance de re pawh min pe ngai lo reng reng a ni. Vanapa Hall te, TV station a crore tel eng emaw zah man, PWD office a tam lutuk kan thawk ve teuh, engamah hmaa advance kan la ngai reng reng lo. Tun lai chuan sorkar sum ringawtin thawh kan tuma, chuvangin hetiang ang zel a nih chuan kan contractor-te hian sorkar kan pui lo hle a ni. Chuvangin Contractor-te pawh hi an in ngaihtuah that leh a tul hlein ka hria a ni.

Kan House zahawm tak henah hian thil han sawi leh ka duh chu, MLA te hi bial 40 a then kan ni a, bial tin kan dap chhuak a, a dik chiah chuan MLA fund hi House leader hnenah han sawi chhuah ka duh a, tunah hian nuai 30 kan nei a, khua hi a tam khawp mai a fund kan sem hian a indaih thei lo reng reng. NGO zawng zawngin an beisei bawk si a, tawng mawi lo lo ni sela, Kohhran lamin kan duh bawk si a, khawtlang chei nan kan VC te khatiang ang khan a ngai bawk si a, chuvangin kan House leader zahawm tak hian ngaihtuahna rawn hmang se ka duh a, crore khat te chuan han ti se. Entirnan Pu Speaker, thil pakhat chauh kan budget dah danah hian other charges han tihah hian Planning-ah ringawt pawh hian nuai singhnih sanghnih zakua sawmsarih paruk a awm a, other charges-ah leh office expenses-ah nua singnga sanga zaruk sawmsarih leh pawisa sawmsarih leh paruk a awm. Chuvangin budget lehah chuan Pu Speaker khawngaih takin kan leader hian min lo hriatsak sela, financial dawna duh duh lama hai mai theih loh va tide deuh hleka dah tur hian rawn ruahman ula, hetah pawh cheng tam tak kan hlep theih ka ring a ni. Planning ringawta heti zat han awm te, heng atang hian ngaihtuahna rawn seng turin ka duh a ni.

**SPEAKER**

: Pu T.T. Zothansanga.

**Pu T.T.ZOTHANSANGA** : Pu Speaker, ka lawm e. Ka hma ami kan Member zahawmtak Pu K. Sangthuama khanin Parliamentary Secretary te lo inthlahrung thiam tura min han tihna kha a zahawm ka ti khawp mai a. Tunah hian zawhna keini chuan kan zawt tawh lova. Unstarred pawhin kan zawt tawh lo bawk a. Thusawi theihna kan neih loh lehzel chuan he Session-ah hian vawikhat mah dinna chance kan nei dawn lo tihna a ni a. Khatianga Member han inphuar em em kha chu a dik dawn em ni ka'n ti a. Tin, a kawng lehlahmah State Minister ang rank in ni min han ti ngawt mahsela, a rank han tih hianin an rank tak tak ngai lo. Planning Chairman kan han tihte, Finance lam ami te pawhin Cabinet an rank e kan ti a, helaiah an rawn thu chuang lo a ni. Chuvang chuanin, hemi kan zalenna, hemi kan sawi theihna hi chu min humhim sak theih hram kha kei chuan a thain ka ring a. Kha kha a hmasa-in ka'n sawi duh a.

Kan Demand No. 45-na PWD ah khan Pu Speaker, ka'n tan duh a. Helai SPA a a rawn lanna priority project-ah hianin improvement of roads within Aizawl city-ah hian 1000 lakh a rawn awm a, tin, District Capital ah 400 lakh a rawn awm a. He District Capital 400 lakh ah hian Champhai lamin kan chan tur hi 55.23 lakh a ni a. Tin, District roads ah hianin 300 lakh ah 3.33 lakh kan chang dawn a ni. Tin, rehabilitation of District road kan han tih 300 lakh ah hian 26 lakh kan chang dawn bawk a. Satachhuakpek a ni lawm maw ni le aw ka ti a. District roads leh District Capital roads kan han tih te, Town & Villages ah hian Aizawl khawpui tel lovin 1000 lakh a awm dawn a. 1000 lakh ah khan Champhai District in 84 lakh chiah kan chang dawn a, hei hi chu Official lam atang pawha han sem darh dan leh han tihual deuh dan hi chu awm se a thain ka ring a. Tunah hian tihdanglam a la theih em ka hre lova. Kan hre theuh a, kum 2016-ah hian Central KTP Khawmpui kan hmang dawn a ni. Chumi kan hmanna turah chuanin thahnem kan ngai khawp mai a. Rawtna te pawh kan han thehlut a, kan rawtna angte min han pawthlak sak zel a. A dik tak chuan District 7 khanin 1000 lakh te chu han insem te chu ni ilang 142 lakhs theuh tal kan chang tur a nih laiin, 80 tha chauh kan han chang ta mai a. Khalaiiah khan han inngaihbelte a awl a. Khawchhak lamah hian kan Politician-te hi kan hlauhawm lo bik emaw ni aw tih hi awl tak a ni. Khalai te kha min lo chhinchhiah sak se ka'n duh a.

Central KTP Khawmpui kan han thlen dawnah phei hi chuan nakum lo kal leh tur ami pawh hi tun kumah hian rawn awm belh zawk sela, a lehpek hi blank law law ila a tha-in kan ring a. Khangte kha kan rilru-ah chuan a rawn awm a ni. Han in theisem theih tak tak chu a ni lo naa, 1000 lakh ah 80 lakh vel han chan kha chu a te deuh mang e ka ti a.



Ka'n chhut mai mai a. District thenkhatten lo hrethiam sela, District thenkhat Capital roads-ah hi chuanin 1km ₹2 lakhs a an chei laiin keiniah chuan 1km hi ` 80,000 in kan chei a ni. Khami a kawng sei zawng leh engemaw te kha thliar chungin Department lam hotute pawh khan hma min lo lak sak se ka duh khawp a. Entirnan, tawng mawi lo nilo sela, Mamit te leh keini te hmun dangte nen kha chuanin kan kawng neih hi a in thui hleih lutuk a, mahse, rual pawpa sem hi a ni fo mai a ni. Khalai te kha kan kal leh zel turah khanin tun tum hi tihdanglam theih a nih chuan a lawmawm khawp ang a. Tihdanglam theih loh a nih pawhin kan kal lehzel turah chuan a Department lam hotute pawhin rilru-ah na taka min lo chhinchhiah kha ka'n duh a ni.

Tin, CCS for PMGSY a rawn ti a. Hetah hianin 2014-15 ah hian 5600 lakh hman tur a ni a, a total a hman tur hi chu 28,456 lakhs a ni a. Helamah hian khawchhak lam hawi hi a awm lo tluk a ni. Hei pawh hi a na khawp mai a, min lo hriat sak se ka'n duh bawk a. Work Programme phek 19-naah khan a rawn lang a, tahkhan a rawn lang mang lo a ni a. Khawchhak lamah hian PWD hian hnuhma kan nei lo khawp mai a, khalai te kha min lo hriat se ka'n duh a.

Tin, Champhai – Zokhawthar road hi tunah hianin vaibelchhe 153.10 in ruahmanna neih mek a ni a, a contractor te pawh an thlang fel tawh a. Hemi contractor an thlan fel tawh hianin amaha thawh tum chiah lovin, midangah Contractor tenau a zawng khawm a, inthawh tawm leh engemaw zawnga hmalak tumna awm ang hian a awm a. Chu chu ka'n sawi duh chu kawng siam rawn thutchilhtu tur Officer fel tak te an awm loh phei chuan a hna hi a phuailuai ang tih ka hlau khawp a ni. Kha kha min lo chhinchhiah sak se ka duh bawk a ni.

Tin, Pu Speaker, Power & Electricity-ah khanin han sawi duh ka neih chu Demand 39-naah khan, hmanni-ah khan ka sawi tawh tho a. Mizoram kum 1986-ah State kan nei tawh a, chuta tang chuan Sorkar hian Office hmun leh hma kan neih that loh avangin rent-ah kan la chawi teuh teuh mai a. Tunah pawh hian Mizoram pum ang chuan rent-ah vaibelchhe chuang teh meuh kha kan la chawi a ni. Champhaiah khian hmun tha deuh mai, zau tak mai kan nei a, khitah khian kan Office zawng zawng khi a accommodate thei vek a ni. Chutih laiin mi in to tak takin kan luah teuh mai a ni. Chu chu tun tumah hian kan thei lo a nih pawhin tun Term chhung ngei hianin quarter mumal tak hi khilayah khian kan neih hman theih ngei ka duh a, kha kha ka rawn sawi duh a. A bu-ah hianin Rents, Rates & Taxes a rawn tihah hianin 11 lakh vel hi a rawn ti a. Khangte kha in luah man vek a lo nih phei chuan, in luah man hi Sorkarin kan sen tamna em em mai a lo ni a. Seng tam lo thei tur ang hianin Sorkar hian ngaihtuahna pu thei se ka duh hle a ni tih kha ka'n sawi duh a ni.

Tin, Pu Speaker, Demand No. 34-na Vety ah khan ka'n kal deuh dawrh ang a. Ka Bial chhung Zawlnghak ramah khianin ran tlatna hmun tha deuh mai kan nei a. Tunhma khanin kan Sorkar lam hotute khanin hei hi ran tlatna hmunah min pe ula tiin inremna te pawh kha an lo siam tawh thin a ni. Chu an inremna-ah chuanin Zawlnghak ram kawng hi Rabung atangin a lut ang a, tichuan, a hnathawh tur awm ang zawng zawng, a staff ang chi reng reng pawh Rabung mi vek kan la ang ti khan Sorkarin remna an lo siampui tawh a. Amaherawhchu, Sorkarin an han la te te a, a kawng kha Kawlkulh atangin an luhpui ta daih a. Tin, a staff reng reng pawh Kawlkulh leh a chhehvel ami an la fai leh vek mai a, tunah hian kan Bial mipuite khi an lungawi chiah lo a ni. Tunhnaiah pawh development eng eng emaw a han lut a, hmun dang atang hlirin an rawn thawk leh baw si a. Helai hi chu Vety Minister pawh hian khawngaihmin min lo chhinchhiah sak se ka duh a. An ram neih zinga an ram hlu ber hmasang atanga an thing lian zawng zawng lo awmna, Sorkar tan phal taka an pekah khian inremna a awm a. Lehlamin inremna hre miah lo angin an kalpui leh si a. Khi khi a mipuite rilru na tihdam nan khian kan kal zel turah rilru tha tak i pu ang u tih kha ka'n sawi duh a ni.

Tin, Pu Speaker, ka Bial chhungah khian hnathawh nan khian ran kan la hmang nasa khawp mai a. Ran khian huang a nei mumal lova. Kan ran huangte khi min rawn hung sak se kan duh a. Kan hre theuh ang a, kumin kum tir khan ran a pul nasa khawp mai a, Ran an inkalpawh nasa lutuk a. An inkalpawh nasat lutuk avang khian a pul hri khi an inman kai zel a ni. Chuvang chuan za tel teh meuh khi an thi a ni. Chuvang chuan, ran khi a huang khi min rawn hung sak thei hram sela tiin kan Minister kha ka'n chah duh a.

Tin, Champhaiah khian Aizawl a MULCO kan tih ang hi CHAMUL kan ti a, Bawngnhute siamchhuaktu. Anni khi tunah khian an khawl a that loh avangin an kal hleithei lo a. Nuai sawmnhnih khat lek senga tha deuh siam rem leh mai theih a ni a. Khi khi kan Minister pawhin min ensak tawh a, hma min lak sak dan chen kha min han hrih thei se ka'n duh a.

Tin, Pu Speaker, vanneihthlak takin khawchhak atanga vawkte lo kal hmanni-ah an test a. NLUP atanga kan han tih kha a lo tha vek mai a, a lawmawm ka ti a. Vety Minister pawh khan a han sem a, a lawmawm kan ti a. Rei tak hnu-ah khan kan han pawm leh a. Tikhan an check vek a, damdawi thiam ten, kha kha a lawmawm ka ti a, chutih ruala ka sawi duh leh pakhat chu, hei ran hrisel leh hrisello ngaihtuahnaah hianin kan fimkhur a ngai khawp maia, tunah hian Mizoramah Pathologist 3 kan nei a, tin, microbiologist pakhat kan nei baw a ni. Pakhat hi DVO in a senior

tawh avangin a awma, tin, microbiologist pakhat hi hetah Aizawl-ah Diseases investigation Lab-ah a awma, tin, pathologist pakhat pawh hi a awm bawk a.

Pathologist pakhat hi Champhai-ah, thingtlang lama awm nge ni khawi ber nge ni ka hre lo, Champhai khi ran lo luhna hmun ber leh a check-na hmun ber a nih avangin he Pathologist pakhat hi chu Champhai hmunah min dah sak hram thei em tiin ka'n ngen duh a. A chhan chu khilaia an han test-ah pawh khanin Champhaia mi nilo hmun danga mi a test turin a rawn la a niin ka lo hria a, churang chuanin Champhai khi Pathologist ngeiin ran hrisel leh hrisel loh endik thei ngeiin min thut chilh sela, kha kha kan duha, kan sawi duh a ni.

Tin, hei village level-ah khianin field assistant hi kan neilo nasa khawp maia, 30/40 vel kha post ruak chu an nei niin ka hria a, khang kha engtikah nge lak theih a nih ang? kan vety te a indaih lo nasa bawk si a, tih kha kan sawi duh a.

A tawp berah chuan kan silpouline chungchangah khan kan opposition hotupa Pu Sangthuama'n lawmthu a rawn sawia, a lawmawm ka ti khawp mai a. Kum 10 an sorkar chhunga kan lamina kan hmuh ve mang ngailoh laia hei keini chu rual takin kan han inpe a ni a, a lawmawm ka ti a. Vawiiinah hianin sawitur a tam a, hunte a tlema khati kha ka han sawitheih ni mai ta sela, kan demand vawiiina a rawn tarlante hi lawm takin ka thlawp a ni, ka lawm e.

**SPEAKER** : Sawitur dang kan awm tawhlo em ni? Awle, Dr.K.Beichhua i lo sawm ang.

**Dr.K.BEICHHUA** : Pu Speaker, ka lawm e. minute 10 a nia, demand 14 lai a nia, minute khatin a daih dawn lova, churang chuan a point te tein ka rawn sawi mai anga. Pakhatnaah chuan kan House Leader hnenah ngenna ka siam duha, nimin lama buhfai kha thingtlang lama kan VIP te tan vawilehkhata punna kha 57.89 % tur khan chuan a tam deuh hlek ka ti a, engpawh ni se kan House Leader berin min lo enzui sak se tih kha ngenna ka siam a.

Demand no.1-na Legislative Assembly-ah khan tuna kan morgue van neih hi a chhe tawh lutuk a, engpawhnise, member-tena hei hi kan chhawr tangkai viau lai hian hman hleih theih lohin a awma, a thar lei theih ni se tih kha rawtna ka siam a. Pahnihnaah chuan MLA kan han ni ve chauha, 15 lakhs 1<sup>st</sup> installment-ah kan dawnga. Kan hmang tangkai ve viauin ka hria a, churang chuan hei hi nichina member zahawm takin a rawn sawi tawh ang khan other charges tihah khan

Planning-ah ringawt pawh 229 crore chuang kha a nia, a vai pheih chuan 523 crore ah khan 40 crore kha chu MLA fund-ah khan hmang ve thei ta ilang chuan 1 crore theuh. Chuvang chuan a tul chuan State pumpua monitoring unit te pawh din ta ila, chungte chuan kan hnathawhte pawh en se, a tul te pheih chuan a thawk tha te puan ni thin se. Chutiang chuanin inel ta ila, ram tan a tangkai viau awm mange tih kha rilruah a awm a.

Tin, Demand no.45-na PWD kha han sawi ta ila, lawmthu sawi tur ka nei a. Saiha bul Kawlchaw chhak lawka term hmasa a kum tam fe fur apianga kan tan rengna thin kha kan Chief Minister zahawm tak hian ka dilna tlawmte min ngaihpawimawh saka, kuminah chuan tumah tang tawh lovin tluang takin fur pawh mi pakhatmah tang lovin kan chhuak a, chutah chuan lawmthu ka sawi a. Tin, hmannah chhim lama Airport tur chungchangah a inhawng viau a, hma te pawh min lakpui a, a hmunhmate pawh lo en turin min ti a, keipawh chutiang bawhzui tur chuan he Session zawh hian bial lamah a hmunhma turte pawh ka va la en ang tih kha ka sawi duha, kan House Leader zahawm tak chungah lawmthu ka sawi bawka a ni.

Chutih rual rual chuan a chhe lai te hi chu keini MNF te pawh hi lo sorkar ta ila, thalo ka tih hi chu kei chu thalo ka ti mai dawna. Kan kalkawng erawh hi chu lehlam an nih avanga sawichhiat ni lovin tha ka ti thei thawt lova ni. Resolution an hnawl tawh kha kei ka rilruah hian chuan hnawlin ala awmlo. Chuvang chuang engpawhnise, kan kawng hi tun kan financial dinhmun a chhiat zia te pawh kan hria a, kan phak piah lam hi chu ti ru intih ngaihna a awm lova, kan phak ang chin chinah chuan a chhe zual lai te te ang chi, tuna chetsual theihna tur ang, a hnuailam pang atanga rawn tlabal tawhte leh kawngsir hnim deuh te, sam fai ni se, heng a zualpui hi chu tun dinhmunah hian hmalak nghal theih ni se tihte kha ka ngenna a ni a.

Tin, Demand no.39 Power and Electricity kha kan Finance minister khanin a budget speech-ah khan energy sector-ah khan hmalak lai leh DPR peih fel tawh leh hmalak turte an sawi khan a ropui hlein ka hria a. 2315.10 mega watt lai kha a ni a, chuvang chuan khami kha hma kan la chho dawn a ni a, a ropui viau a. Chutih laia ka rilrua thil awm chu heng zawng zawng hmalak tur chu a ni a, kan kawng a thatloh chuan engtin nge hma kan lak ang tih kha ka rilruah a awm leh tlat mai a ni. Chuvang chuan kawng kha khatilai kha rilruah neih ta ilang thain ka hria a. Chutih rual rual chuan Kolodyne tuikhuah tur khi ka hriat soal loh chuan term hmasa term tir lama MoU sign tawh a niin ka hria a. Khing te pawh khi tun aia chak deuh zawka hmalak theih ni se tih te kha ka sawi duh bawka a.

Chulovah chuan kan Speaker biala Tuipanglui Hydel project khi hluihlawn mai tur chuan a uiawm hlein ka hria a. Sum tamtak kan seng tawha, khing te pawh khi tha thar thawh a, siamthat leh ni se tih kha ka ngenna ni bawk se.

Demand no.27-naah khan District council affairs tih a ni ta a. District Council affairs hi kan House Leader zahawm takin a enkawl mek a ni a. Kan district council pathum zingah khian LADC leh CADC hotute an fel viauin ka hria a. Sum management ah pawh sawn an fel fai thawkhat viauin ka hria a. Chutih rual chuan MADC lamah khian kan hotute an fel rual rual khian sum management ah khianin thil felhlel deuh hlek awmin ka hria a. Chungte chu thla 2 hlawh inpek theihloh 1<sup>st</sup> installment a an pek tur kha, 2<sup>nd</sup> installment advanced a laka thlahnih hlawh pek a ni a. 2<sup>nd</sup> installment a an pek tur kha 3<sup>rd</sup> installment ami thla 2 hlawh chutiang chuan 3<sup>rd</sup> installment ami kha 1<sup>st</sup> installment chutianga in rotate reng chu a ni a. Khilai khi kan House Leader hianin khawngaih takin min enchian sak se. A fello lai te khi min tihfel sak thei ngei ang tih pawh ka ringa. Chulovah chuan 6<sup>th</sup> pay arrear a 600 lakhs chuang kan unau LADC leh CADC ina ka hriat sual loh chuan an inpek fel vek tawh kha MADC ah chuan la inpek lohin a awma, khing te pawh khi min enpui seng tih kha rawtna ka siam duh bawka.

Demand no.18 na, Printing and Stationery-ah khan kan hre theuh a, hmanni kan Minister zahawm tak zawhna chhannaah khan 300 lakhs man hu vel bungrua chhia lak tlak tawhloh awm ang khan a sawi a, kha kha engtia disposed tur nge ni ang? tih kha rilruah ka ngaihtuah mai mai a. Chulovah department tin hian Printing and Stationery hi dawrin a nihna tur ang hian compulsory ang deuh hian anmahni through a office tul kan mamawh ang chi lak tur ang ang hi chu anmahni atang hian la ta ila chu chu kan revenue atan thil tha tak a niin ka ring a. Chutiang tur pawh chuan hmalak chhoh ni se, kan Minister chak tak pawh hian a tih theih ngei pawh ka ring a. Chu chu ka sawi duh bawka a.

Disaster Management & Rehabilitation Department-ah khan kan Minister zahawm tak khan Silpaulin hi quota min neih tir vek a, amahin a quota min siam sak ang hian department dang pawh hian Opposition Member-te pawh hi quota min pe thei vek ula a van ropui dawn em tih te pawh hi ka sawi duh a. A ropui hlein ka hria a.

Tin, chulohah chuan ka question Aizawl khawchhunga hmun hma himlo leh ralmuang lova in sate thiah tur engzat nge tih ka zawhnate leh khati laia an hmalak danah

te pawh khan chak zawka hma lak theih ni se, chu chu Aizawl mipuite kan himna zawk leh kan thatna zawk tur niin ka ring bawka.

Tin, Demand No. 34, AH&Vety-ah khan tunhma deuh khan Artui khi khing Saiha District-ah te pawh khian an keu tir thin a, chu chu mipui khian kan chhawr tangkai viau a ni. Chu chu a tih leh theih mai lawm ni. Arnote vai ram atanga kan lak fote hi heng laia kan tih theih tho si chuan, heng laia Arnote te hi tikeu ila, chutiang chuan revenue te pawh a tha ang a, a man te pawh a tlawm ve deuh ang a. Mipuite tan pawh a awlsam zawk awm mange tih kha ngaihtuahna ka nei bawka.

Tin, Silpaulin Quota pek ang hian Vawknote sem leh pawh hi Opposition te pawh hi quota min siam sak ve thei se a va han lawmawm dawn em tih te pawh kha ka ngaihtuahnaah a awm a. Mahse, kan Member pakhat a mawngping sem ang chi kha chu min pe ve lo se tih kha chu rawtna ka siam bawka.

Demand No. 15-na GAD ah khan Saiha District hi a hla ber kan ni a tunlaiah pheichuan Damlo Civil Hospital-a an rawn refer hi an tam angreng khawp mai a. A bialtu tan pawh hian a rit viau a. Engpawhnise, Helicopter service pawh hi vawihnih kar khata service thin hi kan House Leader zahawm tak hian kar khatah vawih 3 min service tir sak se, Wednesday leh Saturday-ah hian min tihsak thei se tih kha ngenna ka siam duh a.

Tin, chulo thil dangte pawh kha han sawi deuh teuh ka chak a, mahse hun dik taka hman kha thain ka hria a. Pu Speaker, chu chu ka sawi theih tawka ni se. Ka lawm e.

**SPEAKER** : Khai le, tunge sawi leh ang? Pu K.S. Thanga.

**Pu K.S. THANGA** : Pu Speaker ka lawm e. Veilam hi sawi thang deuh te an ni a, i hawih veng veng zel a, helam hi kan lo beidawng deuh thin alawm le.

Pu Speaker, hei vawihnah hian department 14 ngawt mai sawi tur kan nei a, kan sawi zo hman dawn loh avangin a pawimawh kan tih loh vang nilovin a tul zual deuha ka ngaih te, midangin an sawi ve atana kan khek te kha kan sawi lang lo thei a ni tih ka sawi

hmasa duh a. Department neitute pawh kha kha kan ngaipawimawh em em tho a ni tih kha, hunin min daih dawn loh avangin ka'n sawi duh a.

Kan Member Pu Sangthuama khan sawi lo deuha lo insum tur khan min ti a. Keimahah chuan ka lo insum ngar ngar khawp mai a, ka tawng manglo va. Hmanniah khan Private Members' Resolution kan sawiah khan tlem ka rawn sawi ve a, a bak chu ka la ngawi a. Vawiin chu a tawpna te a ni a, han sawi loh ngawtin hei kan bialah hian thil pawimawhte a awm ve si a. Sorkar thilte chu ka hre tho nachungin mahse, engkim kha khatiang file zawng zawng kha a rawn kal vek bik lova, kan inhriatpui sen loh te pawh kha awm a. Hmanniah te pawh khan R.D. ah khan sawi hi ka chak khawp mai a. Hei BADP te nei velo kan ni a, R.D. atanga duhsak kan tul zia te kha sawi ka chak viau rual khan ka sawi ve ta lova. Thiante ka kian a, vawiinah erawh chuan pawimawh deuh deuh nia ka hriatte kan bial concern te leh ram pum deuh te pawh a ni ang a, kan sawi ve ang a, min lo hrethiam hram turin ka ngen duh a ni.

Pakhatnaah chuan Demand No. 34-na, AH&Vety hi tawite sawi ka duh chu, hei NLUP ah ranvulhna lamah hma kan la a, ram pum ang pawhin Vety lam pawh hi thuan chak an ngai ve hle mai a. Midangte chu MLA te an awm vek a, sawi sak lo mai ila. Kan bial bikah sawn Aibawk piah, Sateek thleng sawn Hualngo inkar khaw 10 velah sawn bawng an vulh nasa em em mai a. MULCO pawhin Aibawk thlengin an Bawnghnute an va la tawh a ni. Doctor kan nei lova, an District Doctor te pawh hian Aibawkah tal sawn Doctor nei se an duh a. Hei hi Minister hian eng emaw kawng, sawtiang khaw 10 a bawng tam tak an vulh te saw, Doctor pakhat pawh enkawltu awm lova han awm ngawt saw, a piahlam Sailam thlengin an vulh tho nachungin a piahlam Aibawk atang tal saw chuan han awm ve thei selang chuan nasa takin ran hriselna lamah hma kan sawn theih ka ring a, chu chu a pawimawh viauva ka hriat avangin ka'n sawi a. Vety lama tan kan lak hian kan ei leh bar lamah te, hriselna lamah te, kan chakna lamah te hma kan sawnin kan thang dawn a lo ni a. Chuvangchuan, Bawnghnute thianghlim te, Sa thianghlimte nei tura tan kan lak meknaah hian helam hi tan lak a ngai a ni tih hi ka sawi a. Kan bial harsatna kha Minister zahawm tak khan min lo hriatsak sela.

Disaster Management chungchangah hian Aizawl West-I bialtu zahawm tak khan a rawn sawi a. Aizawl khawpui chhunga Disaster lama kawng chi hrang hranga awareness kan tih a tha hle a. Helam hi sawi chakawm viau mah se hunin min daih loh

avangin sawi zaulo mai ila. Thil pahnih khat ka'n sawi duh chu Vanglaini-in Mizorama mi chung chuangte chawimawina tur a tih mi 5 zingah Sairang khua khu an tel a ni a. Chumi an telna chhan chu anmahni chu tuiah an tla ngai lo. Mahse, mikhual, Aizawl mi leh mi tam tak hi an zu tla reng mai a, an zu thi reng a. Hei tukinah pawh khan Sumo a accident a, tuiah a tla thla a, mi pahnih an thi a ni tih an YMA hruaitute kan ina an lo len lain an rawn sawi leh a, tukin mai thil a ni. Chutiang lui khu a ni a, thiam velo chu tlak hlum zel kha a ni mai a. Fur lai leh thal lai pawhin a ni tho va. Lawngleng hi an mamawh a, Disaster Management Minister zahawm tak hnenah phone-in tukinah te pawh ka'n sawi pui a. A fibre board an ti niin ka hria a, ₹ 35000 vel niin ka hria a, pariat ngawt mai an lei dawn a, Sairang khawtlang tan khuan 2 vel hi chu thehchhuah ngei sela. SPAB ah pawh approved tawh a ni a ti a. Kha kha West-I bialtu kha ka rawn sawipui a ni.

Kei pawh ka bialah te kan manganin khung tui thiamhote khu kan pun ve tawh a. Chuvangchuan, Lawngleng Disaster thilah hian kan Constituency Fund ni chung hian Disaster thilah chuan bial dang kan lo hmang thei a. Chuvangchuan, YMA te pawh chu Engine nei chi Lawng, kei chu thinga tuk mai loh kha chu ka tlin lova, chuvangchuan kan leisak ve nghe nghe dawn a. Khalam kha chu sawi zui tawh lo mai ila.

Sialsuk leh Chamring inkarah sawn motor accident-na hmun pakhat a awm a, vaiawt an ti mai a, vai truck ringawt pawh hi 30 chuang a accident tawh a ni, Sialsuk Police Sub-Station a case an register thlap kha. Chu chu a ngaiah sawn an tla ringawt mai a. Chamring atanga rawn chhukthla saw a rawn ngil thla deuh reuh si a, kawng a zau si a, vaiho khan an hrethiam hek lo an han speed a, a lo kawih leh si a, a thlangah khan an liam leh mai thin a, 30/40 rual mitthi hi sawlai atang sawn Sialsuk YMA te sawn an lachhuak tawh a. Sawng ang atan te pawh sawn heng khama chet velna tur hruizen te, tin kham a nih avangin lung tihtlak palh te a hlauhawm a, helmet te leh glove te, khatiang chi saw hmun pakhata accident-ah chuan Mizoram-ah hian a record lap ang ka ring, chutiang khawpa tam chu a ni a. Hmanniah khan Minister-ah pawh Sialsuk Police te pawn dilna an rawn thehlutin ka hria a, ka rawn forward-in ka hria a. Kha kha min lo enpui sela tih kha disaster thil te kha a nih avangin ka rawn sawi duh a ni.

Demand no.15-na, GAD-ah hian thildang daih ka'n sawi duh chu, kan Calendar siam hi GAD ni turah ka'n ngai deuh a, chawlh kan siam hnem lutuk hi ka ui deuh a. Kristian kan ni a hemi Krismas chawlh leh Kristian ni pawimawh hi chu restricted



zawng deuh te pawh hian kal ta ila. Vaiho puja leh Id vel engemaw zawng zawng Mizote tana chawlh kan tih hi working hours/office hours hi kan titem deuh hlek a, hei hi ram tana thahnem han ngaih ve deuh lai chuan a uiawm deuh, chawlh a tam lutuk kei ka lo ti ve deuh thin a. Chuvang chuan kan Chief Minister zahawm tak GAD changtu hian min lo hriatsak sela. Calendar kuminah chuan an siam zo tawh ang a tih leh ngaihna vak a awm tawh lo ang a, tih leh dawnah chuan kan chawlh hi titem deuh teh ang u. Hnathawh tui deuh hi chuan thawhna hun a chang hi chuan a tlem deuh thinin ka hria a, helai hi ka vei ve a.

Hei Mizoram House tha tak tak mai kan nei chho a, tunah pawh hian kan Chief Minister zahawm tak hmalaknain Bangalore ah pawh hmun kan tifel leh tawh a, reiloteah Mizoram House tun sorkar ngeiah hian sak zawh leh hman ka ring a. Kan thalaite, Mizote kan zin nasa em em mai a, mahni House a thlen hi a nuam bik lutuk deuh a niang a, a tu a te pawh a lian a tein thlen kan tum a. Chuvang chuan khawpui lianah te hmasawna kan Chief Minister zahawm tak hmalakna a kan han nei zel hi a lawmawm ka ti a, khang lai kha ka'n sawi ve duh a.

PWD Demand no.45-na hi Pu Speaker, hun tawite ka la sawi zo lo deuh tiraw? Ka'n sawi duh chu, hmun dang chu nia sawi zo lo deuh ila. Kan bial bikah sawn khua engemawzat tunhmaa motor kawngin a kal tuna World Bank kawng han her danglam a, han laih a kawng hetia han laih pheih takah sawn tlangbawka khaw awm ho saw motor-in a kalsan ta vek mai a. Engemaw PMGSY atang tein khawilam atang emawa han luh theih te chu a ni a. Chungah chuan sawng Kelsih te, Tachhip te, Thiak te, Sumsuih, Sialsuk khang bika kha kawng awm thin a kha tikhan a hnuaia a kal vek tawh avang khan, tunhma Mizoram kawngpui hmasa ni si kha an dawng ta a ni. Hetah an khua khawilam atang emaw chuan luhna kha chu a awm a, mahse chhuah lehna a awm lova, khang ang kha kan Chief Minister zahawm tak leh Minister of State, PWD changtuten min lo hriatpui se ka'n duh a.

Entirnan, Tachhip te pawh saw, sawtah a khaw tawpah va kala lo let leh vang vang a heta lo let leh khan km4/5 dawn kha a vai chuan tlan kual a tul ringawt mai a ni. Chu ai chuan Sibutalung road-ah sawn chho ta sela, Sibutalung te saw Mizoram Historical Monument pawimawh te a ni a, mitam takin an en thei a, tah sawn chho sela. Hei engemaw chen chu black top-na turin tunah kan sorkar-in hma min laksak a, puitling

law law ta sela. Chutiang chuan Thiak te pawh a ni a nga. Tun thlenga Sap ho kutchhuak Bangla kan neihna hmun te a ni. Tin, chutiingin Sialsuk te pawh anmahni NREGS pawisa atangten kawng saw chu an lai tlang ve a, amaherawhchu black top a nih loh hi chuan a nih tur ang hi a ni thei lova, kawng kha furah te a lo chhia a, side-drain te a lo tha lova. Chuvang chuan han black top-na saw thil manto lo te te vek a ni a. Tin motor lian tlan bung bung a nih tawh loh avang khan khami communication road mai atan chuan han black top-na man kha a to lovin ka ring a. Chuvang chuan khawngaih takin kan House Leader leh PWD changtu hian sawnglai ho harsatna, kawng hmasawna thar lokal hian thil hi arawn change ve a. Tunhma chuan helai tlangdung hi Mizorama kawngpui a ni a, helai Sateek tlangdung hi chuan a hnu deuhah khilamah Tlungvel, Baktawng, Chhingchhip tlangdungah khian an kal leh ngar ngar a. Tunah chuan khilam kawng kha a tha lo chuang lova, mahse a tha em em chung khan helamah khan kawng kha a lo tlang leh tawh avangin Lunglei kha Km 70 velin a lo hnai a helamah a lokal leh a. Tin, khawvel hi a inthlak thleng a inthlak thleng a, chunglaiah chuan a khuaa mite kha kawngkamah awm ru tih ringawt dawn khan kawngkamah khan an leng dawn chuang lo a, mihring kha an leng lo hrim hrim a, chuvang chuan a khua kha kan ven hram hram kha a ngai a ni. In 200/300 khua te an ni ve a, chuvang chuan khawngaih takin sawng ang saw anmahni theih ang anga an lo laih tlang saw black top tihsak ve hram turin ka'n ngen a ni. Tin, PMGSY ah Hmuifang, Chawilung road, Sialsuk, Sailam road te laih tlang a ni tawh a, kan nghak ve tang tang a. Tun kumthar PMGSY pawisa lo awm hmasa ber turah hian PMGSY pawisa hmang hian black top turin khang kawng te kha kan hotuten ruahmanna min siamsak a ni tih kan hria a, kan lawm hle a ni tih kha ka'n sawi duh a ni e. Pu Speaker, hun min pek avangin ka lawm e.

\*Speech not corrected

**SPEAKER** : Aw, Pu Pianmawia.

**Pu R.L. PIANMAWIA** : Pu Speaker, senior avangin min duhsaka vawiinah pawh min duhsak leh turah ka'n ngai a. Hei kumin kum a tawp mai dawn a, tun kum kalchhoah Ratu in YMA Coference kan thlen na chungchangah kan House Leader leh a thawhpuite leh kan thian te, kan MLA pui te, Pu Ruatkima te, Pu Zawma te hovin duhsak taka YMA Conference min thlensak avang khan lawmthu vawiinah hian he House kaltlang hian ka sawi nawn mawlh mawlh duh a. Khatiang ang hun Vote on Account period-ah harsatna hun buaithlak takah awlsam takin min kaltlang tir thei a, kha Conference kha

hlawhtling takin kan nei thei a lawmthu ka sawi mawlh mawlh a. Tin, nimirah remchan lohna avangin Health Department Demand sawi hunah ka rawn awm hman lova, vaviinah lawmthu kan Minister zahawm tak chungah ka sawi duh a. Hmannia ka zawhna rannung seh natna hriat theihna khawl hmanrua kha min tihhlawhtlinsak nghal a. Tunah hian an lei mek niin ka hria a, lawmthu ka sawi mawlh mawlh bawh a ni e. Tin, kan Minister zahawm tak Pu C. Ngunlianchunga Demand, Disaster Management Rehabilitation ah hian, a sap tawnga han sawi chhen hi a buaithlak maithei a, sorkar YMA ti mai ila a dik maiin ka hria a. Thih niah an lang a, an tel a, lawm niah an tel a. Chuvangchuan, lungngai te, tanpui ngai te, mamawhna leh tulna apiangah an lang thei a, a lawmawm hlein ka hria a.

Tin, silpauline chungchangah kan Member puiten an sawi ang khan lawmawm ka ti a. MNF sorkar lai khan Disaster Chairman ah ka awm ve a. Kan dil hlawhtling hleithei lova, a changtu Minister hnenah tum khat chu ka va kal a, “Silpauline hi MNF tan chauhva tih a ni em, ka pu” ka va ti a. “Ni love” a ti a. A nih loh chuan 21 min pe ve ta che ka ti a, min pe ve a. Tunah chuan khatianga dil ngai lo khan kan Minister zahawm tak khan Opposition leh Opposition lo pawh hriat hran miah lovin min han pe a, a lawmawm hlein ka hria a.

Tin, Tlawng Luia Sumo accident tumah khan ka kal a, chumiah chuan anin min chah chu lawng engine nei leh tui tla zawngte a khan deuh laia an awmkhawmna tur buk siam tur chungchang lo sawi rawh a ti a, a tihhlawhtling tawh niin ka hria a, a lawmawm hlein ka hria. Min chah chhawnga sawitu tan pawh a lawmawm hlein ka hria a. Chuvang chuan, min chah chhawn leh duh chuan ka bial Tuivai-ah pawh tui tla an awm thin a, khilai Zilthau chhuahah khian, ven buk sak leh kha min chah duh chuan ka inpeih reng a ni tih ka sawi duh a. Tichuan, a Department enkawlah lawmna tur tam tak a awm a, hei aia nasa zawk pawh hian a la tang leh thei ang tih ka ring a. Lawmna famkim Department enkawl theitu a ni ringawt pawh hi kan House Leader chungah hian lawmthu sawi mawlh mawlh se a dikin ka ring a, chu chu ka’n sawi duh a.

Tin, kan House Leader Pu Lal Thanhawla Demand-ah hian ka’n sawi pawlh deuh nuaih ang a. A hmasa chuan kan sorkar file kal vela hi a kal kawina a tam leh lutuk a. Entirnan, Sikulpuikawna kal turin hnai te angin lang mah sela, Tuikual mawngah te kala Khatla piah lama va kual leh thin ang deuh kha niin ka hria a. Chuvang chuan, tiang lo deuh hian a kal kawin tam lutuk hi kan sorkar hmalakna chak tak pawh hi a tihchak loh phah fovin ka hria a. Hemi kawngah hian siamthat dan kawng a awm em tih ka sawi duh a. Tin, Upate leh NGO te Darsan an neih theih thinna kha sum a awm hleithei ta lova. Ka bial Upa pawl te leh Sikul naupangte pawh hian an sawi

reng mai a. Darsan neih leh theih dan te hi chu awm sela, khawpui tan chuan tangkaina a awm lovang a, thingtlang bialtu tan chuan a pawimawh hle a ni tih ka'n sawilang duh a. Tin, SHDC Headquarters awmna Sakawrdai bialtu ka nih angin SHDC hi a dintu kan ni a keini Congress Party te hi. A dintute lakah hian beiseina pawh a sang a. Tun aia hma an sawn zel theihna tura hma lak theihna awmah chuan hma nasa zawka min laksak zel turin kan ngen duh a.

Tin, Power & Electricity Department ah hian sorkar hmalakna zarah electric eng lo te pawhin enna an lo chang ve zel a. Hmannia Session-a ka zawh ang khan kan House Leader-in December thla chhunga eng tur khan engemaw tawk kha a rawn sawi bawk a. Hna an zawh tawhna leh an la zawhna turah MR pakhat tal kan dah loh chuan khaw inkar hla tak tak a ni a, harsatna tam tak kan la tawk chho mek zel dawn niin a lang a. Chuvangchuan, khawtinah MR pakhat tal dah turin hma lak dan awm thei se ka duh hle a. Tin, ZEDA atang hian keini bial te chuan eng kan hmu thin a, kan lawm em em a, chubakah ni zung chakna hmanga tui lumna hi dil tur a awm ve thinin ka hria a. Tuntumah chuan an neih za vel kha Lunglei-ah an pe zo vek tih thawm ka hria a. Hmun khata pek zawh vek loh dan deuh te hi a awm lawm maw ni le tunhnuah chuan tih ka'n sawilang duh a.

Tin, PWD ah hian East Phaileng atanga Zuangtui hmannia kan sawilan tawh kha hluihlawn a uiawm hle mai a, kawng chanve a kal tawh niin ka hria a. Kawng chanvea tawpsan mai lo hian East Phaileng atanga Zuangtui kalpawhna tur hi kan sawi ang khan kal lam atan ringawt km 30 in tuna ka zawh lai aiin a tawi a, haw lam kal lam chu km 60 in hlawkna mipuiin kan tel dawn a ni tih kan sawi nawn leh duh a. Tin, PWD te hi kan House Leader chan a ni chung hian a polite mah mah a ni awm mang e aw ka ti a. A chhan chu an hlawh tur daih kan dah lo a ni. Ka lo ngaihdan chuan House Leader Department chante hi chu hlawh daih tur ngei dah turah ka ngai a, Minister dangte pawh hian an thik lem dawn emaw ni le tih ka ngaihtuahnaah a awm a. Amaherawhchu, a tlawmngaihna leh a inngaihtlawmna avangin a Department chan PWD ah ngei pawh hlawh tur daih lo sum kan dah a ni. Kan Finance Minister tan pawh hotupa thuhnuairawlhna hi han dawm ve leh a chakawm duh awm mang e aw tih ka ngaihtuah a. Hemi lamah hian kan Finance Minister pawh hian beng lo dawh deuh se a tha awm mange aw ka ti a. Work Schedule ni danga an peih daih tawh thin anga kha hemi avang hian harsatna ala awm deuh hlek niin a lang a. Chuvangchuan, ngaihtuahpui ngai lo ni mah se hriatsak ve a tha khawpin ka ring a. Chuvangin, kan hotute Pu C. Ngunlianchnaga Demand leh Pu Lal Thanhawla Demand te hi lawm takin ka thlawp a ni e. Ka lawm e.

**SPEAKER** : Awle, hei dar 1:00 a ni mai dawn a, mi pakhat han sawi leh dawn pawhin sawina hun a awm tawh lova. Kan chawl rih ang a, nakin chhun dar 2:00 ah kan lut leh dawn nia.

**2:00 PM**

**SPEAKER** : Le, kan sawihona kan chhonzawm leh ang a, pangain in sawi tawh a, khaile tunge sawi hmasa ber ang. Aw Pu Rinawma i lo sawm ang. He lam hi an tlem zawk a duhsak zawk ang aw.

**Er. LALRINAWMA** : Pu Speaker, hun min pek avangin ka lawm e, Hei vawiinah Demand for Grand te kan han sawiho leh thei a, a lawmawm hlein ka hria a, a hmasain thupui deuha kan luh hmain, ka ngaih pawimawh lai chu ka hmaa member ten an sawi tawh ang khan, Buhfai man tihto chungchang hi kan sawi duh deuh a. A chhan chu thil man to tur chu anih rualin a to na hi a kang mah mah lo maw aw ka ti deuh a. 100 zela 57.89 a hmaa man atanga chhut khan a ni a, hei hi chu ennawn leh ni se a lawmawm khawpin ka ring a ni.

Demand No. 18 na Printing & Stationery-ah khanin sawi tur vak ka nghah lova, hun hmasa lamah kan House Leader zahawm takin a sawi angin department hrang hrangten; a department pawhin dawr thei turin inbuatsaih ila, a department lampang te pawh inrawlh ila, keinin kan dawr loh chuan a dawmkangtu tur kha an awm siloh avangin department heti reng ruang kan neih avangin kha lamah khan tan la ila tih kha ka sawi theih ni selangin.

Tin, Demand No. 30 na Disaster Management & Rehabilitation-ah hian, ka hmaa member zahawm tak tak te sawi ang khan a silpouline chungchangah hian Minister zahawm tak hnenah hian lawmthu sawi hi kan bain ka hria a. Harsatna hrang hrangte min sutkian sak a, vawiinah hian a chungah lawmthu ka sawi takmeuh meuh ani tih kha kan sawi duh a. Tin, hei Disaster Management hi an tangkai tak meuh meuh a, chhiat that kan tawng nasa a, kangmei, inhmun che tih leh inthiah ka bialah pawh In 9 lai niin ka hria tun hunah pawh tun furah pawh khan kan thiat a. Khangah te pawh khan an tangkai em em a ni. Tunah hianin Budget Session te kan zo a, pawisa hi awm mai turah ngai ta ila, pawisa hi a awm rih lova, engemaw zatin an la thei rih lova, kan bial lama inchia kan thiah ten, khangte pawh kha hma tha zawkin min lo laksak thei turah ngai ila. Mipuite mamawhna min hriatsak selangin a lawmawm hle ang tih kha ka sawi duh bawka a ni.

Hetah Demand No. 45-na hi a point ang deuh te pawn han sawi ka duh deuh a. A hmasa ber atan chuan East to West Corridor ti mai ila, khawchhak atanga khawthlang han panna kawngpui hi kan nei tha lo hlein ka hria a. North leh South chhim leh hmar panna hi chu kan nei tha khawpin ka hria a, khawthlang atanga khawchhak panna laiah hian duhthu a samlo deuh em aw ka ti a. A bik takin hetah Seling tlangdunga Champhai chu kan nei mai a, Serchhip atanga North Vanlaiphai kalna, khilam pawh kan nei a. Amaherawhchu, helai Chhingchhip-Lungpho-Khawhai panna hi a bangbo khawp mai a, helai hi min han ngaihtuah sak se. Ka hriatsual loh chuan tunah hian Khawhai leh Lungpho hi DPR siam ni tawhin NLCPR ah thawn thlak tawh niin ka hria a, DoNER Ministry ah khangte pawh kha min lo enzui sak thei selangin a lawmawm khawpin ka ring a. A chhan chu, Khawhai atangin Lungpho ah, Lungpho atangin Chhingchhip lam pang kalna hi kawng tunah khian a bangbo tlat mai a, a hmaa kan sawi tawh ang khan ni 100 inhlawnain khimi Lungpho bul ramri kawn atang khianin Sialhau khawbul Buanmunah khianin an lai ve a. Helaia V/C ten engemaw fund pawtkualin khatiang khan an ti ve tawk tawk a. Khitah Lungpho atanga Khawhai lampang khi a la tlang lova, khingte khi min ngaihtuhsak thei selangin, Zoram hmun hrang hrangah hian hmun te pawh a awm ka ring a, khangah khan rilru awm se a tha awm mang e ka ti deuh a.

Tin, a pahnihna atan chuan missing link ti mai ila PMGSY in khaw hrang hrangte kan han intlawhpawh tir a, chutih rual chuanin PMGSY in a tlawhpawh tawh si khaw inzawm hleithei silo lai hi a awm ve nuk mai a, a buaithlak khawp mai a. Entirnan, mahni bial lampangah sawi ta ila, Chhingchhip atangin Thentlangah kan han lai chho ta a, Thentlang atangin Sialhau-ah, Sialhau atanga Chhiahtlang kha chu entirnan, kawng kha a chianguang leh lo ta a. Tin tunah khian Hualtu te, Hmuntha leh Maite inkalpawhna te pawh kha missing link kan han tih PMGSY in a zawm tawh si, an mahni leh mahni inzawm hleithei silo kawngte kha a ni a. Khangte kha min han hriatsak selangin, tunah hian hei pawh hi DPR siamin DoNER Ministry kaltlangin NLCPR ah an dil mek niin ka hria a, hengte hi kawng pawimawh tak a ni a. Ka sawilohah pawh khan Zokhaw lam bialtu zahawm tak takte bialchungah pawh khatiang ang PMGSY in a zawm si amaherawhchu, an mahni khua leh khua inzawm thei silo kha a tam ve tho ka ring bawk a, khangte pawh kha kan Minister zahawm tak hian rilruah min lo hriatsak se a lawmawm hlein ka ring bawk a ni.

A pathumna atan chuan NEC in Inter State Connectivity a tih lai hi thil buaithlak angreng tak a ni a, keini chu Boundary area kan ni a, hetah Burma leh Bangladesh kan ri a, Inter State tak hi chu hmar lamah hianin Assam a ni mai a, hetah hmarchhakah hianin Manipur a ni leh a,

khawthlang lamah Tripura a lo ni a, ramchhung ramri kan nei tlem a, hei hi a pawimawh viau rualin keimahni tan hianin a tangkai lutuk lo em maw ni chu aw a tih theih a. Chuvangchuanin, chu ai mah chuanin economic important road kan tih mai ram chhunga kawng pawimawh ho thumthatna lamah hianin kan rilru awm selangin a tha awm zawk mang e kan ti deuh a.

A chhanchu ramri dep kan nih angin foreign ram kan thenawm nasa lutuk a, chuang chuan NEC ina Inter State Connectivity a tih hi a pawimawh ang em emin kan ramah hian a pawimawhlo deuh niin a lang a, hei ai mah hian economics important road kan tih ramchhung kawng pawimawh chei thatna laiah hianin kan sorkar hian hma han la leh zual sengin kan Minister zahawm tak, kan House Leader zahawm tak pawh hian hei hi min lo hriatsak se ka duh bawk a.

A palinaah chuan gross budgetary support an ti mai a, Central ah khuanin Ministry tinte Budget atangin 10% Northeast te tan hei hi dah a niin kan hria a, heihi NLCPR ah a luh hma hianin a Ministry concern atang hian a hnuhchhuah theih ni awmin a lang a. Hengte pawh hi chuh chak ta ilangin a tha awm mange aw ka ti a. Sum te kan harsa a, kawng chauh lovah pawh thildang tamtakah a hman theihin kan ring a. Chuvang chuan kan Minister zahawm takten he gross budgetary support kan tih mai hi chuh chakin tun aia chak zawka hma laka, theihpatawp chhuah ni selangin a tha awm mange, sum indaihlohna nen. Tin kawngpui chang lovah pawh thildang tam takah te pawh kan hmang thei ang a, tangkai takin hei hian kan ramah rah tha a chhuah thei ang tih hi kan ring bawk a ni.

Tin, a panganaah chuan road maintenance fund chungchang hi han sawi kai ta ila. Hei kan kawng hi nimin lawkah pawh resolution te pawh putluh a ni a, a thenin kawng a tha tawh, hmalakna a chak tawh kan han ti a Pu Speaker, i dinglama thute phei chuan chak tha an ti viau nghe nghein kei ka lo hria a. Amaherawhchu, keini lam atang hi chuan duhthu a la sam chiah lova, chuang chuan road maintenance-ah duh angin pawisa kan ngah zo lova, han indem hleih theih pawh a nilo. Kan kawng ngah ngaihtuahin kum khatah Maintenance Fund a tlem si a, chutih rual chuanin maintenance loin kum engemawzat kan dah a, a lo chhiat tawh fe hnuah kan han ti leh a, mipui an lo phun a, vawi khata hetia a chhiat tam hmaa han repair zeuh zeuh theihna te kha a awm chuanin kawng pawn a tlo phah a rinawm a. Amaherawhchu, pawisa kan neih tam tawh loh avangin a inngakkhawl a, a chhiat deuh fe hnuah kan han repair leh a, hei hianin kawngte pawh a tichhe zual niin a lang a. Chuvang chuan Road Fund Board te pawh kha kan nei tawhin ka hria a. Tin, Road Fund Act tih te Road Fund Rules te pawh kha a awm tawh a, khangah te khan, khangte kha tihnun ni ta selangin. Vawiih hian Road Fund Board te pawn hna an thawk awm pawhin ka

hre lova, chuang chuan hemi kawngah hianin engtin nge kha laiah khanin, kha khan hma a lak ang a, Transport related Tax han ti mai ila, khami transport-in a huam hrim hrim kawngin a nghawng thilah khan entirnan, Petrol leh Diesel te pawh a ni mai thei, thildang tam tak te pawh a niang, khatiang atang khan Tax te pawh kha han ngaihtuah ta ila. Entirnan, tunah pawh Labour Welfare atan construction a labour cess kan han la a, tihian hei a crore tel tak meuh meuh kan han nei a. Tihian Labour Welfare atan tam tak a han awm thei a, khatiang deuh hlek khanin keimahni Road Maintenance Fund hi a tam zawh loh avangin Transport related Tax-ah hian ngaihtuahna hmang ta ila. Chumi pawisa tlingkhawm chuanin kan kawngpui vawiina mitam tak kan phunna thin hi kan tihreh theih ka ring a ni. Chuang chuan, Road Fund Board kan han tih hi function in kan Road Fund Rules te pawh hi hmang turin Pu Speaker, hmalak ni se a tha khawp ang tih kha ka'n ring bawk a ni.

Tin Demand No. 39-na P&E hi han sawi ve lawk ka duh a, helai hian Serlui 'B' catchmen area chungchang khu hmannah pawh ka sawi chhuak tawh a ka vei khawp mai a, ka zu kal a, a kamah lo leh huan te an nei mai a, hetiang hi a vang khawpin ka hria. A area hi hectare 39,700 laia zau a ni a, tunah hian tu zawkin nge enkawl tih hi ka chiang lova Forest lampangin nge enkawl a P&E lamin tih kha ka chiang lo a. Pu Speaker, tlemte hun min pe la ka sawi zo tep. Chuang chuan khawilamin nge enkawl ka hre lo a, helai hi ennawn ni thei se a lawmawm khawpin ka hria. Niminah khan kan Forest Minister zahawm takin Soil & Water Conservation hmalakna a sawi chungchangah khan, hemi catchmen area enkawl chungchangah Soil & Water Conservation Department tangkai theih a rinawm thu a sawi a. Tin hemi hydel project hrim hrim daih rei hun chhung hi lei tawlh saw a lo awm avang hian a hun chhung tur hi a pawt tawi thei em em a, chuang chuan, helai hi chu min lo ennawn sak a, tuna lo nei hmanni chanchinbuah khan 'tumah ram vah phal lo kumin chu' tih te kha a rawn chhuah a ni a forest khan, khatiang te kha a lawmawmin ka hria a. Engpawhnise, khawvel ram dangah pawh hian a vang khawp ang catchmen area lo neih tir hi chu, chuang chuan kan hotuten kan Minister zahawm tak ten, beng min lo chhit sakin hei hi chu a rang lama tihtawp theih ni se tih kha Pu Speaker, a lawm awm hle ang tih kha ka rawn sawi duh bawk a.

Pu Speaker a tawpna atan ka hmaa Member zahawm tak tak sawi tawh angin MLA Fund hi a bial te tein kan tangkaipui hle a, Opposition an ni emaw Ruling an ni emaw tangkai taka hman a nih avangin ka hma ami te sawi kha ka support a. Tihpun niin crore 1 te chu han ni se chuan kan tangkaipui leh zual khawpin ka ring. Crore 40 a ni mai a bial 40 ah chuan, crore 12 a awm tawh sa a crore 28 vela tihpun mai tur kha a ni mai a, chuang chuan tangkai dan ngaihtuah



chuanin a harsa em em dawm em ni aw tih te ka han ngaihtuah deuh a, khawngaihin tan min lo lak sak sela tih kha ka'n sawi duh bawk a ni. Pu Speaker, hun min pek belh avangin ka lawm e.

**SPEAKER** : Pu T.Sangkunga

**Pu T.SANGKUNGA** : Pu Speaker ka lawm e. A hmasa berin Demand no. 45-na Public Works Department hi han sawi ila. Kan member zahawm tak tak ten an sawi thin ang khan kan economy innghahna bulpui ber a ni a, thingtlang atanga kan inkalpawh that hian inunauna te a siam tha a, chubakah kan thil thar te khawpui zawka kan zu hralh ve thei hi kan changkanna bul ber a nih avangin helai hi a ngaihpawimawhawm hlein ka hria a. Tunlai khawvel-ah sum leh pai harsatna a nasa a, Europe te pawh a hlauhthawnawm leh tawh a, Europe lama hausa ber French leh German dinhmun pawh a thalo tan dawn a ni awm e, tih lai a kan PWD changtu zahawm tak, kan House Leader-in Asian Development Bank leh World Bank atanga vaibelchhe 925 lai mai a;n sawi chhuak thei hi a lawmawm a. Hmun tinah rawra khu vung vung te, JCB laih phut terh turh te kan hmu a, hma kan sawnin sum leh pai harsa tak hnuaiia kan awm laia hetiang a ti thei hi a lawmawm ka ti a.

Amaherawhchu ka hmaa member zahawm tak sawi kha ka support duh a, kawng te pawh kha lo ziah ve sa a ni a, east- west lam hi kan hawi ve tan thei tawhin ka hria a. Nichina a rawn sawi bakah khan ka bial lamah pawh Bungzung atanga nichina an sawi chhunzawm chiah Khawhai va pawh zawk te sawn khilai area zawng zawng kalna te kha a hnai vek mai dawn a ni. Tin Bungzung atanga Biate zu kal khan khilam zawng zawng kha a hnai leh vek dawn a. Khatiang khan kan member zahawm tak Pu Rinawma sawi ang kha a tha khawpin ka hria a, kha lam kha kan hawi theih chuan a lawmawm khawpin ka ring a. Tin, laih sa ka bial chhungah Bungtlang – Khuangleng- Kelkang han tih te khi black top ve thei se chu zirlai ho sawi dan chuan ‘kum 17 chhung an khawih tawh lo reng reng, pioneer chhuah san hnuin,’ an ti a. Mahse tun Congress sorkar hian tlem tlem a rawn khawih tha tan a, Khawbung – Bungtlang te pawh a rawn tha tan tawh a, Khuangleng khaw chhung te, a inkar khi min han tihsak se PMGSY road a sanction awmsa black top eng eng emaw harsatna avanga muang deuh te pawh khi kan House Leader zahawm tak hian min rawn ensak theih chuan a lawmawm ngawt ang.

Tin, Demand 39-na P&E ah hian Pu Speaker, an ni hi khawvel entu anni a, an pawimawh em em mai a. Kan House Leader rem hriatna azarah World Bank atangin vaibelchhe 700 vel pipeline- ah a awm a ni a, hei hi kan chhuak thei reng a ni tawh a. State sector-ah te lut sela chuan a lawmawm lehzual ang a. Tuna kan power loss nasa lutuk hi India ram state-ah hian a nasa

ber mai awm mang e tih tur khawpin, kan distribution system te kan ram a rualrem lo nen hei vang hian kan loss vak vak mai hi a pawl khawpin ka hria a, kan chawi thlawn a ni ringawt mai a tiang hi chu. Tu va thelh theih a ni si lo a, chuvangin World Bank atanga vaibelchhe 700 lo kal tur hi hei aia chak deuhhlekan nawra kan distribution system leh sub-station te improve thuai thuai hi a nghahhlehawmin ka hria a.

Tin, Serlui khu mawi ka ti a, khu Hydel power khu, Sydney lawng chawlhna te nen khuan a inangin ka hria. Pu Rinawma kan member zahawm tak rawn sawi ang khan, catchmen area an tichhe ringawt mai te kha chu a diklo reng reng a. 'Forest chan an ti mai si a,' Power ho kan zawh lahin, kan Engineer-in-chief kal ta Pu Thangliana hova kan kal tumin kei pawhin ka zawt nasa khawp mai a, khu khu chei a ngai a, eco- tourism atan pawh tha lutuk tur a ni a, uluk taka Tourism te nen in co-ordinate a Forest te nen tih dan hi awm sela. Tin, vawi 2 lai Joint Secretary a ka awm tawhna a ni a Power hi, kan dil vak a, sangha khawi khu min phal sak a, min phal sak hma pawhin an chhuah sak teuh tawh a maktaduai tel, phalna vek in, MoU sign khan kan ti a. Tunah pawh a hralh te pawh an hralh theih phah a . Hemi pawh hi uluk deuhin ti ila, a hmingte pawh han mention ila, kan zinga awm lo Pu Laldenga khan Bairabi a tuipui ber zinga a sawi tui chu sangha hmunpui a ni tur kha a ni a. Kan tui khuah Teirei-ah leh khulai Tuirini a phalna Fishery ta a ni, tui chim helai leh helai inkar feet hi MoU-ah a awm diam a. Hei hi uluk taka en a, hei aia tha zawk, a vengtu pawh duh duha sangha an man loh nan a vengtu tha te pawh a kamah awm sela, tunah khu chuan insawn duh lovin a kamah khuan man loin sangha a man theih an ti a, in engemaw zah khu a awm tlat mai a ni a. Chuvangin LAD in Act tha deuh an neih an sawi hmang khan Dampa sanctuary te pawh kum 27 hnu velah an la fel theih chauh a ni a, preliminary notification leh final kha a in hlat lutuk a, LAD hi chuan kar 1 ah an puang thei mai a. Khung Reserve te khu engtin emaw khawi hmun pawh an puang thei a, han puang chiang phawt mai sela . Chuti lova hmun an thiah a an vah zel chuan a lui pawh khu man theih lovin a awm leh thuai ang tih kha a hlauhawm a.

Tichuan DP&AR mihring enkawlto an ni a, a pawimawh em em mai a, kan Secretariat hi kum 2/3 chhungin a tla hniam hlein ka hria a. Nichina member zahawm tak Pu Piana sawi ang khan file a kal rei lutuk a, keini ang tan pheih chuan um peih chi a ni lo, ka luak hi a chhuak tawp mai a ni. A chhan chu, dealing Assistant, Superintendent, Under Secretary, Joint Secretary, Additional Secretary, Secretary a thenah pheih chuan Special Secretary-te an la awm a, pakhatin chan an ngah lutuk vang a ni a, an puten meeting-ah an lo ko darh leh a, thihna leh inneihnaah an kal tam bawk si a kan Officer-te. Chuvangin, tunah chuan hna hi kal ngaihna a awmlo reng reng. Hetiang system hi chu ennawn a ngaiin ka hria. Pu Vanhela

Chief Secretary a nih lai khan “Ka pu U/S leh J/S an awm chuan a tawh D/S a ngai lo, A/S a awm chuan J/S a ngai lo, i awm laiin tifel hram teh” ka ti a. A theih chin chin kha chu a chhawp chho va kan pute pawmah hian, a tha deuh duakin ka hria tunah chuan, kan sawi hma aia a letin a nasa tawh awm mang e aw ka ti a. Heng system hi chu a tha lo takzet zet, kan hna a muang a ni.

Tin, a dawt lehah kan service, an service tih hi a nasa lutuk. Heng hi kan Minister-te hian bengthlu tawp ula thain ka hria, anni leh keini Secretariat chhunga awm chuan Central Secretariat-ah chuan P & E te, Revenue te, hmun tin atangin Secretariat Service te, IAS te an kal a, khatiang a ni ve lo reng reng, keini chu kan nuin a chang tha em, a chang chhia em tih vel te, a chang hnem em tih te kan sawi kan sawi mai a, hei hi tha lo ka ti khawp mai a, anni leh keini hi an awm lo, Secretariat chhungah chuan unau kan ni tih hi kan hriat a thain ka hria a.

Tin, Combined Competitive Examination hi MPSC ka kal apianga Pi Sangkhumi te, kan DP & AR Minister Pu Liansailova te hnena ka sawi thin kha a ni a, Pi Sangkhumi hian Examination Hall kan la nei lova, Pu Lalkhama ka dil mek a, a awm chuan kan ti ang a ti a. Kan sorkar chak takin khang kan sawi vang ni lovin a lo implement ta a. Assam-ah te pawh DSP tur te, ACS tur te, APS tur te, Secretariat Assistant tur, UDA tur te an tikhawm vek a. Tunah hian Education te, Taxation te, Sports te a chi hrang hrang hi combined service-ah hian tel vek sela, exam pawh a awlsam ang a, khata exam te hlir khan an exam an exam nawn ringawt mai a ni. An duh thlang sela Assam-ah pawh a sang deuhvin ACS te an opt a, a then chuan ACS zawng pawn lamah a awm theih UD kan opt teh ang ti te pawh an awm a. Khasi pa te chuan Pu Thuama ngei pawh ka ti a, Secretariat UD opt a ni a, Arunachal Service-a a awm tak kha. Khatiang khan Combined Service Examination hi tih ngei ngei, tun ai hian combined sela.

Tin, service te nawi hi an rethei ka ti a, Secretariat Service te, MCS te, Engineer, Doctor organize service reng reng chu Joint Director atanga Director kai minute khat lek Pu Speaker, a pawimawh lutukin ka hria a ka sawi hi, a tenau ho kha chu kum nga Joint Director a nih a Director thei chuahte an nih laiin Secretariat Service te, MCS leh Combined Service kha chu an service zawng zawng kum 20 a lo nih tawh kha chuan Gazetted Officer an kai mai thei si a, a tenawi deuh chu Director leh Joint Director an awm hnaih phei chuan service dangte an va inrawlh a, hei hi a diklo tawpin ka hria a. Pu

Vanhela hnenah, ‘hei hi chu i thil tihthat tur a ni ang, ti rawh,’ ka ti a, theihtawpin a bei a. Mahse kar khat ala awm khan ka pu, i ti hman ta lo ka ti a, chutiang khawp chuan a tenawi service ho hi an khawngaihthlak a ni, duty post pawh chhuhsak zel an ni, pek belh ve zawk awm tak takte pawh an awm, heng hi ka sawi duh a. Tin, vety te an titha em em a, kan sawi hman tawh lova.

Printing & Stationery-ah hian ka sawi leh duh chu hmannah a paper a chhia tih te an la sawi an la sawi a, hei hi feed diklo a ni a. Reilote ka awm chung khan kan Minister zahawm tak Pu P.C. Zoram Sangliana ho khan Pu Piana te ho nen kan zu en a, SAD in a indent ngar ngar si a, engatinge Department-ten a chhia an la tih kan ti a, kan zuk en a, a lo chhe reng reng lo. SAD chuan realm 300 te an phur chho mai a, chhia tih hi eng mit atangin nge ni ang kan ti. ‘A chhia, indent suh u,’ titute supply tho kha a ni, heta approve Printing & Stationery firm tena an supply tho a ni. Chuvangin, damlo cancer vei phaia kal turte, ‘kan lo en ang che,’ an ti a, Department-ah supply te an pe mai mai a nia tu through-in emaw Department ho hian, chu chuan chhuh an hlau a, an ta hi a chhia an ti a, khatihlai khan Chief Secretary khan paper pakhat a sign tet a, kha kha Secretary Meeting-ah an bei hluai a, tih tawh loh tur te an ti a. Mahse, ka’n chhui chiang a, Printing & Stationery supply a lo ni reng reng lova, SAD ah khan khami double fullscope kha an lo supply a, chung ami chu tute duh emawin kan pawisa hekna tur tun anga an siamchawp mai mai a ni a, hei hi chu a vai hianin Printing & Stationery-ah hian indent tawh sela, motor-in an kal kual thei tawh bawk si a, chhuanlam tur a awm tawh lo reng reng a. Chuvangin heng hi Pu Speaker, hun a tawi si a, min pekbelhnaah ka lawm e.

**SPEAKER** : Pu K. Lalrinthanga

**Pu K. LALRINTHANGA** : Pu Speaker, ka lawm e. Nichinah khan kan opposition member zahawm tak khanin Parliamentary Secretary-te kha insum deuh tur khan min rawn ngen a. Min ngaihtuahpui chianglo ni deuhvin ka hria a, kan dawhkanah hian file zawng zawng hi a rawn kal bik si lova. Tukin zawhna ho kha chhuilet ta ila, pahnih khanin an inrawn chhawk tlat tlat mai a, i veilampang khan chance an ngah hle bik a ni tih kha ka han tarlang duh a.

Demand pali vel atang hian sawiduh ka nei a. A hmasa berah chuan Demand No. 45-na Public Works Department-ah khan, Serlui Constituency chung Vairengte leh

Saiphai inkar kawng khu kan Chief Minister zahawm tak hnenah ka thlen tawh a. Ani pawhin Department hnenah a pawimawh zia thu min sawisak a. Vairengte atangin Phainuam thleng PMGSY kalkawng a kal tawh a, a dawt kal lehna tur Saiphai kalkawng kha a mumal lova. Furah ruah a sur ten a kal thei lova. He kalkawng hi a hnai em em a, tlang loh chuan Vairengte atangin Bilkhawthlir-a kalin a hla zawkah Saiphai kal a ngai a. Chutiang anih loh chuan, Vairengte atangin Bagha-a kalin Saiphai-ah kal a ngai a. Chutiang anih avang chuan a pawimawh thu kan Chief Minister zahawm tak hnenah ka thlen a, ani pawhin min ngaih pawimawhsak ,a amaherawhchu, remchang a awm hlei thei lova. Chutih rual chuan thu thar a rawn thleng ta a, Vairengte atangin Saiphai kaltlangin Saipum Zohmun thlengin National Highway-ah min rawn puan sak ta a, National Highway a tlang chuanin kan hmang tangkai hle dawnin ka hria a, administration atan pawh a tangkaiin ka ring a. Khilam bial kan hmar unaute nena kan inkal pawhna te pawh kha a tha zel dawnin ka hria a; thil tangkai tak ni turah ka ngai a, lawmawm ka ti a, kan Chief Minister hnenah pawh lawmthu ka han sawi duh a ni.

Tin, Serkhan to Bagha kalkawng hi zawhna leh chhanna hunah te khan a dinhmunte kan ngaithla a, kalkawng thenkhatte chu laih zawh tawh niin Saipum leh Saiphai inkar chu an metal zo deuh vek tawh a. Saipum leh N.Hlimen inkar te chu lung te phahin Road Roller-in an nawrmam a, kal te pawh a nuam ve viau a. Amaherawhchu, N.Hlimen leh Serkhan inkar hi zawhna leh chhanna kan hriat ang khan kawng thenkhat la laih loh te a ni a, compensation a tam dawn avanga pek hleih theih loh avangin. Chutih rual chuan laih tur ni si, la laih si loh inkarah khan kalkawng awmsa kha enkawl lohvin a awm a, a chhe ta lutuk a, bial kan fang hlei thei ta lova. Mithi han awm se a phurhna tur han zawng ila, khilai a kalkawng khi a chhe em mai kan kal duh lo tih hi a ni ta zel mai a, a buaithlak ta riau mai a. A kalkawng hlui kha enkawl lohin a kalkawng thar kha laih a nih avang khan enkawl lohin a lo awm ta bawk si a, a kar kawngte pawh hnim a lo tam ta a. Chuvang chuan kan Department-ah hnathawktute pawh hianin chianguang zawkin ngaihtuahna seng ta sela, mipui kal vel te pawh awlsam deuhhleka an kal theihna tur atan ngaihtuahna seng thei ta sela aw ka ti a ni.

Demand No. 39-naah khan RGGVY atanga khua Electric-a tihen turah khan North Thinglian khu 2012 khan Electrification tihzawh vek niin, test pawh test tawh a ni a. Amaherawhchu, khatihlai khan Assembly-ah pawh kan sawi a, thawktu indaih lohna avangin khaw 22 eng kan la pe theilo an ti a, mahse tun dinhmuna hian khaw dang 21 te

chu (khatih lai amite kha) eng pek tawh niin duty pawh an indah vek tawh a. North Thinglian erawhchu, tunthleng hian hnathawktu dah ala ni lo a. A rei tawh hle a, mipuite pawn an nghak rei tawh a. Hei hi chu kan Chief Minister zahawmtak hian min ngaih pawimawhsak sela ka va duh e aw ka ti a, a hnenah ka'n ngen a ni.

Tin, Phaisen khuaah khuan I.R an awm a. An awmna khu Phaisen atang khuan tlemin a hla deuhhlekk a, Electric lakluh a harsa deuh a. Chu chu ka kal apiang khuan Phaisen khaw mipui khuan (an thawhhona khu tha viau ni turah ka ngai a) I.R ho tan Electric hi an lo dil ziah a, an dil loh tum hi a la awmlo a ni. Min lo remind ziah a, chu chu theihtawpin Department-ah te hma kan han la a. Amaherawhchu, kan tihlawhtling hlei thei lova. Kan Home Minister hnenah (a awma te) kha a Department an nih avangin ka hrilh hria a, ani pawn hma a la a. Nimahse, ama hmalak chung pawh chuan tunah khuan an la eng thei lova. Khulai khu Ramri a ni a, Ramri vengtute an ni a, mawmbati hmanngen zanah an awm a, tlem lai deuh khan Solar light te tlema zawng chu an han siam ve a, mahse chu chu a hnianghnar zo lova. Khulai Phaisenah khuan Electric eng an hmuh theihna turin Department-in hma min han laksak ve leh sela, hetia kan kal apianga kan bengari reng ringawt pawh kha engemawchenah chuan a ninawmlai te a awm ve a, chu chu ka han tarlang duh a ni.

Demand No. 30-na Disaster Management & Rehabilitation-ah khan ka sawiduh chu, khu Serluiah Tuikhuah kan nei a, Electric te pawh kan pechhuak a. Khumiah khuan mi tam takin sanghaa eizawngin an riahchilh a, an awmchilh a ni. Tuikhuah kamah khuan Buk te an sa a, lenkhangte an zar a, Pum ten an kal a, chutichuan tuitla te pawh an lo awm a. Tuitla awm chungchangte pawh Chanchinbu-ah te pawh kan hre thin ang a. Chuta ka han tarlan duh chu a Li khu a thuk ropui si a, Tuitla zawn chang hianin a buaithlak em em a ni. Tuithiam thenkhat hi an lut tha ngamlo a ni, a thuk lutuk a. Chuvangchuan, khulaia Tuitla an awm chang khuan a zawna tur hmanrua, tui luhna te leh thildang Lawngte khatiang kha Disaster Management atang khan ruahmannate awm ve ta sela, kan Minister zahawmtak khan hmannah khan Sairang lamah te ruahmanna a siamdan kha ka ngaithla a, khulaia an tih theih chuan Serlui Li thuk lutukah pawh min tihsak ve thei tho turah ka ngai a, chu chu ka han dil ve leh bawka ni.

Demand 34-na Animal Husbandry & Veterinary chungchangah khan ka tarlan duh chu, Bilkhawthlir leh a chhehvel Buhchangphai te, Chemphai te khu Bawng vulh

tamna hmun a ni a, Bilkhawthlir hi Kolasib khawpui bawngnutea chawmtu an ni a, 60% vel khu Bilkhawthlir leh a chhehvel khuan bawngnutein an chawm a ni. Chuti chung chuan Doctor hi an la nei lova, Sorkar term hmasaah pawh khan ka sawichhuak tawh thin a. Ran tamnaah chuan Doctor hi dah ta ila, office lampangah hian engage vak lo ta ila a thain ka hria a. Ran an awmna hmuna Vety Doctor an awm siloh chuan an tangkaina tur hi a tlem viauin ka hria a. Ran awmna hmunah hnathawkin, ran hrisel leh sello te hi awlsam takin en ta sela, chutiang chuan mipui pawhin Ran vulhna lamah thahnemngaihna neih phahin a hlawkna te pawh an hmu theiin ka ring a. Chuvang chuan Bilkhawthlirah khuan Vety Doctor hi min dahsak ta ula, Chemphai leh a chhehvel te, Saiphai lamah te, Buhchangphai leh Bukvannei te, Phaisen lam te an vil thei ang a, a lawmawm dawn em mai tih kha ka'n sawiduh a ni.

Tin, Vawkte kha kan sem a, kan Vety Department atang khan a lawmawm ka ti em em a. Mahse an Vawkte sem kha kan dukhawp lo em em a ni. Vairengteah leh Bilkhawthlirah te khuan an Vawksa khu ei ta ula, a tui em em bik a ni, a hnip sut mai a ni. Chu chu Mizopa chuan tui an tih zawng tak tur a ni a, khulai khu Vawk a tha duh em em mai a, khua a lum a, a chaw pawh a awlsam a. Miin Vawk chaw lain Dawl an va zai khan karkhat tla hi nikhatah an va zai thei a. Chutichuan nikhatah Vawk karkhat tla Dawl an va zai theih kha chuan Vawkvulh kha a awlsam em em a ni. Chutiang a nih avang chuan Vawkvulhna hmunpui atan kan Bial khawlum, a chaw tamna hmun khu min siamsak ta sela kan Vety Minister hian, a lawmawm ngawtin ka ring. Zoramah pawh Vawk kan intodelhna tur atan hmanraw tangkai tak a nih ka ring. Chutiang te te te chu han sawi ve thain ka hria a, a dangah te hi chuan han sawi tur tehchiam ka neiin ka hre lova. Mahse, heng ka han tarlan te hi Ram tana thil tangkai tur ni a ka hriat avangin ka han tarlang ve a ni e, ka lawm e.

**SPEAKER** : Pu Vanlalvena

**Pu R. VANLALVENA** : Pu Speaker, ka lawm e. Sawi thui loh hram ka tum ang a, kan member zahawm tak takte sawiloh zawng deuh hlek kha ka sawi mai thei a, an sawi tawh kha a tha a, khatilam kha sawi nawn ngailoin a lehlam zawng deuh hlek te pawh kai turah inngai ta ila a thain ka hria a.

A hmasaberah chuan Demand No. 30-na Disaster Management & Rehabilitation khan nichin kha an sawi nual tawh a. Silpouline-ah khan kan lawm viau mai a, a lawmawm tho nachungin Silpouline chungchangah hian ngaihdan dang deuh hlek ka nei a. Silpouline sem dan kalphung hi a malsawm lo tlatin ka hria. Tunhma hunrei deuh hlek tawh atangin Silpouline kan sem thin a, Silpouline hi a tawihral thei si lo va, a hlui chhiate lei hnuaiah a lo inphum a, chu chuan leimin hi a siam duh zawkin ka hria a, chuvang chuan, he kalphung hi her danglam ka nghahhlelhna hi a rei tawh a, he House zahawm takah hian rawtna ka siam duh a. Silpauline-a kan pawisa hman ral ai hi side drain siam nan emaw te hian hmang thei ta ila, Aizawl bikah chuan leimin, kan in bul min thin hi 95% vel hi chu keimahni thli, kan in leh a vela tui luankawr kan neih loh avanga min niin a lang a. Chuvangin, Silpauline a kan sen, kan hman ral ai hian side drain siam nan hmang ta zawk ila chuan kan that pui zawk awm mang e aw ka ti a. An sawi tam tak kha tha ka tih rualin her rem hret ka rawt a ni.

Tin, a dawt leh Demand No. 34-na Animal Husbandry & Veterinary Department-in an ti tha ka tih em em leh an tih fo atana ka duh pakhat chu sial beng a microchip an vuah hi a ni. Number a nei a, a number atangin a neitu a hriat theih a, an microchip dah hi tih fo zel atan a tha khawpin ka hria a. Ni hmasa lam a LAD dan kan pass tawh ang khan Bawng te, ran hrang hrangte pawh khung khawm an ngai ang a, rama an han khung khawm hian ina nitina haw lo na na na chu a lo thang a lo thang a, inchuh hi a awm thei khawp mai a. Chu chu hmun tinah hian kan hriat ka ring a, khatianga microchip an vuah kha chuan mahni ta kha a hriat hran nalh reng mai dawn a, kha kha thil tha tak niin ka hria a. Kan Vety. Minister-te tih fo atan a tha mang e ka ti a, an thil tih kha ka'n fak duh a ni.

A dawt lehah chuan Legislative Assembly chungchang hi in sawi loh zawng tak a nih lehpekin ka ring a, han sawi ve leh lawk ka duh a. Pu Speaker, India ram kan ni a, Parliament awm dan hi state ho hi chuan kan zir a ni ber a, First timer te, Parliament-ah training min pe a, kan zu kal hlawm a kan thiante ho nen hian, a bengvar thlak khawpin ka hria a, khung khu kan tih ve hi a tha hlein ka hria a. Parliament chuan Committee 43 an nei a, Committee peng hrang hranga member hi sang chuang fe an ni a. Kan hria a, Parliament House an buai viau a, an in au buai a, Session-ah engmah an pass hleih theih loh tum pawhin heng Committee te hian anmahni chan theuh Speaker-in a ruahman, hmanlai atanga an lo ruahman tawh kha an han zui a, India democracy chu khang Committee peng hrang hrangte avang khan House-ah thil pass theih loh, in auh buai chang awm mah se heng Committee peng hrang hrangte hnathawh avang hian tluang takin a kal reng mai a, khu khu a tha khawpin ka hria. Tunah hian Mizoramah Committee hi 11 vel kan



awmin ka hria a, Finance Committee te, keinin Subject Committee kan tih hi anni chuan Standing Committee an ti a. Hetiang Committee peng hrang hrangte hnathawh thin hi tangkai tak niin ka hria a. Amaherawhchu, tangkai lehzuat theihna tur hi kan nei tlatin ka hria a. Nichin pawh khan kan House Leader zahawm tak chanah ngei pawh khan zawhna chhanna dik lo han siamthat ngai zeuh zeuhthe pawh a awm a. Tin, keimah bikah pheih chuan he lai House zahawm taka ka awm ve hma pheih chuan Assembly Starred Question, Unstarred Question te hi kan lo study nasa ve em em thin a, kum engemaw fe kal tawh atang khan kan lo zir thin a. Chhanna dik vak lo hi hmuh tur a awm zauh zauh thin a, chu chu Assembly zahawm loh vang hi nge ni, kan co-operation hi a tha vak lo emawni chu aw ka ti a ni.

Parliament-in an tih tha ka tih em em chu entirnan, Union Finance Minister-in Budget an pharh a, Budget an pharh hi Standing Committee-ten anmahni department hotu theuhthe nen an study thin a, a group te tein. Hengah te pawh hian practice ve thei ta ila. Entirnan, Subject Committee ho hian keimahni Department thlan kha Finance Minsiter-in House-a a rawn pass zawh khan Department hotute nen Budget kha lo discuss ve ta ila, lo sawiho ve ta ila, chu chuan, nichina kan member zahawm tak tak ten an rawn sawi other charges-ah hian pawisa a tam lutuk a ni kan tih ang te pawh kha helai House-a pass a nih hma hian House chhungah ngei pawh a lo sawiho theih a, chu chuan kan finance system-ah hian nasa takin min tanpui theih ka ring a. Tin, keimahni House member a hminga MLA tan te pawh hian chu chu inzirna tha tak a nih ka ring a. Department tan pawh a tha a, kan ram kal zel tur atan hian a tha viau dawnin ka hria a, chu chu kan practice ve thei lawm ni, Parliament-ah pawh an tih thin tangkai tak khu Mizoramah pawh hian tangkaipui ve thei ta ila aw ka ti a.

A dawt lehah chuan Pu Speaker, hun a tlem deuh a, Vigilance hi ka ngaipawimawh khawp mai a. Kan Chief Minsiter zahawm tak hian a sawi fo thin a, a ngaihpawimawhzia thute leh tih ngei thaa tih thu hi chanchinbuah kan hmu fo thin, chu chu property return hi a ni. Property return kan ti hlei thei lo lai, duhthusam a nih theih loh lai hi a pawh khawpin ka hria. Khawvel ram zau zawk kan thlir chuan corrupt lo ram apiang hi an changkang a, an ram a nuam. Corruption venna atan hian property return kan tih hram hram hi a tulin ka hria. Kan officer lian zawkten Chief Secretary-ah, kan LDC atanga office hna thawk zawng zawngten kan Head of Department-ah an thehlut ang a, a tak takah chuan, mahni in ring tawh tan chuan ka corrupt lo alawm mawle titu tan hi chuan property return thehluh ngam loh hi a awm theiin ka ring lova. Chuvangin kan Chief Minister-in a ngaihpawimawh ang tak hian sorkar hnathawk zawng zawngte hian a bik takin property return hi kum tinin ti zat zat thei ila, kan sum neih a che thei emaw, che

theilo (ro thil) emaw zawng zawng hi Head of Department-ah LDC atanga a lian ber thlengin Chief Secretary-ah chutiang chuan kan zavai hian theh lut thei ila chuan kum tinin kan endik ang a, bungraw lo nei thar thut te, pawisa lo ngah thar thut te kha a veng thei dawn a ni. Chuvangin hei hi ngaihpawimawhawm ka ti a, hei hian corruption tam tak hi a veng thei dawnin ka hria. Chuvangin property return hi kan tih hram hram a ngai a ni. Mizoramah hian sorkar hnathawk zawng zawngte hian property return hi kan tih zel hi thain ka hria. Pu Speaker, kan Demand hi lawm takin ka pawm e. Ka lawm e.

**SPEAKER** : Aw, Pu Thanliana.

**Pu LALTHANLIANA** : Pu Speaker, hun min pe a, ka lawm e. Ka hmaa sawitu MLA zahawm tak sawi ang khanin thiante sawi loh deuhhlekkha ka'n sawi ang a, ka'n tum ang e.

A bul tan nan chuan Demand No. 30-na Disaster Management & Rehabilitation chungchang hi ka sawi duh a. Kan hriat angin ka bial chhungah Ramhlun Sports Complex-ah lei min nasa tak kan tuar a, Sorkar pawhin hma nasa takin a la a, sum leh pai te pawh Disaster Department kaltlangin engemaw zat chu sen a ni a. Hemi Work Programme-ah te hian ka hmu chiah lo deuh a, ka hmu tho a, mahse, nuai 1370 tih hi a work done tawh nge ni engzatnge la hmabak tih kha ka'n zawt duh a. Heng hi a buaithlak vena em em mai chu, Department inhmang ho hi an tam lutuk a, a chinchang han hriatna ber tur pawh a chang chuan hriat har ka ti a. Hei Rehabilitation a lo tel a, Rehabilitation lam pangah khan ram khatianga a min chhiat takah khan In leh Lo chante ram rehabilitate tur kha ram lei a ni a, chumi chungchang reltuah chuan hei D.C. hi Chairman a ni a, chutah chuan Planning te, chi hrang hrang Department kha an awm a. Tunah hianin DM&R in an enkawl emaw ka tih lai khan Geology & Mining khanin an lo enkawl kha a ni a. Mining hnuaiyah khanin Consultancy firm khan a contract hna kha an thawk a, chumi hnuaiyah khanin duhsak zawng Contractor te khan an thawk leh niawm tak a ni a. Hei hi chu khawvel dan a ni a, ka sawisel pawh a ni lova, ka han sawilang mai a ni a. DM&R te hian tunah hian an enkawl leh dawn tawh ni ten ka hria a, a lawmawm ka ti a. Tunah phei chuan a biak tur chat chat te pawh, a chinchang te pawh hre thei tawh turah inngai ta ila. Ka bangbo ve khawp mai a, a tir atangin, keipawh hriattir hranpa ka ni lo va. Ka bial a ni a, ka ngaihaven tur pawh a ni ve tho min tih pawhin a dik tho-ah ka ngai a. Tunah hian ka sawiduh pawimawh zual deuh deuh chu, helai in leh lo chan ta te pual hian ram lei a ni a nuai 100 in. Tichuanin kha kha hmun 100-ah an han plot a, chhungkaw 60 hi hmun an sem tawh a ni. Helai in leh lo chante hian Sports Council Quarter vel leh an hmun hma vel kha an luah nasa em em mai a. An mangang em em mai a Sports Council lam hotute pawh

hi Local Council Chairman te pawh an han phone a, an luah ve duh tawh a, training nan te, camp nan te pawh an duh ve tawh a ni tih te pawh an hrilh a. Chhuah hi an hreh a ni lo va, an chak lo a ni lo va, mahse an tan han insuanchhuahna tur a awm si lo va. A hma daih atanga chhungkaw 50 ta tur atana nuai 2 theuh pek tur atana tih in leh lo hmun tur chu tunah hian an pe vek tawh a, an sem vek tawh a. Amaherawh chu cheng nuai 2 theuh pek tura an tih hi tunah hian pek an la ni lo va. Pek ni se chuan Krismas hma pawh hian puk chawp te nen an lo inkhawr nawk nawk ang a, kan awm thla thei duakin ka ring, thlamuang takin mahni in leh loah Krismas hman kan chak ve tawh hle mai an ti a ni.

Tunah hian Local Council Chairman-in min hrilh dan chuan DC in kan account-ah nuai 70 an rawn dah a, a ti a. Nuai 30 dang kha khawiah nge ka ti a, a hre lo nge ni. Chungte chu engtikah nge an pek theih dawn, pek theih hi a tha ka ti khawp mai a. An mangang rei tawh a, kum a lo vei ta der mai a. Helai hi kan ngaihtuah chian a pawimawh khawp mai a. Tin, hemi a landslide vel control-na leh mitigation vel atan pawh hian hnathawh saw a chak lo hle mai a, thil tam tak chu kan hre tho a, sawi vek sen a ni chuang lo va, sawi vek pawh a ngaiin ka hre lo va. Khatiang kan sawi tak atang khan a changtu Minister zahawm tak pawhin hma han lak dan tur leh tih dan tur te pawh a hriain ka ring a. A hmunah pawisa te pein in leh lo te han din pawh ni se pawimawh pakhat chu electric a ni. Eng an mamawh dawn a, hengte pawh hi sanction kha a awm niin a hriat a, a hmun hma te pawh a awm a. Amaherawhchu, electric han bun a khatiang tura hnathawh kha a awm lo a, mipuite an mangangin an buai ve khawp mai a, an rilru a chia i a. Chungte chu hma chak zawka min laksak turin ka han ngen a.

Tin, tui tla ringawt kha kan sawi a, a pawimawh lo ka tihna ni lovin, kan hre theuh a sawlai ka Bial chhungah lei min avangin nunna mi tam takin an chan a. Lei min avanga lei hnuai tangte chhanchhuahna tur hmanrua kha kan mamawh a, eng eng nge ka hre lo a. Engchen nge tunah hian kan neih pawh ka hre chuang lo va, amaherawhchu, sawichhuah kha a remchang ka ti a. Ka bial chhungah lei a min thut mai a, a chhehvel ho bawngtuthlawh te, suahdur te, tuboh te, thirtiing chi hrang hrang kha an pawt nawk nawk a, tunah hian an hmu let leh hlawm em ka hre lo va. Mi chhiat tawhna avanga an bungrua khati zat lek lek lo chan te kha chu an sawi buai duh lo a ni mai thei a. Khang khan kan sorkar pawh a beng harhin ka ring a. Engemaw zat chu an neih tawh ka ring nain, tui tla chhanchhuahna tur atana Lawngte leh hmanrua chi hrang hrang bakah khan lei minin mihringte a vur atanga chhanchhuahna tur atana hmanruate pawh kha ngaihtuah theih a nih chuan a va lawmawm dawn em tih kha ka'n sawi tel a. A tawngtu kan ni a, kan hre vek a, chu chu ka'n sawi tel duh bawk a.

Tin, Disaster management tuna an budget Other Charges-ah hian cheng nuai 1148 ngawt mai a lo lang a. Hengte hi eng atana hman tur nge ni ang aw tih kha ka ngaihtuahnaah a awm deuh a, chu chu ka sawi tel duh baw k a.

Demand No. 34-na, AH&Vety Department hi ka sawi tel duh baw k a. Mizote hi rannung hmangaihnaah hian kan thang nasa ka ti a. Hun a tlem si a ka'n sawi ve zung zung ang e. Hospital pui ti mai ang pakhat chauh hi kan nei a. Entirnan, ran accident te emaw, eng emaw sawtah Zemabaw k a mite pawh lo ni se, han inentira han ti tak tak tur chuan a enkawl na tur leh a damdawi in kan neihchhun ve chu sawtah Khatla-ah hmun khat a ni a. Taxi-in ui pakhat accident phurh thlenna tur leh a rawn lak letna tur te, a hun sen turte hi a tam em em mai a. Ran avanga ran hmangaihtuten sum an sen hi a tam ta riau mai a. Hemi avang hian a thawktute kan mamawh belh a nih pawhin lak belh a. Tin, Rural Health Centre kan han tih te pawh hi hmun thenkhatah chuan Dispensary-ah te pawh dah a Dispensary te chu changtlung deuh turah kan ngai a. Tih deuh vaka hmun 4 hmun 5 vel Aizawl khawpuiah hian Doctor-ten thutchilhin damdawi mamawh zualte pawh chutah chuan awm ta se. Hmun hla tak tak atangin rannung hmangaihtuten an ran vulh duat em emin cheng tam tak sengin an enkawl ta mai a, an enkawl a ngai a. An lo damlo theiin an accident thei a, khatiang zawng zawngah khanin ruahmanna hi siam theih ni se ka va ti em tih kha ka'n sawi leh duh baw k a.

Tin, Power-ah khan ka bial chhungah ka pian a hnu lama kan Chief Minister ka ngen vawikhatnaah min tihhlawhtlinsak a, ka lawm khawp mai a. Transformer bunna tur atan ruahmanna kan veng chhung ringawtah pawh hmun 3 velah a awm a. Tin, ka bial chhung hmundang dangah a awm baw k a, a lawmawm ka ti a. Sorkar hmasa lampang atanga hmalakna kal zel pawh lo ni teh reng se, ka hun laiin a hlawhtlinna ka hmu a, ka lawm em em a. A dawthleng chu kan peih tawh a, a dawthlak tur kha kan lo nghak e, a install-na tur kha kan sa zo tawh a Ramhlun North thlanmualah, 500 KV bunna tur kha. Tin, a dang zel pawh kan lo thlir zel e tih kha lawmthu sawi pahin ka'n sawi nghal a ni.

Pu Speaker, tlem te ka sawi leh duh chu hei MLA fund kha an han sawi a, awm ka ti ve ta riau mai a. Vaibelchhe 12 hi kan dawng tawh sa a, vaibelchhe 40 tling tur chuan 28 chauh a ni ngai tih kha ka ngaihtuahnaah a awm a, a tam lem lo hle mai a. Tin, a tul lehna ni a kan hriat pakhat chu hei thingtlangah te ni 100 inhlawhna kha an titem tawh a, ni 46 chauh mai inhlawhna hun kha an nei dawn tawh a. Aizawl bialtute lah chu Aizawlah khatiang kha kan lo nei ve reng reng baw k si lo va. Kan experience tawh tlem han sawi ila, Aizawl Municipal Council-ah hian 13<sup>th</sup>

Finance Commission atangin sum kan dawng a. Kum khatah hian tuna kan dawn ang zat vel hi chu kan dawng pha ve tlat mai a. A bialte han ngaihtuah chuan a let zel kha a ni a. MLA bial pakhat hi Municipal Ward 2 ang zel kha a ni a, a double te, a aia tam hret te hi chu a awm ve hrim hrimin ka hria a. Kan han sawi kan han sawi takah chuan a awm ka ti ve khawp mai a. Ka hmaa mite ka thiante rawt zah te kha chu ti ta ila. Tin, a dawngtu leh a zarzotute hi party tin kan ni vek lehngal a, bialah party party thliar lo tan pheii chuan ka'n ti a kan sawi duh a. Tam tak sawi tur chu a awm nain, Power te pawhrawn sawi ve teuh ka duh a, ka hmaa mite sawi kha ka'n ring mai ang a.

A tawp berah chuan Speaker in a tir atanga Pathian Thu a chhiar khan min hneh khawp maia. 'Rilru hmun khatin kan awm tur a ni' tih kha a rawn chhiar a. Kha kha i pai hawng vek teh ang u ka'n ti deuh a ni. Ka lawm e.

**SPEAKER** : Awle, Pu Joseph Lalhlipua i lo sawm ang.

**Pu JOSEPH LALHIMPUA** : Pu Speaker, ka lawm e. Demand No.30-na Disaster Management and Rehabilitation chungchangah tawi te ka sawi duh chu, kan member zahawm tak takten an sawi tawh ang khan Chhiatrupna, kangmei te, Leimin te, accident hrang hrang a awm thina, heng chhanchhuahna hna thawk tur hian sorkar piah lamah tlawmngai pawlte a che chhuak tam ber an ni a. Heng tlawmngai pawlten an hman tur bungruate hi kan Minister zahawm tak hian tun aia changtlung zawkin tlawmngai pawlte hnenah a bik takin YMA leh Adventure te hnenah hian pe thei sela, ka duh khawp mai. NGO te hnena pek hian District leh hmun kilkhawr mamawhna zawk te hi a thleng lo thin em aw tih te ka ngaihtuah a.

Pu Speaker, Lunglei district-ah te pawh hian Tlabung leh Darzokai te hi tui tlak fona a ni a. Tin, leimin chungchangah leh kangmei chungchangah te khatianga chhiat tawk te kha an awm ve thin a. Kan bial chhung leh bial pawnah te pawh hian Adventure club te pawh hi an tangkai khawp maia, an mamawh equipment te hi min ngaihtuahsak sela tih kha ka han ngen a.

Tin, Demand no.34-na Animal Husbandary and Veterinary department-ah hian thil pathum ka sawi duha, pakhatnaah chuan kan minister khan a sawi tawha, Lunglei khawpui bawngnute sawngbawlina society kutah hlan tur a ni a, a lawmawm ka ti khawp mai. Kan Chief Minister kaihhrainain term hmasa kha Lunglei district enkawltuah ka awma. Khatih hunlai pawh khan Society kuta hlan dan kha kan ngaihtuah a, kan sawiho thina, nimahsela society kha auditted statement mumal la neilo leh eng eng emaw harsatna tam tak nei te kha an ni a. Wawiiinah society

kuta hlan tur a ni tih kan hria a, lawmthu kan han sawi a. Tin, ran thianghlim, sa thianghlim kan ei theihna turin slaughter house Electric Veng-ah sawn term hmasa atang khan bul tan a ni a. A building tam zawk chu Pu Speaker, an sa peih tawhin ka hria a. A panna kawng tlem leh a finishing tlem eng eng emaw la tih ngai ala awma, hei hi hmang thuai turin kan minister zahawm tak hian hma min lak sak sela thain ka hria a. Slaughter house hi kan hman theih chuan Lunglei mipui pawhin sa thianghlim kan ei ve thei tawh ang tih kan ringa, ka'n ngen a ni.

Tin, Lungpher Farm, Lungpuizawl kha a hminga ka bial chhung ve a ni a, nimin lamah te pawh starred question-ah pawh a building sak leh sak loh te pawh kha sawi a ni a, saw vety farm saw Pu Speaker, hun rei deuh hlek tawh atanga bul tan a ni a, a tangkai khawpin ka hria a, sawlaih sawn a district pawn lampang thleng tan pawhin vawk note te, ar note te a thar chhuak thin a, tin, harsatna kawng hrang hrang nei tan pawh training te pawh kalpui a ni thin a ni. Kan sawi tak ang khan laboratory building an sak te pawh kha tangkai zawkah hostel atan an hmang a ni tih kan hria a. Saw saw a ram a tha baw si a, a tangkai baw si a, chhim lampang zawng zawng enkawl thei tur sawn min tihchangtlun sak sela ka duh khawp maia. Ruahmanna pawh an lo nei sa tawh maithei a. Hma min laksak turin kan Minister ka'n ngen a ni.

Tin, Pu Speaker, Demand no.45-na PWD chungchang kha pathum emaw lek tawitein ka han tarlang duh a. Pakhatnaah chuan kan hriat theuh angin Lunglei leh Tlabung inkar hi Mizorama kawngpui upa ber a ni a. A chhe hle a ni tih chu kan hria a, sorkarin theihtawp an chhuah thin tak nain a kawng te, a lungte pawhin a zir loh chin a awm a. Harsatna tamtak kan tawka, British-ina colonial expansion an neih lai a Southeast Asia ram awp turin Chitagong atanga Tlabung pana an lo kal a, Tlabung atanga Burma ram panna tur atana an kawng siam kha a ni a.

Mizoramah chuan kawngpui hmasaber a ni. Pu Speaker, Lunglei khawpuih pawh sawn Civil Hospital bul main road leh District road kan tih inkarah sawn kawngpui pakhat a awm a, a hming chu Hakha road tih a ni a. British hovin Hakha panna tur atana an siam kha a ni a. Chuvangin Tlabung kawng hi a upa hle a, a pawimawh em em bawka. Helaia ka'n tarlan duh chu Pu Speaker, pakhatnaah chuan lawmthu a ni a. Hun rei tak sorkarin theihpatawp a chhuah a, duhthusamin sum a hmu thei lova, chuti chungin kan minister te, PWD department official ten theihpatawp an chhuahnaah National Highway-ah puan a ni hi a lawmawm ka ti khawp mai a. Amaherawhchu, helaiah hian a changtu kan Chief Minister zahawm tak leh department te hian min hriat sak sela ka duh chu, double lane a siam a nih dawn khan assessment leh survey kawng hrang hrang an la a, an tih mek laiin world bank project-ah thun luh a ni a. Assesment a tharin an la leh a,

chuan tunah hian national highway ah puan alo ni leh ta a ni. National highway a puan anih leh hnu hian assessment leh survey thar an lak leh chuan hun a duh rei dawn lutukin ka hria a. Chuvang chuan khatianga ruahmanna lo siam tawh leh revenue department leh District Administration te pawhina mumal taka record alo vawn tawhte, department pawhin assessment leh survey alo neih tawh te kha inrin tawn chhoh dan awm sela. A thara assessment leh survey lak leh hi chu hun a duh rei dawnin ka ring a. Chulai chu min lo ngaih pawimawh sak sela a duhawm khawpin ka ring a, ka han tarlang a ni.

Tin, Pu Speaker, Lunglei High Powered Committee hmalakna te, tin, a bik takin hei kan Vety minister zahawm tak leh vawiina kan HPC Vice chairman Pu S.Laldingliana te hmalakna te pawhin Lunglei khawpui hmun hrang hrang kawng zauh a ni a. Farm vengah sawn vety ram engemaw zat pawh vantlang kawng atan an pe a, tunah hian kohhran leh khawtlang mipuiin an lai mup mup a ni. March ni 4 leh ni 8, inkar hian Mizoram Baptist Kohhran khawmpui lian ber, rorelna sang ber Assembly Farm vengah neih a ni dawn a. Farm veng panna leh khawpui laili hmun thenkhat hi term hmasa atanga HPC pawisa atanga lo laih tawh te vawiinah kan HPC Vice Chairman zahawm tak leh kan Vety minister zahawm takin department ram te vantlang tan pein tunah pawh kawngpui laih mek a ni a.

Kan PWD changtu minister tanpuitu hnenah te chuan ziaik te leh tawngkam te pawhin ka han sawi tawh tak nain Kohhran leh khawtlang in tunah pawh tha thawhin, tawngtaina te sengin tunah sawn hma an la a, he khawmpui lian kan dawn hma hian helai chhuntu kawng pawimawh deuh te hi black top min tihsak thei sela ka duh khawp maia. Hei hi khawtlang te leh kohhran hote tan thil tangkai tak a nih ka ring a, kan han tarlang duh a ni.

Tin, Pu Speaker, a tawpna berah chuan lawmthu sawiin hun ka'n titawp anga. Kum 1989 ah khan Lungleia veng lian ber, Chanmari-in vantlang puipunna Hall nei turin hma a la a, committee te an dina, kum 30 chuang a kal tawha, kum 1990 ah khan vawiina kan House Leader zahawm tak leh kan Chief Minister hian a sakna hmun tur ram a pe a, tichuan term hmasa atangin sa turin bul min tan sak leha, vawiinah chuan sak tan theihin hma min lak sak ta a, vawiinah hian a bialtu nihna mai nilovin, Chanmari khawtlang aiawh ang pawhin PWD changtu leh kan Chief Minister leh amah tanpuitu minister leh department officer te hnenah lawmthu ka sawi a. Kum 30 chuang meuh Hall nei tura hma an lak a hlawhtlinna lo lang tan taah hian Khawtlang mipuite an lawm hle a ni tih vawiinah hian he House zahawm takah hian ka sawi duh a, veng malah chuan Mizoram Hall nei tha ber zinga mi tur an nih ka ringa. Cheng nuai 500 dawn lai man Hall tunah

sawn sak hna an tan dawn a. YMA te, NGO lam te pawhin committee te neiin hnatlanga tanpui te an tuma chutiang chuan an rel mup mup a ni. Theihpatawp a thain kan sa anga, Pathianin rem a ti anga, kan Chief Minister zahawm tak hian min hawn sak leh ngei ang tih kan ringa, kan beisei a ni. A sak hna te pawh theihtawpa tha leh chakin kalpui a, tanpui kan tuma. Khawtlangin kan tanpui anga, chungah te pawh chuan a department officer te pawhin theihtawpin min tanpui sela, rang taka, tha taka sak kan tum a ni tih kha lawmthu sawi pahin kan sawi a ni. Pu Speaker, ka lawm e.

**Pu P.C. ZORAM SANGLIANA** : Pu Speaker, tawi te tein sawi ka'n tum ang a, Demand No.18-na Minister zahawm tak chanpual, Printing & Stationery a harsatna an tawh mek hi official lam atang tawh a ni zawk em aw ka tihpui deuh hlek a. A chhan chu kan Finance Minister zahawm takin K.Deposit a dah department tereuhte nuai 200 chuang lai mai han dah ngaite kha State Purchase Advisory Board an thut khawm that loh emaw an thut khawm theih loh avanga an khawl tihchangtlunna tur atana hman tur kha niin ka hriatpui deuh hlek a, hetiang hi tihfel ran a tha khawpin ka hria a. Hengte hi tihfel a nih chuan India ram khawpui hmun hrang hranga thil chhut leh tih hi a ngai tawhin ka ring lova. Mahni tual zawlah ngei lehkhabu ziaktu te, zirlaibu chhutu te pawhin prove reading kha hmun leh hmunah an ti thei dawn a. Kan Education Department demand sawi ruala hawrawp diklo leh chuti khati, a lem pawh a ang lo lutuk a ni tih angte kha, helai kan kawmthlang maiah leh khutah Luangmual-ah khan tih theihin a awm dawn a. Tin, Power department-in 3 phase an lo pe tawh te hi a tangkai dawn em em a. Heng ang te hi tih theih a pawimawh hlein ka hria. Tunah calendar an chhu mek tih kan hria a, kumina kan hman pawh hi an chhut niin ka hria a. Tin, chumi bakah chuan member-te sawi ang khan zirlaibu leh thil chi hrang hrangte pawh chhu thei khawpa khawl changtlung nei hi an ni tawh a. Chuvang chuan, helai bawr taka harsatna an neih department te anga nuai 200 chuang lai mai K-deposit a dah ngai kha hun hmasa lama kan nawr tlauh tlauh thin State Purchase Advisory Board an thu thei lo leh firm dang thlan phet an tum, a ti ngai te thlak phet tumna rah niin ka hria a, khawngaih thlak awm hlein ka hria a, hei hi kan minister zahawm tak hian a bawhzui mek niin ka hria a. Helai bawr hi thuneitute pawh in lo hria sela tih atan a pawimawh hlein ka hria.

DM&R ah hian silpouline leh tarpouline min pek te, a thatna leh thatlohna hi tam tak khaikhin tur a awm thei mai thei a. Mahse, ka bialah chuan kan tangkaipui a ni kan ti a. A bikin Bairabi te phei chu fur lo thlen chuan kumin fur ah phei kha chuan Bairabi South-a kan YMA President in phei kha chu Tlawng luiin a rawn nek chim hial a ni. Chung atan te chuan kan hman tangkai em em a Tin, tui tla leh vanduaina dang lo thlengah te hemi department kaltlanga train chhuah te, an huaisen zia leh an han tangkaipui zia te kha Laipuitlang leimin ah te leh hmun hrang



hrang ah te kan hmu tawh a. Tin, ka bial Bairabi ah khuan engine boat ka MLA LAD fund atangin ka leisak a, VC kutah kan dah a, a tangkai em em mai a. Hengte hi Department atanga an pek mai bakah an lo tih ve te a ni a. Hemi te department hi chu vanduai leh mamawhtu, inchung pawpa awm mekte tan leh leimin hlauhawm atante hian malsawmna in ni tak meuh meuhin ka hria a. Chuvangin, lawmawm ka ti tak zet zet a.

Tin, kan Chief Minister demand ah hian Pu Speaker, sawi ngai loh ni deuh mah se, han sawi talh kan duh chu kan Legislative Assembly staff te chungchang hi sawi ka duh a. MLA kan nihna atangin P.A. min pe a, ka P.A. in a sawi lawmawm ka tih em em mai chu, 'hei ka pu, i bulah kum15 aia tam ka awm ve tawh a ni a, Department hrang hrang leh hmun hrang hrang te min dawr tir thin a, kan kal thin a, Legislative Assembly staff te tluka dawr nuam leh thil kan hriat duh min lo hrihfhiah ngai hi an awmlo tih ka hria a, hei hi Department zawng zawngin zir ve se a tha hial awm mange aw,' ti hial khawpin kan Assembly i kaihhruaina hnuai staff te hi enkawl an lo nuam a ni tih ka P.A. in min hrih avangin he House zahawm takah hian sawi chhuah ka duh a. Chu chuan department dang zawng zawngte Chief Minister demand-ah chuan avai neitupa a nihna angin a hrih vek niin ka hre deuh hlek a, hei hi kan sawi duh a.

Tin, thil dang tam tak sawi tur a awm a. I&PR hi mi sawi loh deuh lam hi ka'n sawi duh a, sorkar tlangau Department ka ti mai thin a. Tunlaih chuan hei hi mi ten an hmang tangkai em em thin a. Tunah hian duh angin kan hmang tangkai lo deuh em aw ka ti a. Helai bawr hi enchian a, Department hrang hrangte leh sorkar pawhin kan hriat duhte hi, 'in ti ngun, tih ngai hli' tih a lo nih pawhin press-ah leh media leh printing-ah te hian tun aia hman tangkai ni ta sela. Anmahni kaltlanga kan lemchan thiamte hovin malsawmna an dawng ringawtte hi an lawm em em a, heng ang chi te hi tih atan a thain ka hria a.

Demand 39-na P&E department ah hian tun session chhung pawha kan hriat angin he Department kaltlanga an hnathawh hi a ropui hle ka ti thlawt a ni. Kan luipui zawng zawngin megawatt an pek theih zah hi an han hre vek phawt mai a. Chutah chuan khawi nge kan luhchhuahna lai tur tiin ngun takin an han zir leh a. He Department kaltlanga malsawmna kan ramin kan la dawn tur, kan Chief Minister zahawm takin Prime Minister a zui tuma Bangladesh Prime Minister-in power a lo dil tuma, 'hei i bula hi power tam tak lei tur a awm a, ani hnenah hian i dil dawn nia,' a tihte kha alo thlen hun hi a hnai ta hle niin ka hria a. Department leh a changtuin a enkawl na hnuai a, a kaihhruaina hnuai hemi hmabak lo thleng hi a lawmawm ka ti a. Chumi bakah kan hmalakna zingah chuan sawi tho mahse, Pu Speaker, kan sawi tel leh talh duh chu, Solar

Energy leh wind mill lamah hian tlan pel ta se, chu chu an tlan mek tho chungin helamah hian tlan chak leh zual tur niin ka hria a. He department hnathawhte lawmthu ka sawi rualin heng lamah hian tlanpel ta se ka duh a.

Demand No.45-na PWD-ah hian khungluh vek ka'n tum a. Kan hriat ve danin central-ah an inhawng em em a ti zawngin han sawi ta ila. Tah chuan DPR fel leh dik kan siam hi a pawimawh a. Delhi-ah national capital-ah leh kan ngen loh theih loh NEC headquarter Shillong-ah hian helama thiam bik hi post dan an awmlo maw aw ka ti a. Chumite chuan project dang dang kan neihte hi lo bawhzui zung zung sela, India sorkarin Look East Policy an hman tangkai lai tak, an thilphal lai tak hian heti zawng hian tang ta ila a duhawm awm mang e aw ka ti a. Sawi tur tam tak ka la nei a. Biala ka luh zawk duhna chu Chhimluang, Pangbalkawn atanga hnai te khu kuminah hian kawng min tihlang sak in alignment thar te min han zawn sak in min han teh sak hram se tih kan sawi tel duh talh baw k a.

Tin, Pu Speaker, Department hrim hrim, a pumpui angin Chief Minister demand kan sawi rualin a remin ka hre baw k a, ka'nsawi duh a. State Purchase Advisory Board emaw, hetiang chi hi taima leh zualin thu thei hram hram sela, kan hotu lian te, official hoten hun pe hnem thei sela. Chu chuan Department tam tak ten harsatna an tawh thin hi a solve na tur niin ka ring a, chuvangchuan, hei hi kan sawi duh a. Pu Speaker, kan sawi loh theih loh chu district Champhai, Mamit, Serchhip, Kolasib tihah te District Development Committee, council kan han nei ve a, vaibelchhe l emaw kan han nei ve a. Mahse, kan lo aw h em em mai chu Lunglei lam bialtuten an sawi apiang leh House-a report hrang hrang thil kan han ngaihthlak hian Lunglei High Power an neih ang hi kan awt ve a ni, district dangte hian. Keini kan bial angah te vaibelchhe l min han pe ve a. Official ten programme an lo siam zo deuh vek hman a. Chutah han inrawlh ve dawn chuan, 'kan lo ti tawh, an lo ti tawh,' an ti a. Bawng sah nan te an lo hmang mai mai si a. Vawiinah chuan Lunglei High Power Committee-ina an hmalakna kan han ngaihthlak te hian bul min tansak nan kan Chief Minister-in kan district-ah District Development Council min pe ta sa sa baw k a, High Power Committee hi min han pe ve ta sela chuan kan tangkaipui leh zual ang tih kan ring a, chu chu ka sawi tel duh talh baw k a.

Chubakah chuan kawng siam chungchangah hian sawi leh lawk ka duh chu, tunhmaa kan sawi thin, kan tleirawl laia kan sawi ve thin chu BRTF kawng a chhe har a, PWD kawng a chhe hma thin tih kan sawi a. A chhan keimahni thenrualin kan sawi kan conclusion-ah chuan PWD chuan kawng an laihin side drain an siam tel nghal lova, BRTF chuan side drain an

siam tel nghal zel a, chuangchuan, a chhe har a ni kan ti a. Chungte chu ala ni zel em ni aw tunah hian, hengte pawh hi min han tihthat sak sela. Tin, tunhnaiah kan bial chhungah malsawmna tam tak he Department kaltlang hian kan dawng a, kan lawm em em a. A sawi tur ka ni em chu ka hre lova mahse, MLA nihna atanga han sawi ve loh theih loha ka ngaih chu MLA fund chungchangah hi chuan kan member zahawm tak tak ten an ngen zah MLA tin te hian nei ta ila, Mizoramah hian development a kairual ngawtin ka ring. MLA fund hi chu a endiktute kha bial mipuite an ni vek mai si a. Chuang chuan, bial mipuite vigilance-na hnuaiyah khan diklo theiloin kan hmang a ni mai a. Chuang chuan kan member zahawm tak tak te rawn rawt ang em em kha a tih theih loh a nih pawhin a zahve pawh kha nakum bul tan nan hian min pe ta sela, a kum leh lam atante chuan kha ho kha ni se kan tangkaipui ngei ang tih ka ring a. Kan Minister zahawmtak Pu C.Ngunlianchunga leh kan House Leader zahawm tak Pu Lal Thanhawla ten Demand an rawn pharh hi lawm taka pass pui ni se tiin ka rawn support a ni e. Ka lawm e.

\*Speech not corrected

**SPEAKER** : Sawi tur kan awm ta lo nge, aw Pu Ruatkima. I inngaitlawm thin a, in phar tlai em thin a ni.

**Pu LALRUATKIMA** : Pu Speaker, lehlam i hawi daih a. Ka lawm e, vawiin chu Demand a tam si a, kan hun a chep si a, tawi te tein sawi den den tum ta ila. A hmasain Demand No.1 ah khan Legislative Assembly a ni a, ka hma ami member zahawm takin a sawi, Assembly Officer leh Staff te inpumkhatna leh thawhhona tha tak hi ka hmu ve thin a, a lawmawm khawpin ka hria a, an inpekna leh an hawihhawmna hi sorkar hnathawk zawng zawngten entawn tlak niin ka hria a, thil hriat duh han zawh te, han len luh changte pawh hian mi an lo chhawn tha thin khawp mai a, an fakawm ka ti khawp mai. Tin, thla khat dawn zet mai session kan han nei a, chungah te pawh chuan an hah em em a, zan lamah, nizan khan ka session paper kha dar 9:45 PM ah ka hmu a, 'chaw kan eikham chiah a ni,' an ti a, chutiang khawp chuan an hah a, honorarium te pawh hi pek theih an ni lawm ni tih te kha ka thahnemngaihna ka'n sawi tel duh a.

Tin, sawi tur tam tak a awm ang a, Demand No.15-na GAD-ah khan kan kai daih ang a. Kan sorkar enkawltute ber an ni a, insiamthatna tur leh tan lakna tur te pawh tam tak kan neiin ka ring a. A bik takin Mizoram House hmun hrang hrangah kan nei a, chungah chuan Pu Speaker, a thawktu tam zawkte hi eisiam bikah te pawh a ni a, hnam dangte an lo ni a, Mizo hrawk mil eisiam tur a tan lak a ngai khawp mai a. Chumi bakah chuan Mizo tawng thiam lote pawh an awm a ni. An mikhual hnam dang tawng thiam lo tan kha chuan a buaithlak duh khawp mai a,

chung angah te pawh chuan Department-in tan la lehzual se a tha khawpin ka hria a. Tin, a bik takin kan kal phak tawkna, a nawl puiin kan han luhchhuahna Guwahati, Mizoram House-ah khuan damlo tan motor an nei thin a, Sumo leh Bus te, mahse tunah khuan an nei ta lo a, khung te khu pek leh ni se, damloten an zangkhai phah awm mang e aw, ka ti a.

Tin, hei pensioner mi eng emaw zat kan sorkar hnuaiah hian rawih nawn te an awm a, kha tiang kha a that viau laiin sum leh pai kan harsa em em a, chung mite chuan an hnua lam amite promotion rawn hmu turte hmun an luah a, chumai bakah chuan an room allotment chungchangah pawh SAD lam ten harsatna an tawk ni te pawhin a lang a, hengte pawh hi enge ni kan kalphung ni zel tur, hemi kawngah hian ngaihtuahna thar kan hman a thain ka ring a ni.

Tin, Lunglei lamah High Powered Committee te kan han nei a, hma te pawh an la nasa a, a lawmawm khawpin ka hria a, District hrang hrangah District Development Board te kha din niin ka hria a, khangah te pawh khan hma lak zel a, District chhunga hmasawna kawngah te pawh chak lehzuala an thawh theihna turin khang te pawh kha han duhsak theih ni ta se.

Tin, thil pakhat ka sawi duh chu Pu Speaker, hmanni deuh khan chanchinbuah kan han hmu a, District pakhat an MLA chu an District Committee-ah khan a address an hre lo a, Committee ah khan koh ngaihna reng reng an hre lo tih kha kan han hmu a, a pawl khawp mai a. Kan MLA te address hi chu hre ve turah hian kan ngai deuh ngawt a, an han hre lo kha chu an MLA tan pawh a hrehawmin ka ring a, chungah te pawh chuan inenlet zel tur kan ni a, mihring kan ni a, famkim lohna a awm kan nih miau avangin chung te chu kan sawi tel duh a ni.

Tin, kan ngaithla a, thil tam tak kan han sawi a, Power & Electricity chungchangah Demand 39-naah kan kal leh ang a. P & E ah hian kan tun dinhmunah hian 29.39 MW kan thar chhuak mek a, kan Finance Minister thusawi atang khan thawh mek leh DPR peih tawh te, Small and Micro Hydel Project te kan han nei a, a te lamah hian kan kal ta lutuk deuh em aw, ka ti a. A lian lam hma kan la dawn tho si a, a te hi thalva ekcharah chuan tuite alo kang a, harsatna a tam duh deuh hlekin ka hria a, chung angah te pawh chuan kan tih tur leh hmachhawp tam tak kan neih avangin kha lam kha uar ta deuh ila. Tin, Aizawl khawpui hi Aerial Bunching Cable (ABC) in an thlak deuh vek tawh a ni. Amaherawhchu (kawngpui) main road hi chu an rawn thlak a, a veng penhle deuhah hian thlak lohna tam tak a awm a, sum pawh hemiah hian kan la nei ni te pawhin ka hria a, chung angah te pawh chuan current man lakah te pawh a him a. Tin, power bo thlau lakah

te pawh a him theih avangin, kan hlawkpui theih avangin, ABC cable hian Aizawl khawpui chang ni lovin khawpui chinah hian chuan hmalak uar sauh sauh hi a tul hlein ka hria.

Pu Speaker, Demand No.45-na PWD hi zawhna pawh ka nei tam a, tawngkam hnih khat lek kan sawi duh chu, mihringte hi kan thianpa Pu Rampuia(Fam) khan a sawi thin a, 'sawiseltu neilo hi a hlahawm ber e,' a ti a. Kan sawiselna zawng zawng kha insiamthat nana kan hman thiam hi mipuitling zia niin ka ngai a. Chutah chuan abik takin IWT, Inland Water Transport-ah khan chhimlamah Khawthlangtuipui leh Tuichawng nge ni, proceeding hlui kan en khan, nikum lam proceedings hluiah khan 25 crores kan hmuh tur thu kha an sawi a. Tlawngah khuan Inland Water Transport Project kan nei a, a tha viauin ka hria a, khangte pawh kha hmalak chak zual ni ta se thain ka hria a. Tin, kawng tlo loh nachhan hi kan plan leh alkatra kan chhuanna hmun leh kan worksite hi a inhlut lutuk thin a, hengah hian a materials hi a dai hman thin emaw ni chu aw tih mai tur a ni a. Helaiyah hian ruahhmanna kan engineer-te leh mithiam zawkten ngaihtuahna kan hman hi a hun khawp mai a. Tunhma khan road protection squad te kan ti a, kawngpuiah in sakna rod te kan chhu a, hetiang kawngah hian mipuite inzirtir uar nawn leh hi a tul khawpin ka hria. Tin, a bik takin Pu Speaker, unstarred question no. 78-naah min rawn chhanga, ka lawm khawp mai a. Ka bial chhung a bik takin, Tuikual, Dinthar, Dawrpui Vengthar, Kanan leh Vaivakawn 7<sup>th</sup> Day Tlang panna tur kawng kha tun financial year chhunga min siamsak an tum thu te ka lo hria a, lawmthu ka han sawi lawk duh a ni e.

Tin, Demand No.30-naah ka'n kai daih ang a, Disaster Management & Rehabilitation-ah khan YMA, Minister kan nei a, a lawmawm khawp mai a, a viak a tha a, chhiat ni that ni, rikrum chhiat tawh thilah kan leklam ber te an nilo thei lo a. Nichinah pawh khan kan ngaihtla a, silpauline te min han pe a, kan khawro viau tur kha min lo tuam hlawmtute an ni a, a lawmawm takzet zet a. Hemi bakah hian hman zanah lir a nghing a, chhiat tawhna nasa zual hi lo thleng palh ta sela, kan inbiakpawhna communication zawng zawng hi lo chhhia sela, enge ni ta ang kan kal lehna tur hi aw, tih te ka ngaihtuahnaah chuan a awm a ni, tui chungchangah te, inbiakpawhna chungchangah te. Morse code te pawh hi hman tul hun hi awm palh thei a ni a, kan power zawng zawng pawh hi chhe vek palh thei a ni a, chung thleng pawh chuan ngaihtuahna kan neih kha a tulin ka hria a, kha mitigation of landslide Ramhlun ah te tanpuina turin chhiat tawh chhungkuate tan hma nasa takin kan la a, a lawmawm ka ti a. Tin, ka bial chhung Tuikualah khuan nikum lam khan in engemaw zat a chim baw a, henge pawh hi ngaihtuahna min neihpui zel ula. Tin, hei bakah hian Champhai leh Mamit-ah te pawh khan chhungkaw tam takin harsatna an tawh a, leimin avangin an in leh lote an chan a, henge pawh hi project kan siamsak emaw ruahmanna tha

zawk kan siamsak te pawh hi a tul a. Tin, Laipuitlang leimin te kan hria a, mi tam takin nunna hlu tak an chan a ni. Kan tuarpui em em a, heng mite chhawmdawlina tur kawngah te tan kan lak zel hi a tul ka ti a.

Tin, Vety kha tawite ka sawi duh chu, Mizo hi sa duh deuh mai kan ni a, chumai bakah kan awmkhawm laih laih a motor kan chuan pheih chuan zai zel hi kan tum a, ruai kan theh pawhin sa tello chuan ruai kan theh thei lo a ni. Chuvang chuan kan hunpui Christmas te hi ruai nena tih loh hi chu tu pa mah hian kan ngam lo a ni. Chuvangin sa lama kan intodelhna turin a bik takin Bawng, Ar, Vawk te kan intodelhna turin tan lak nasat hi a tul a ni. Hma an lak mekna kawngah hian mihring te kan ni miau va, chumiah chuan tih tur tam tak a la awmin ka hria a ni.

Demand No.5-na Vigilance hi a pawimawh khawp mai a, kan ramin natna a tawh lian tak chu corruption a ni tih te pawh kan hria a ni, hemi kawnga min vengtu tur chu Vigilance an ni a, an ban tha te pawh tihchak zel hi a tul ka ti takzet zet a ni.

Demand No.26-na I & PR ah khan Mizoram hmel lan dan pho chhuaktu an ni a, kan chhiat that zawng zawng hnamdang laka min pho chhuaktu te pawh an ni a. Chutih lai chuan mipuite nen sorkar relationship siamtute an nih avangin session report te pawh hi I & PR atangin hmuh theih mai tur khan han pho lan ni sela, ramdanga Mizo awm te tan pawh a hriat theih zel dawn a ni a, chutiang tur chuan tan kan lak zel pawh a tulin ka hria a ni. Kan Chief Minister zahawm tak demand a ni bawk a, kan sawi duh chu MPSC ten hna tam tak an la a, a lawmawm ka ti khawp mai a. Mithiam tak takte kan ramah an awm chho zel a, chutah chuan felfai taka an lak zelna turah hian mipuite leh ram hruaituten mawh kan phur nasa hle in ka hria a ni. Chumi kawngah chuan kan intawiawm zel kha kan tih mak mawh ni te pawhin kan hria a ni.

Printing & Stationery-ah khan, sorkarin sum a hmuhna tur leh quality a maintain vena tur a nih avangin he Department ti mai teh ang Printing & Stationery hi kan chhawr thiam a ngai a ni. Lehkha chhut tur kan neih ang ang hi private press a chhut tura pe tur ten kan zuk dil thin, a thatna lai a awm a, anmahni hian thawk ve se an intodelh kha a ni mai dawn a, khawl tha tak tak te pawh an nei zel a, Mizoram Calendar te pawh han chhuin a quality that zia te pawh kha Zoram mipui hmuhah han pholang zel sela

Department zawng zawngte pawh hian dawr zel te pawh an tih tur ni te pawhin ka'n hria a ni.

Pu Speaker, nimin lamah khan demand kan han sawi a, Supply Minister khan MLA te hamthatna tur kumtharah chuan pek kan nih tawh dawn loh thu a sawi a, lawmawm ka ti. Kan mipuite harsa taka an awm laia MLA te kan lo invulh emaw kha a remchang lo tih chin te pawh ka nei a. Blood bag man te pawh a harsa a nih chuan kan nikhat hlawh te pawh hi kan pe ve thei lawm ni tih kha rawtna ka'n siam duh a ni. Chutah chuan ration buhfai ₹ 15.50 a han pung tur kha chu a lutuk deuh a ni, hei hi chu kan House Leader zahawm tak hian ngaihtuahna thar min lo neihpui ta se, khawpuiah chuan a harsa lo mai thei, thingtlang lam atan chuan a harsa thei a ni, demand piah lamah kan lut lawk a ni e. Ka lawm e.

**SPEAKER** : Pu Vanlalzawma i lo sawm ang.

**Pu VANLALZAWMA** : Pu Speaker ka lawm e. Hei kumkhat a ni dawn ta mai a, chumi chhung chuan Aizawl W-III bial chhunga PWD-in kawng lama an hmalakna saw lawmawm ka ti takzet a wawiinah kan sawi hmasa ber duh a. Ka beisei phak bakin hma an la ni te pawhin ka hria a, tam tak tan chuan duh khawp lohna tur chu a tam anga, Aizawl khawpui zau zia leh tul tam zia ngaihtuah chuan ka bial chhunga PWD hmalakna hi a lawmawm ka ti takzet a, chumi rual chiaha ka lawmna dang leh chu department hotute leh Local Council leh tlawmngai pawlte thawh hona a tha em em mai saw wawiinah hian sawilan ngei thain ka hria a. Tukinah pawh Nursery vengah ka va kal a, sawlai veng atanga Maubawk chhuak pheih tur kawng saw an lo buaipui mek a, PWD lamin an buaipui dawn tih kha Nursery lamin tun zirtawp khan an hre chauhva chuti chung chung chuan a pen thlakna ulh em em mai saw in muang deuh hlek thei em tiin inrinni khan an inrawn chung chung a, veng chhung pa ho leh a bul hnaia awm ten lung trip ka thawh ang e tiin an inchophur tawna, boulder trip 9 an lei a tichuan a ulh zual lutuk lai hnawh turin hma an la a. Chutiang tur chu PWD lamin kan nei lo an tih si avangin tukinah chuan ka va hmuhpui a truck trip kua an lo phah a, chutih mek lain road roller a lo awm a, a chhoh deuh hret avangin amahin a lokal mai thei lova, hnatlang kovin hruizen tha takin an hnuk a chutiang khawp chuan hnatlang te an lo ko a ni a, lawmawm ka ti khawp mai a. Chutih lain road roller operator pawh an veng chhunga mi niin

thahnemngai em emin tan an la tih ka hmuh khan House-ah hian sawi chhuah ka chak em em a ni.

Kumin thal khan Maubawk to Lawipu pan thlakna pawh kha an ti a, zo hman chiah lova laklawh deuhvin a awm a, Lawipu Veng chhung ami saw a chanve vel pawh an tih hman hmam furin a nan avangin an chawl rih a. Chumi ruala pawimawh deuh mai pakhat saw lai area a kan sawi duh chu, Secretariat bula pen pheia Bungkawng vengthara lut pheia Maubawk kawna chhuak saw kawng saw Bungkawng vengthar kawng pawimawh tak a ni a, siam ngei ngeia a ngai a hma lak mek a ni an ti a. Chungte chu chak lehzuala hma min lakpui turin Department kan sawm duh a, special deuhva kan ngaihtuah te pawh a tulin ka hria a ni. Kumin chhoah khan sawlaiah sawn bomb vawi 2 a puak a. Tun Sunday a kan va kal pawhin khami kha an lo la sawi laih laih a, an rilru a la awm deuhva chuvangin, kan sorkar pawh hian duat deuh an tha awm mange aw ka ti a ka'n ngenpui a ni. Demand no-45 atana ka sawi duh chu ni mai sela.

Demand 39-naah hian rawtna a ni mah mah a, ka sawi duh lai tak chu oil leh natural gas lam laih chhuah kan tum mek lai hian Meidum-ah te pheichuan a tak an pawh tawh a, hemi atan hian power project lam hi kan inpuahchah tan a va hun em tih kha ka sawi duh a, kan Minister-ten hma an lak theihna turin. Tripura-ah chuan MW 726 pechhuak tur kha an buaipui a, a then an pechhuak tawh a, khu khu ONGC lamin an buaipui niin ka hria a, gas an lakchhuah piah lamah kha power project kha khatih zawng khan hmalak a anmahni bawh hi hma la tura tih ni se. A chhan chu natural Gas ngat pheichu transportation hi a buaithlak khawp mai a, motor-a phurh kual hi a buai thlak an ti, chuvang chuan a hmun leh hmuna gas hmanga tihnun tur power project tih mai kha ka support hle mai a, chumi zawng chuan ngaihtuahna hmanga Power Project tur lama hmalak a va han tul em aw! A chhan chu an phawrh tawh laklawh chuan a lo chhuak a lo chhuak ang a. Kha kha a hmanna mumal lo neih bawh si loh kha chuan, a buaithlak theih dan te pawh kha a awm a ni an ti a. Chuvang chuan, ONGC lam ten an tih mek lai khuan anmahni lam tak pawh hi an ngen mai theih ka'n ring deuh a, sorkarin kan ngen chuan, chu chu ka'n sawi leh ni sela.

Tin, DM&R ah khan ka'n sawi duh chu kan Education Minister zahawmtak a awm bawh a han sawi rik ka'n duh chu disaster lam engemaw lo thleng tur hmachhawn tur hian kan inpeih em tih te pawh hi ngaihtuah a ngai a. Kan hria-a 2004 kum tawpah Bay of Bengal atanga India chhim lampang Tsunami-in a nuai vak mai khan Sorkar hotuten an sawi chu Tsunami



hmachhawn tur hian kan lo la inngaihtuah chhin ngai lo reng reng, kan lo la inpuahchah lo a ni an ti a. Chuta tang chuan an ngaihtuahna an hman a. CBSE phei chuan khata tang khan an Chairman-in a sawi ka hriat chu zirlaibu-ah hian kan telh dawn a ni a ti a. An telh ta-ah ka ngai a, ka hre zui chiah lova, hei hi a pawimawh khawp mai a.

Entirnan, hmanni lawkah pawh lir a nging kan ti a, a zan a zanin kan mangang a, kan chia a ni. Tin, nikum em ni cyclone na deuh a lo thawk dawn an ti a, kan buai em em a, kan phili a, kan mangang em em a. Khang zawng zawng kha dan mai theih pawh ni lo, mahse, lo thleng ta se, engtin nge kan hmachhawn ang tih lai tak kha. CBSE in an tih danah chuan zirlaibu-ah telh ang an ti a. Class I naupangin lirnging tuar se a tih tur, a tih tawk te kha a awm ve a ni. Tin, kangmei lo chhuak se engtia awm tur nge? Amah a insaseng chuan a tawk mai, a dang ngaihtuah a ngai lo tih ang chi, tin, Class III naupangte, High School zirlai chinin a tih tur awm hi a awm a ni an ti a. Chutiang te te chuan kan zirlaibu-ah te pawh hian telh ta ila. Kangmei lo chhuak ta se Class VII zirlai a nih chuan a tih tur awm a awm ang a. Tin, naupang leh zual a nih chuan amah lo insaseng mai dan tur te emaw, khatiangan te te khan anmahni phak tawk te te a an lo inzir vena tur kha zirlaibu-ah hian telh tur a ni tih kha an ngaihtuah dan a ni a, a tha khawpin ka ring a. Chu chu kan ramah pawh hian a tulin ka hria a. Dik tak chuan chhiatna a lo thlen hian nutling patling an vei buai vak ringawt mai a ni. Naupang chia chu thudang ni sela. Chuvang chuan, nu leh pa tana tih tur ang chi te pawh kha engemaw han inzirtirna pawh kha awm ta se a that ka'n ring khawp a. Chu chu rawtna thar deuh a nih rualin kan ram pawh hian kan mamawh hle a ni.

Tin, nichinah kan sawikai thuk thuk a. Helaia sawi zui chi hi a ni nge tih ka hrethiam vak lova. Assembly Committee te kan nei a, Mizoram Sorkar hnuaia Department hrang hrangte kan han en kual a. A tul a nih leh kan zawtfiah a, zawhna te kan zawt a. State dang tih dan a ni em tih pawh hi ka hre lo na a, Central Government atanga thil lo chho, an indin tam tawlh tawlh a. Nichin lawkah pawh chawhma lam zawhna chhanna-ah pawh ONGC te Oil ho te hian recruitment an tih hian local mi an la tha tawk em tih te pawh kha kan han question nghal mai a, a dik em em a ni. Mahse, hetiang ho zawng zawng, entirnan, University te pawh an awm a, Postal Services te, tin, Durdarshan te leh Radio thleng hian Central Government-in a rawn hun ho hi an awm a ni. Heng ho hi ngaihtuahna hranpa deuh nei a, State-ah mamawh tam tak an nei kan tihsak mek baw a. Chutih lain kan State mamawh leh tul kan tih ang te pawh kha an lo ngaihtuah ve tur a ni a Committee te a siam theih em aw kan ti deuh a, Assembly-ah hian, khang ho te nena thawk ho tur leh anmahni lo enkawl zui tur kha. A then hi chu anmahni tal talin an rawn tal deuhte pawh hi a angin ka hria a. Mizoram zia leh thil dang te pawh hre mang lovin, a tam tak phei chu vai te an

lo ni lehngal a. Chuvang chuan, helam te pawh hi Assembly Committee ang deuh hian a tih theih em aw tih te ka'n sawikai zawk a.

Tichuan, Pu Speaker, a tawp nan thu pakhat chia. Nichin khan kan thiante pawhin an sawi tawh tho kha ka'n sawi duh ve lawk a. Kan Supply Minister khan a Demand khaikhawmna-ah helaiah hian sawi tur dik tak a sawiin ka hria a. VIP quota tihtawp tur leh Ration buhfai a man to tur kha a sawina tur forum dik takah a sawiin ka hria a. Amaherawhchu, sawi zuina kha a remchang si lova. Khalai nichina kan ngaihthlak tawh ang khan Ration tihto kha chu khati thut lo deuh khan petrol man an tih ang deuh hian kumtin tihto hret hret tal kha ni ta se, kan ti to lo thei lo a nih pawhin tih kha ngaihtuahna-ah a awm a. Chu chu ka'n sawi ri leh hram duh a. Kumin chhovah Gas boruakin min nuai chho a, kan awlsam mek a. Buhfai to hian kan innawr leh mai thei ang tih te pawh hi a hlauhawm. Chuvang chuan, kan ti lo thei lo a nih pawhin, tlem deuha tih deuh hret hret dan hi a ngaihtuah theih lawm ni tih Pu Speaker, a tawp nan ka'n sawi duh a ni. Ka lawm e.

**SPEAKER** : Aw le, sawi tur kan awm tawh lovah ngai ila. Tunah hian kan Minister zahawmtak Pu C. Ngunlianchunga kan sawm ang a. A Demand No. 18, 30 leh 34-na te a pawisa awm pass tura rawn dil nghalin, sawihonaa hrilhfiah ngaite sawifiah sela, chumi zawhah pass a rawn dil dawn nia. Tunah i lo sawm ang.

**Pu C. NGUNLIANCHUNGA, MINISTER** : Pu Speaker, mi 14 in ka Department chan chungchang an sawi a. Han hrilhfiah har lutuk tur leh boruak tha lo a awm lova, lawmawm ka ti a. A hmasa berin silpauline chungchanga lawmthu in sawina kha, kan House Leader-in ti tura min tih anga ti kan ni a. Chumi rual chuan bialah thlei bik nei lova insem ve theuh erawh chu a ngai dawn a ni. Tichuan, Pu Speaker, an sawi dan dan khan chhang mai ila, nakinah helaiah ka khaikhawmna-ah pawh sawi tho ka tum a, amaherawhchu, Tanhril-a Ar Farm kha awm ta lo ang deuha a hriat kha tihlen kan tum vang zawk a ni a. Zoram Poultry Society leh Indo Research Poultry Farm, Hyderabad amite nen tangkawpin, khulai khu kan tilian dawn a, kumthar February velah te hi chuan hawn theih kan inbeisei a. Chumi kan commission theih hunah chuan thla khatah ar note 41,000 vel zel thar chhuah kan tum a ni. A tite lam ni lovin, a tilian lam zawngin kalpui kan tum dawn a ni tih kha ka chhanna ni sela.

Tin, Pu T.T.Zothansanga khan CHAMUL chungchang kha a sawi a. Ni e, keimah ngei pawh ka han kal ve a. Champhaiah khian bawngnhnute sawngbawlina cheng tam tak man buatsaih a ni a. Amaherawhchu, a khawl pakhat Pasteurizer chu vanduaithlak takin a chhe hlauh

mai a, chumi siamthat lehna tur atan chuan RKVY hnuai atangin kumin-ah 30 lakh kan dah a, chu chuan a pasteurizer thar kan thlak sak dawn a ni. A titu tur company te pawh tunah hian dawr fel vek an ni tawh a. hun reilote-ah tihfel theih mai a nih a rinawm a ni. Tichuan, Mithun Farm, Zawnghak chungchang kha Pu T.T-a khan a sawi leh a. Hei hi sorkar hmasa hunah khan hengah hian MR te pawh Rabung khua lak an ni lova. Congress sorkar hunah chuan staff hi lak a awm lo niawm tak a ni, official lam atanga kan ngaihdan chuan, kan term hmasa-ah pawh khan. Khami hma leha lo lak deuhhlekk kha ni awm tak a ni a. Tin, kalkawng hi Kawlculh atanga laih a ni a, amaherawhchu, a grade a chhiat avangin kha kawng kha hmantlak a ni lova. Chuvang chuan, tunah hian Rabung atanga laih leh mek a ni. Rabung atangin lut thei turah kan ngai a nih chu.

Tichuan, Pu K.S.Thanga, Parliamentary Secretary zahawm takin ran vulh chungchang a sawi, Aibawk leh Sialsuk-ah RAH (Rural Animal Health Centre) chauh kan nei a. Dispensary-a up turin kan dil a, kan la hlawhtling hleithei lova. Dispensary-a up a nih loh chuan RAH centre-ah khan Doctor an awm mai thei si lova, helaiah hian a buaithlak khawp mai. Ka bialah pawh hian khaw 68 a awm a, chutah chuan RAH Centre pakhat a awm a, chu pawh chu VFA kan la dah thei lova, IV-Grade pakhatin a la awp a ni. Chutiang khawp chuan kan bial pawh hna kan la fill-up thei si lova, harsatna kan nei rih a ni. Remchangah kan han tichho zel ang a, remchang hmasaah kan la ti dawn a ni.

Pu Lalrinthanga, Parliamentary Secretary zahawm tak, Bilkhawthlir kha RAH Centre bawk a ni a, VAF dah a ni a. Dispensary-a hlan kai a la nih hmaa Doctor han dah mai kha a har rih a, thawktu lam kan indaihloh vang a ni a. Kha kha lo nghah deuh hram hram a ngai a ni.

Pu Joseph Lalhimpua, Parliamentary Secretary-in Lungleia Slaughter House a tih kha a kalkawng laihna kan nei lo va, Lunglei High Power-in kawng kan laih sak ang che u an ti a. An la laih theih loh avangin a bungrua khawl te pawh kan la dah lut hlei thei lova. Anni khan kawng min laih sak theih chuan khawl leh sa talhna khawl kha dah luh theih a ni tih kha ka chhanna ni ta sela.

Tin, Disaster Management lamah Pu Rinthanga khan Serlui a tih kha, Serlui atan leh Tamdil atan hian diving gear, tui luhna hup chi, lui tam takah te hi chuan tui te a nu a, lui te a chheng chhiat avangin a hman ve theih loh va. A bikin Serlui 'B' leh Tamdil atan te hian Department-in lei turin tunah hian hma a la mek a ni. \*Speech not corrected

**Pu K. SANGTHUAMA** : Pu Speaker khawngaihni, Tamdil te aiin khuti lai kan han ngenna kha min pe ve thei dawn lawm ni, a pawimawh hle si a. Tamdil khi chu kan han kal a, han tih tehchiam tur pawh a awm chiah lo. Tuna in khawl lei sawm zinga mi kha pahnih tal kha min pe ve teh u a.

**Pu R. LALZIRLIANA, MINISTER** : Pu Speaker, Tamdil te ai chuan tih bik kha chu a dik lovang.

**Pu C. NGUNLIANCHUNGA, MINISTER** : A hmun a zir a ni a, kha lai kha. Diving gear kha entirnan, khulai Tlawng luiah chuan tui nu-ah leh lui chheng chhiaah chuan kha kha hman mai theih a ni lova, a hlauhawm zawk a.

\*Speech not corrected

**Pu K. SANGTHUAMA** : Pu Speaker, chute chu pahnih tal kan dil che a ni. Hei Disaster Management-ah hian Subject-I in kan han thlir hian pawisa in ngah riau mai a, khatiangan chuan nuai 2/3 man lek a kha chu khawngaihni min han tih sak hram teh u a.

**Pu C. NGUNLIANCHUNGA, MINISTER** : Pu Speaker, a Bial chanchin kha kan la sawi dawn a, a duh taka kha chu kan pek theih pawh ka ring a. Tuna kan han sawi chu diving gear, hemi tui luhna khawl bik lampang, a thuk tak taka mihring tan tih hleih theih loh, luh theih lohna hmun atan khan a ni a.

\*Speech not corrected

**Pu T.T. ZOTHANSANGA** : Pu Speaker, min react laiin keimah kha a zo tawh ang khanin kan hria a. Pathologist pathum kan neih zinga pakhat kha Mizoram-a ran lo luh hnemna ber kan ni si a. Pathologist pakhat kha min pe thei lawm ni han tih lai tak kha min react lova.

**Pu C. NGUNLIANCHUNGA, MINISTER** : Pu Speaker, Champhaia Vaphai ami kan attach khi kha subject nei kha a va ni awm em, Laboratory certificate nei tur a ni a. (T.T.Zothansanga : A ni rih lo) Kan lo en dawn nia hei, kan department lam hotuten an hre reng a.

Tin, Pu Sangthuama'n a sawi leh Pu K.S. Thanga ten rubber boat kan tih mai kha tunah hian 8 lei tum a ni a, SPAD pawhin a approve vek tawh a. Tin, kha chauh nilo

khan kan hotu dangte Pu Thanliana'n tuitlate chauh chhanna tur lei hi a tih kha a nilo a ni. Hetah hian thil dang tam tak kan lei dawn a. Hruizen te pawh kan lei dawn a, angle cut-na tur electric 14 diameter te, diamond tip blade for multipurpose driving saw tih te, khatiang khan item 29 lai kan lei dawn a. Khama han hman ang chi hruizen kan tih ang chi te pawh ni sela. Disaster-ina chhiat rupna atana mamawh leh chhawmdawl na tur atan hman chhoh kan tum dawn a ni tih kha ka chhanna ni sela.

Tichuan, Chamring leh Sialsuk inkar kawng kual a bialtupa khan Vaiawt a ti a, kei ka lo hriat ve dan chuan vai tlan liam kawi an tiin ka hria a. Hei kan khaw lam a nih avang hian an tlan liam deuh reng a ni. Hei hi PWD ang zawka a kawng khi tlema siam that a nih loh chuan.

\*Speech not corrected

**Pu K.S. THANGA** : Pu Speaker, saw lam Sialsuk leh Thenzawl inkar Sentezawl inkar phei zawng zawng saw an tla nasa lutuk ringawt mai a ni. Thi saw an awm deuh reng mai a, chuvangchuan, YMA ho khan an vil a, Police Station a awm bawk a. Saw mite pahnih saw an hah em em a, chuvangin, hmarua kha an mamawh a ni ka'n tihna chhan, khalai bik kha chu kan sawi a ni mai a, a piahlam pawh kha a nasa viau tho a ni.

**Pu C. NGUNLIANCHUNGA, MINISTER** : Pu Speaker, kha kha chu tunah hian sawi tak ang khan quotation te kha hawn mek a ni a. Kan lei ang a, duh anga tam erawh chu kan lei hlei thei lova. A chhan chu HDRF fund 5% chauh atanga hetiang equipment hi lei theih a nih avangin duh ang zah zah kan lei thei lova. A tah tawlin a tul dan angin kan kal chhohpui turah ngai ila.

Tichuan, Pu Thana zawhna kha ka'n react leh law law ang a. Ani kha Ramhlun lam kha, Rehabilitation atan nuai 30 hi tunah Finance-ah dil mek a ni a, tin, nuai 70 hi in leh lo chhiate tana pek tur a ni a. Tunah hian enfiah leh a la ngai a ni. Helaiyah hian thil pawl deuh chu sorkar-in hmangaih tak leh rilru tha taka thil a tih laiin eng emaw thil fel hlel deuh a lo awm leh zauh hian sorkar tan pawh a luhai thlak a. Chuvangin, khalai kha chu pawisa a awm vek tawh a ni. 1<sup>st</sup> Instalment-ah khan 5.555 crore kan hmu a. Khatah khan rehabilitation atan cheng nuai 100 a ni a. Tin, Land Acquisition atan nuai 100 a ni a, work-ah khan 3.5. a ni. Tin, a hriatthiam loh 1370 tih kha engnge ni a ti a. Kha kha

Ramhlun Sport Complex tihna tur cheng nuai 1370 zawk tur a ni a, 20 kha a vilna tur atana hman tur a ni a, a work-a hman tur kha 1370 a ni.

Tichuan, Pu Vena khan silpaulin lei ai chuan side drain te siam zawk ila a han ti a. Side drain hi siam dawn ila kan indaihlo viau hlawm mai thei a ni. Tin, chubakah HDRF Norms-in a phallo hrim hrim a, hei hi side drain siamna tur atan chuan a hman theih loh a ni tih ka chhanna ni ta sela.

Tin, Pu Vanlalzawma'n a sawi Zirlaibuah te pawh hman theih ni se a han ti a. Tin, Tsunami ang chi kha chu tuipui kama thleng chi a ni a. Khami atang khan Text Bu-ah hian disaster subject telh a ni tawh a. Tsunami kha 2004 ah ni lovin 2006-ah a ni zawk a ni. Disaster Act, 2005 hi Tsunami vanga siam a ni. 2004-ah Tsunami hi a thleng a ni tihna a nih chu.

Pu Mahima khan equipment chungchang kha a sawi a, sawi tak ang khan equipment chungchang kha theih ang angin lei belh zel kan tum a. Tin, department ang pawhin kan police te kan train tir a, chumi piah lamah Central YMA te nen thawk tlangin Central YMA ang te pawhin kan train tir a Aizawl khawpui chhungah, nakinah wind up-naah a react na piah lamah khan sawi tur tlem kan nei a ni.

Tichuan, helama kan Ex-Minister, member zahawm tak Pu Zoram Sangliana'n Printing and Stationery-a pawisa hnathawh hi K Deposit vang te a ni lo maw a tih kha a ni chiah lo, tunah hian ama hova an lo buaipui NLCPR Project kha third instalment nghah mek a ni a. Khami kha a chhuah loh chuan German khawl four colour kha kan la lei thei lova, chumi avang chu a ni pakhat a ni.

A thawktu chungchang thuah Pu TT a te, Pu Rinthanga te, kan hotu hrang hrang te, kan hriat theuh angin Vety Department hi ran vulhah kan zavai maiin ran vulh kan ni hlawm a, enkawltu kan mamawh hle a. Mahse tun dinhmunah hian kan in dah khat hleithei lo va, hmun ruak tam tak kan nei a, tihngaihna a vang rih khawp mai. Dr. Beichhua'an ar no te awp keuna tur a tih kha, Department lamin Lawngtlai-ah te, Saiha-ah te an buaipui mekin ka hria a. Khami rual khan silpauline-a min duhsak ang hian, quota kha kan inpe hran a ni lova, a quota zawng chuan tumah MLA te kan inpe lo. Mamawhna a zirin bialte intanpuina atan kan ti mai a ni a. Chumi rual chuan, vawk note kan senior member pek ang, 'a mawng ping ni lo' han tih lai khera kha a mei nei ka ti a.

Helai House hi rorelna tur a ni a, a tawng hnehsawh zawnga han tih kher kha a tul em aw ka ti a. Member zahawm tak takte Mizoram aiawha helaia roreltu tura thlante kan ni a, a mawng ping kha kan sem lo, vawk note mawng ping kan sem lova, khatiang kha a quota pawhin kan inpe hran lova. Amaherawhchu, hmachhawpna kal kawngah theih ang angin hma kan la zel a ni.

\*Speech not corrected

**Pu P.C. ZORAM SANGLIANA** : Pu Speaker, point of clarification, kan Dan Buin min phal angin, Pi Lalkimi w/o H. Sanglura, Bairabi Veng ami hi vawk no te a mawng ping tih loh theih a ni lova, ni thum lai a e thei lova, a lo pan emaw a lo engemaw a ni a, a thi zui ta nghal a. Tin, hemi vek hian a pa a dawng bawk a. Chumi chu an sem zan la lain khawtlang hotuten minrawn hrilh a. Kan Minister zahawm tak hi Delhi-a a awm lai a ni a, ka phone nghal a, “E, kan bial mipuite an rilru a na khawp mai a, chuvang chuan press-ah tlan te an tum a, lo ti reng reng suh u ka ti a’ a ti a. Ani pawhin lo ti reng reng suh khai min ti a, chuan kan ngawi reng a. Action te pawh kanrawn la dawn nia a ti a. Action lak chu sawi loh, Pathian leh mipuite zarah, kan hotute zarah he House-ah hian Pu Speaker, wavi nga ka lo thutna a ni ve ta a, member-ten hetiang a House-a kan bial chungchang emaw thil kan sawi reng reng hi Department-ten press release a an chhan ka hriat vawikhatna a ni a. Department-ten press release an siam a min ti dawn a nih chuan Minister approved lohvin chhan a awm ngai reng reng lo, thuchhuak reng reng hi. Chuvangchuan, hetiang a mawng ping tih loh theih a ni lova, a pan a lo ni a, SDVO ten an zuk endik leh vek tawh a, kan inbe leh tawh a. Chuvangin, Pu Speaker, hetiang a tih hi tunhnuah chuan awm tawh lo se ka duh khawp mai. Department-ten House-ah kan mawl emaw, kan tling lo emaw, kan zahawm lo a nih pawhin MLA, tunhmaa an sawi ang deuhvin MLA hnar a ni miao a tih ang deuhvin MLA kan ni ve miao a, khawngaihtakin hetiang hi chu tu chungah pawh thleng tawh lo se tih a hminga dan leh dun hmun hrang hrang kan en atangte leh..... (SPEAKER: Duhtawk ang. I clarified tawh.....) kan convention atang tein waviinah pawh he Department-ah hian sawi tur tam tak a tha zawngin ka nei chungin, ka dinna chhan pawh a react loh ka beisei laiin arawn react leh talh si a, point of clarification, kan danin min phal angin ka’n nei a ni.

\*Speech not corrected

**Pu C. NGUNLIANCHUNGA, MINISTER** : Pu Speaker, Saiha Bialtuin a sawi kha react a ngai a, ka react a ni mai a, senior member-a kha ka va react hran a ni lova. Tin, press release chungchangah khan press release an siam ka hre lova. Amaherawhchu, helaia khatia zawhna a awm takah chuan kan naute hnenah, ‘enge thil awmzia, mawng ping hi kan lo sem reng em ni, lo ngaihven teh u, lo zawt Chiang teh u,’ kan ti a. Annin an lo zawh chiannaah khan Kolasib DVO in

chanchinbuah a lo sawi mai niin ka hria a. Khalaiah khan Minister approval angin kan ti lo a ni tih ka chhanna a ni. Tin, a mawng kha a ping lo, a pan a, a dam ve leh tawh an tiin ka hria a. Kan hriat dan a inang lo pawh a ni thei ang khalai kha chu..... ( Interruption )....

\*Speech not corrected

**Pu P.C. ZORAM SANGLIANA** : Pu Speaker, document pawh ka pe thei a ni. Vawiinah hian ka bial Bairabi bikah hian 24 an sem a, pali chiah a la dam, a dang chu an thi fai vek tawh, hmanni lawkah a ni an sem. Kan lawm tehlul nen vawk 24 lai min pe a.

\*Speech not corrected

**Pu LAL THANHAWLA, CHIEF MINISTER** : Department-te hian ...(inaudible)..... thudik lo min hrilh chawk, hei chu ka experience nasa tawh mai. Pathian khawngaihna mipuite zarah 1984 atangin hetilaiah ka lo thu ve zeuh zeuh tawh a, ka thut loh pawhin a lehlamah ka thu thin a. Khami tuma vawkte sem kha dik tak chuan a tha kan ti lova, Kawl lam atangin lak kan duh a. Mahselangin, official-ten khulam atangin lak an duh a, an hlawk vang nge enge chu ka hre lo. Khilamah PRRS a awm a ni an ti a, an chhunlam tlat a, kan lak luih chuan khulam atangin min rawn kamkhat ang an ti a. Mahselangin, tun hnuah khulam atangin a beidawnthlak em avangin khilam atangin kan lak luih tir a. A sang tel a sang tel kan la thla tawh a, PRRS vei pakhat a awm tawh an ti thanin ka hria a, chutiang chu a ni. Chuvangin, Minister-te wrong information pek hi thil pawh tak a ni a. A mawng a ping an ti a, a dawngtute hriatthiam dan a ni mai a, a pan a, a ping a nih pawhin..(Speaker : Ka Pu lo ding rawh, hei dar 4:00 a ni, kal zel ang aw ) .... A ping a ni mai a. Tichuan, a thi ta leh nghal a. Tin, inthlahchhawng tur a nu sem turah a pa te an sem tel a. Hei hi Department hian an dik lohna hi an admit mai tur a ni a, Minister thudik lo sawi tir sawi tir hi a dik lo a ni tih he House-ah hian ka sawi duh a ni.

**SPEAKER** : Awle, Minister-in han chhunzawm sela.

**Pu C. NGUNLIANCHUNGA, MINISTER** : Pu Speaker, ka lawm e. Kham a chhanna lam kha chu khati chin kha ni mai sela. A bak kha kan Department hotute an awm a, an lo chhinchhiah ang a, a tul angin umzui kan lo tum ang a. Helaiah hian Pathian leh kan hotute duhsaknain Minister ang tea kan han din ve takah chuan helaia ruahmanna kumin kal tura kan han neih te te te han tarlan ve reng reng thain ka hria a, thui vak lovin hun hman ka tum dawn a ni.



Tun sorkar kal mekah hian Printing & Stationery Department hian sorkar duhsakna nasa tak kan dawng a, kawng hrang hrangah Department-in hma kan sawnin department hmel a danglam mek a ni. Tunah hian post 286 kan nei a, thawktu erawh 229 an awm mek a, ti khan ka sawi deuh zung zung mai ang a. Kan hmalakna kawng hrang hrang te:

1. Government Press-a kan khawl neihte hi sorkar lehkha pawimawh chhutna mai bakah sorkar tana revenue thawk chhuak tura beisei a ni a. Kum 2013-14 revenue target hi cheng nuai 106 a ni a, cheng nuai 22 leh sing 6 leh 1000 in khum a ni. Tichuan 2014-2015 a revenue target hi cheng nuai 115 a ni a, bill siam tawh la dawn loh cheng nuai 51.50 lakh, hnathawh mek nuai 55.85 lakh leh bill dawn tawh nuai 22.62 lakh. A vaiin nuai 129.97 lakh kan target kan tlin tawh a ni.

2. Kan hotu hmasaten hma an lo lakna avangin hma chhawp tam tak kan nei a, Strengthening of Government Press and Establishment of Printing Institute in the North East tih a ni a. Kan department hian NLCPR project atangin Strengthening of Government Press Aizawl leh Establishment of Printing Institute in the North East tih 842.47 lakh project a kalpui mek a. Tunah hian first instalment nuai 330.04 lakh leh second instalment 330.04 lakh hmangin khawl leh a dahna hmun tur te chei a ni a. Kan khawl bun tawh chinah pawh hman tangkai nghal zel niin chung zingah chuan colour process-na Germany siam Heidelberg plate setter pawh bunfel niin kumthar Mizoram calendar 2015 tur pawh hemi hmang hian process vek a ni. Tin, web-fed machine, text book print theihna kan lei tawh pawh hman theih turin buatsaih mek a ni a, stabilizer alo thlen veleh school text book pawh phai lam pan ngai loin Mizoram ngeiah a print theih tawh dawn a ni. Hei hi Mizoram sorkar pawisa tam tak vairama a luh thlakna a ni a, vawi leh khatah Mizoram zir tur zawng zawng kan chhu zo theilo a nih pawhin engemaw zat chu Printing & Stationery Department hian kan chhu ve thei dawn tawh a ni. Vinyl Printer, Flex Machine te pawh kan nei a, banner leh poster te pawh man tlawm zawkin kan print thei tawh a ni. Vawiinah hian department hrang hrang leh ram mipuiten min hriat sak se, heng banner engemaw kan tihna tur hrim hrim ami pawh hi kan chhu ve thei tawh a, man tlawm zawkin kan chhu thei a ni. Tin 3<sup>rd</sup> instalment hi kan hmu leh a nih chuan Heidelberg SM 74 four colour machine install nghal thei turah kan in ngai a ni. Heng kan khawl thar enkawl tur hian staff awmsa indaihloh avangin Printing Technology zir chhuak mi pahnih 2013 atang khan chhawr an ni.

3. E-Gazette Webside siam peih a ni: Tunah hian Printing & Stationery web-site [Printingstationery.mizoram.gov.in](http://Printingstationery.mizoram.gov.in) chu peih niin hawn a ni ta a. Department zawng zawngin Mizoram Gazette hi kan office leh in atangin kan duh apiang kan download thei tawh a ni. Hei hian

sum tam tak senga paper gazette kan chhut thin leh a man chawia kan thawh thin kha a tibo mek a. Sorkar tan sum sen a tlem zawkin tha leh rang zawk siin gazette kan hmu thei ta a ni. Search engine chak tak a awm bawk avangin kan issue duh a hming leh a subject department wise-in a zawn theih a, tam tak chuan an hman tangkai mek a, Department zawnzawng tan pawh a tangkai tan hle a ni. Heng bakah hian Stationery lam pang leh Printing lam kaihnawih pawh dah luh tum mek a ni.

4. Modernization of Stationery Procurement and Supply: Tunah hian kan stationery item te hi uluk takin quality control kalpui a ni a, department hrang hrangin kan depot atanga lak mai theih turin dah a ni a. Heng stationery depot atanga rawn la thin Department te chungah lawmthu kan sawi rualin sorkar tan stationery depot atanga in lak hian saving tam tak in siam a ni tih ka sawi duh a ni. Tin, Aizawl city chhunga a hlawma tam deuh la te pekna turin motor pawh lei tawh a ni, zawnhnaah pawh kan chhan tawh kha.

Kan hma chhawp mekte chu Stationery lak leh sem darh dan hi computerize tura ruahmanna siam mek niin hei hi kan tihfel chuan awlsam zawkin a indawh thei ang a, a pawimawh ber chu khawi hmun atang pawhin computer click zeuhin Mizoram sorkar-a Institution-in engzat nge kan hman a, engzat nge kan mamawh tih a hriat zung zung theih tawh dawn a ni. Hei hi kan tihhlawhtlin thin theih chuan sum tam tak kan senna stationery-ah office zawnzawng tana in control-in a inrenchem theih tawh anga, tangkai zawka sum hmanna tur kawng a ni.

5. District hrang hranga hmalakna: Kan Department hi Aizawl leh Lungleiah Mizoram Govt. Press Stationery Depot neiin hna kan thawk a, Saihaah hian Stationery depot chauh neiin stationery item chi hrang hrang District Office mamawh phuhruk turin hnathawh mek a ni a. Tunah hian district dangah pawh mamawhna te zir chiangin hautak lutuk lovin district mamawh tawkhawl, press leh depot dah turin ruahmanna siam a ni. Hemi atan hian concept paper pawh nuai 90 district tina chhawr theih turin central atangin 10 % lump sum hmanga neih theih dan ruahmanna siam a ni.

6. Modern printing center: Tunah hian khawl tha tak tak te kan neih bakah printing institute thlenga ruahmanna kalpui a nih avangin building extension atan modern printing center tur Aizawl Chawnpuiah 10.5 crore man Ministry of Urban Development chuan min pawm sak tawhin DPR pawh thehluh a ni tawh a, tunah hian an zir chiang mek a, hei hi

beiseina sang tak nen kan thlir a ni. Saiha bialtu khan a lo hre fuh lo deuh hlek a, hmantlak tawh lo nilovin hun rei tak atanga lo inkhawl tawh kha Luangmual-ah hian nuai 27 leh singruk sanghnih leh za ruk leh sawmhnih leh pasarih, Lunglei-ah nuai 62 sing thum sangnga za sawmriat, Saiha-ah nuai hnih singriat sang riat zaruk sawm kua pakua, 3,61,84,806 hi kan depot-a stock suspend te kan neih a ni a. Heng zingah hian nuai 73 man vel hi hman tlak tawh loh, write off tura kalpui mek a ni. Kan Chief Minister remtihain Department hrang hrangte hnenah kan stationery stock kum tam tak la hmantlak te chu lei tir turin ruahmanna siam a ni a, Lunglei, Luangmual leh Saiha-a stock te pawh sem darh a ni. Khatiang khan hma kan la mek a ni.

Tichuan DM & R bikah hian tlem han sawi leh ka duh a. Nichina kan react-naah pawh khan plan hnuai hian nuai sangkhat zathum sawmkua sang thum kan nei a, hei hi SPA (Special Plan Assistance) atanga hmuh tura ruahman niin Ramhlun Vengthar leh Ramhlun Complex-a leimin tuarte chhawmdawl nana hman tur leh leimin zel tur vennan check dam te, spill dam te, retaining wall te leh thil dang dang pawimawh atana sum ruahman atangin nuai 20 management atan hman tur a ni a, a hnathawhna tur tak tak hi nuai sangkhat zathum sawmsarih sangthum a ni dawn a ni. He project hming atan hian controlling application of landslide Ramhlun, Aizawl tih niin Planning Commission atangin cheng vbc sawmhnih leh pakhat leh sangthum approved a ni a, heta tang hian kum kal ta 2013-2014 chhung khan nuai zanga sawmnga pangnga singnga sangnga dah a ni a, chumi hmang chuan hna pawh thawh mek a ni.

Tichuan, non-plan head 2245 hnuai hian SDRF pawisa dinhmun tlem han sawi leh lawk ila. SDRF pawisa hi 13<sup>th</sup> Finance Commission atanga hmuh a ni a, central sawrkarin zaa sawmkua, state sawrkar-in zaa sawm a tum a ni. SGRF pawisate hi a hman dan tur financial guideline siam sa mila hman theih chauh a ni a, guideline-in a sawi dan chuan SDRF pawisate hi chhiatna lian tham thlen hun atan chauh hman theih a ni a, chhiatna thleng palh thei laka lo inven lawkna tur hmanrua siamnan hman theih a ni lo a ni. Hetiang hi a nih avangin SDRF pawisate hi hman loh in sawrkar pawisa bawmah dah that a ni a, heng pawisate hi hman kher ngai lova a awm hi Pathian malsawmnaa chhiar tel chi a ni. Chutih laiin SDRF pawisa atang hian 5% hi rikrum thila hman tur bungraw leinan, nichina kan han sawi quotation te pawh kan call tawh a, tunah hian SPAB te pawhin an approve tawh a ni kan han tih ang chi kha 5% khami SGRF pawisa kan hmuh atang khan hman tur a ni a. Tichuan bungraw lei te hi district hrang hrangah emergency operation centre an ti a, EOC leh

hmun hrang hrangah State Disaster Response Force (SDRF) hman tur ruahmanna siam thin a ni a, bungraw engemaw zat hi state emergy operation centre, directorate of disaster management and rehabilitation department ah a dah a ni a.

Tichuan, 2245 atang hian capacity building atan 13<sup>th</sup> Finance atangin cheng nuai za hmuh a ni a chungte chu nichina kan group leader-in a sawi atang khan zirlai naupangte leh zirlai nu leh pate hnenah engemaw zat trainingna kan neih tir a. Mizoram Armed Police Battalion 8 kan neih zinga 7 atangin chhiatrupna lo thlen palha hmachhawn thei turin State Disaster Response Force (SDRF) hi mi 700 neih tum a ni a, tun dinhmuna hian SDRF training chhuak tawh mi 606 kan nei mek a, mi 60 dangin tunah hian 5<sup>th</sup> IR Battalion headquarter Lungverh-ah training an nei mek bawk a ni.

Tin, central YMA leh disaster management departmente tangkawpin volunteer mi 53 chhiatna lo thlen thuta hmachhawn dan tur ni 28.9.2014 ah leh 10.10.2014 kar hnih chhungin training buatsaih a ni a, he training-ah hian hmeichhia 2 an tel nghe nghe a ni. Hei hi central YMA ten branch hrang hrang atangin thlang chhuakin anmahniin train tur hi an rawn tir a ni. Tin, central YMA leh DM&R department tangkawpin Aizawl a veng hrang hrangte group 11 a thenin chhiat rupna lo thleng lo hmachhawn dan tur leh training buatsaih a ni a, he training-ah hian Aizawl veng hrang hranga YMA branch 93 atangin mi 707 te hlawhtling takin training pek an ni. Tin, Aizawl City College Joint Student Union leh DM & R tangkawp te chuan ni 10.8.2014 khan Vanapa Hall-ah college hrang hrangte inelna disaster kaihnnawih thilah hlawhtling takin debate an buatsaih bawk a ni. Tin, MZP te leh DM&R department tang kawp te chuan tun November thla tir lam khan disaster kaihnnawih leh thil dangah high school zirlaite tan quiz competition a buatsaih bawk a ni. Khatiang khan hmalakna hrang hrang a awm a, sawi dawn chuan kan sawi vek seng lo ang a, churang chuan kan duh tawk leh mai ang a.

A tawp ber atan AH & Vety department hmalakna tur tlem han tarlan Pu Speaker, thain ka hria a. 2014 – 2015 chhunga NLUP leh RKVY leh NABARD loan-a hmalak dan tur leh hmalak mekna a hnuai mi ang hi a ni:- **NLUP** : NLUP hnuai hian kum 2008 atanga kum 2014-ah hian beneficiaries 22808 neih a ni a, heta tan hian cheng vaibelchhe 231.47 crore hmuh a ni a. Kum 2014 – 2015 atan hian cheng vaibelchhe 110.97 crore ruahman a ni a, a hnuai ami ang hian fund allocation pawh hmuh tawh a ni. Third phase-ah hian dairy section-ah family 254, piggery section-ah 5453, poultry section-ah 2226,

mithun-ah 603 family. 4<sup>th</sup> phase -ah dairy section-ah 134, piggery section-ah 2735, poultry section-ah 1495, mithun-ah 327 a ni. Sum indaih lo leh harsa tak chungin department chuan bung thar leh hmel thar sawrkar leh mipui hmuhtir a tum a, kut hnathawktuten an phu tawk hlawkna an chan theihna tur kawng hrang hrang ruahmanna siam a ni. Ar leh artui intodelhna tur kawng department mal mai ni lovin private leh company liante nen thawhhona siam a ni a, a bik takin artui leh ar note thar chhuah lama kan hmalakna leh hma chhawp langsar zual te chu:-

**Artui leh Ar note** : Zoram Poultry Development Society din a ni a, Imbro Research and Breeding Company, Hyderabad te nen thawh hona thuthlung siamin thla tin ar note 41000 thar chhuah tum a ni. Hemi atan hian sawrkar revenue atan pawh he farm atan hian kum tin cheng nuai 30 chhun luh tum a ni bawk a ni. February 2015-ah he project hi commission hman tura hma lak mek a ni. Ar note Andra Pradesh leh Kolkata atanga lak luh thin hi kum khatah 30% vela tlak hniam tir kan tum bawk a ni. Sum tam tak state pawna luang chhuak thin hi kan hum thei ngei dawnin kan hria. Tin, ar vulhtute hnenah ar puahna khawl 18 sem a ni a, zokhaw lamah ar note nuai 2 leh 83105 sem chhuah a ni tawh bawk a. RKVY hmangin chhungkaw 98 puih an ni ang a, hei hi chhungkaw 1 ah cheng sing 5 zel a ni ang. NLUP atangin chhungkaw 4721 puih an ni bawk ang.

**Sa thar chhuahna tur atana ruahmanna neih te** : Bawngsa hi ram pawn atanga lakluh te a ni a, kan mamawhna a san chhoh zel avangin kan ram chhunga sa thar chhuah tihpunna turin hetiang hian ruahmanna kalpui a ni.

**a) Sial vulh lamah** : Sial vulh tihhmasawnnan ran tlatna hmun grazing ground khaw 14-ah din a ni a, sialte chu hul hliap leh tui in tur te siam sak in barbed wire a hung sak vek tum a ni a. Sial vulh society mumal takin heng sial vulhna khuaah te hian din vek an ni .

**b) Kel vulhna khua** : Kel leh Beram hi kan ramah a tha duh a, chu ti chung chuan hmalakna a tam lo hle a, kelsa lah chu kan hlut tulh tulh si a. Department-in kel vulha bul tan nan 2013 – 2014-ah khan chhungkaw 250 a lo pui tawh a, beiseina kan nei sang hle. Tunah hian chhungkaw 227 kel vulh tur 1362 kel 6 theuh pek tum a ni a, hetiang hmalakna avang hian society dingin anmahniin an intiphur a, kelsa-a intodelh tur chuan thui deuh kan kal a la ngai ang. Amaherawhchu bul kan tan chho a ni.

**Ran chaw thar chhuah tura hmalakna :** Hlawhtling taka ran vulhtuten ran chaw an thar chhuah theih nan a tul tih hriain AH & Vety Department chuan ran chaw concentrate leh fodder tam zawk thar chhuak turin hma a la a chung a hmalaknate chu :

a) Captive farming kalphung zuiin vaimim ching tura chhungkaw engemaw zat puih tum a ni a. Ran chawah hian vaimim hi zaa 50 vel a awm a, vaimim thar tam tura hmalak tharna atan hectre 50-a zauah chin a ni ang a.

A thawh khatna atan Champhai, Lawngtlai, Mamit ah 30 hectare hian bul tan a ni ang a. Vaimim chingtute Vaimim thar chhuah zawng zawng chu Department in ran chaw atan a lei sak dawn a ni.

**b) Feed (Compound feed):** Ran chaw tha siam chhuak turin Tahnril-ah ran chaw siamna Animal Feed plant din a ni ang a. He Feed Plant hi revolving fund 30 lakhs a enkawl a ni a, heta tang hian ran chaw chi hrang hrang siam chhuah a ni. Ran chawte hi market rate aia tlawma hralh a nih avangin ran vulhtuten an chhawr tangkai hle a ni. Kum 2014-15 (April- October, 2014) chhung hian ran chaw chi hrang hrang kg 5,13,545 he feed plant atang hian siam chhuah leh hralh tawh a ni a. Hei hi a hlut zawng chu ₹ 1.28 crores a ni. Ran chaw tha mamawhna sang zel avangin he feed plant hian mipui mamawh a phuhru zo lo hle a. Tunah hian he feed plant hi RIDF fund hmangin tihlen leh tihpuihui tum mek a ni a, hemi atan hian ₹ 551.08 lakhs ruahman a ni.

**c) Fodder :** Ran vulhtuten hnim hring tha hniang hnar zawka an neih theihnan ran chaw tha chi, ran tana chaw tha pai tam zawk thar chhuak turin nasa takin tan lak a ni a. Hemi atan hian AH&Vety Department chuan Thenzawl-ah te, Selesih-ah te, Lungpuiyawl-ah te, Mampui-ah te, Saiha-ah te, Thingdawl-ah te ran chaw chinna a nei mek a ni.

Durtlang leh Sihphir-a bawng vulhtuten an mamawh ang zelin department hian man tlawm zawkin heng hmunah te hian fodder a pe thin a Thenzawl-a ran chaw thar chhuahte hi thal lai, hnim hring awm loh huna hman tangkai theih tura sawngbawlina (Post Harvest Value Addition), Silage leh Hay-ah te siam chhuak turin hma lak mek a ni a. Hei hi tihpuitlin a nih chuan thal laia ran vulhtuten harsatna an tawh thin hi nasa takin a chhawk zangkhai dawn a ni.

**Vawk lama hmalakna :** Department-in demonstration farm a lo siam tawh te chu a hlawk leh hlawk loh endik turin expert committee dinin department-in zir chianna kan nei a. A that tawh lohna lai leh siam that dan thlenga zir chianna neih a ni. Senso leh thar chhuah a inbuk tawh loh avangin Mamit, Thenzawl, Champhai, Kolasib leh Hnahthial vawk farm te chu hun engemaw chen khar zai kan rel a ni. Hei hi department angin kan han ti a, department-in a senso zatve pawh hi hmuh let a awm tawh lo reng reng a. Kum 40 kan kal tawh a demonstration a kal tawh tur niin kan hotuten an hre lo a. Hei ai chuan mimal ang pawhin tanpui ila a ti thei ten, hlawk zawk leh tha zawkin kan thar chhuah theih kan beisei avangin he farm pawh hi inzir chiangin khar

rih tur tih a ni. Hetianga kan farm khar a ni chung hian vawk no theh chhuah chu mumal zawk leh tlang chung zawka kalpui kan tum a 2014-15 chhung in vawk note 7900 lai thar kan tum thung a ni.

Vawk note tam zawk thar chhuak tura kan hma lak tum dan chu hetiang hi a ni. Thingsultliah-ah Commercial Farm din leh chhim lampang chawmtu atan Mampui tihchangtlun a tum a. He farm hi mahni kea ding thei tur leh sorkar-a revenue chhung lut thei tura ruahman a ni. Vawk kah raina lamah pawh India ramah hian hma hruaitu nih kan tum a. Hmarchhak state te chhim theih khawpa changtlung Regional Boar Semen Station, Selesih-ah din a ni . District headquarter tinah District Boar Semen Station din a ni bawk. Vawk vulh lama tui mi leh hma la thei tur te hnenah vawkpui tur 5 leh a pa an vulh theih nan Integrated Pig Farming RKVY hnuai atangin unit 1 a ₹ 2.50 lakhs zelin Zoram pum a unit 78 din tum a ni.

**Bawngnute chungchangah** : NLUP hi bawng vulhtuten an chhawr tangkai hle mai a, hmanni pawh khan MULCO hotute an lo kal a NLUP bawng a that avangin bawngnute hralh lamah harsatna kan nei mah mah a ni an ti a. District a thawn chhuah dan pawh NLUP ah dil beisei a ni, chutiang chuan nasa takin NLUP avang hian bawngnuteah hma kan sawn a. Kan hriat theuh angin Sorkar hmasa lamah khan Punjab leh Haryana atangin bawng 2000 chuang kan lalut tawh a, tunah hian Shillong leh Gauhati atangin bawngpui 760 lak luh mek a ni a. Hetianga kan hlawhtlin zel chuan kan bawngnute thar tur hi 19,620 metric ton atangin 20000 metric ton-ah bawngnute thar a pung chho ang a. Mizoram pumah 28% laiin a pung chho dawn a ni.

Ka Department-in theitawp takmeuh chhuahin, bawng laknaah hian officer thenkhatte chu vairam-ah lock up hialah te an tang a, a chhan chu bawng neitu NLUP-a beneficiaries te leh kan officer-te kalin a hmun ngeiah anmahni duhthlannain bawngte lakpui an ni a. Hemi chungchangah hian kan officer te inpekna a lawmawm takzet a, vawiinah pawh hian kan officer te leh thawktu zawng zawngte chungah lawmthu ka sawi takzet a ni. Bawng vulhtuten hlawk zawka bawngnutean thar chhuah theih nan kawng zawn belh zel a ni a, a theih chin chinah chuan insurance a kalpui a nih bakah an bawng chaw tur a ngai ngaia pe mai lovin awlsam zawka bawngin chaw an ei theih nan hnimhnah channa khawl chaff cutter te pawh RKVY hnuai atangin kan pe ve a, an hmang tangkai dawn hle a ni.

**AH & Veterinary farm** : Thenzawl farm hi Integrated Farming System model hmangin kalpui zai kan rel a. Hill cattle vulhna turte, dairy plant te, fisheries te, ran chaw sawngbawlna te, Training Centre for Farmers te, organic poultry (ar leh varak) vulhna tur te.

A tawp berah chuan Pu Speaker, hetiang kalphung thar leh mumal zawka kan kal dawn chuan sorkar revenue pawh tam zawk thawk chhuak thei turin kan inbuatsaih a. Tun hma lam chuan kan department hian sorkar revenue kum 1 ah cheng nuai sawmli te chauh a lo chhung lut thin a, 2014-15 ah hi chuan revenue hi ₹ 140 lakhs tlin ngei kan tum a. 2015-16 ah phei chuan Tanhril Ar farm te, Thingsulthliah Vawk farm te leh Ramrikawn a kan Feed Plant thar te hi hawng hman turah kan inngai a, chutiang a nih chuan kan chhun luh aia let tam tak sorkar revenue-ah chhunluh theih kan tum tlat a a ni . Tunhma lama kan la tih ngailoh kan Compound Feed hralhna atangin kg1 ah ₹1 zel revenue kan chhun luh te, Green fodder kg 1 ₹ 2 zel te, Hay kg 1 ah ₹ 5 leh fodder seed atanga kg 1 a ₹ 700 revenue a chhun luh thlengin kan tum a ni. Pu Speaker, kha kha ka sawi theih ni sela, sawi tur tam tak a la awm a, mahse hun a awm tawh si lo a. Vawiinah hian Pu Speaker, ka Demand No 18-Printing and Stationery - ₹ 1362.76 crores leh Demand No.30-Disaster Management & Rehabilitation ₹ 2735.44 lakhs. Demand no.34-Animal Husbandry & Veterinary - ₹ 17944.07 crores, a vaiin ₹22042.27 lakh (Rupees two hundred and twenty crores forty two lakhs and twenty seven thousand) hi he House zahawm takah hian min pawmpui turin ka rawn dil e.

\*Speech not corrected

**SPEAKER** : Awle, Pu Ngunlianbunga'n a demand chhunga pawisa hman tur a vaia belhkhawm ₹ 222042.27 lakh pass turin House a dil a, remti zawngin 'remti' ti rawh u le. Remtilo kan awm em? Tichuan Demand hrang hrang pathum Demand No. 18, 30 leh 34 a hman tur a zavaia belhkhawm cheng nuai 22042.27 chu lungrual taka pass a ni.

Tunah chuan kan House Leader zahawm tak Pu Lal Thanhawla'n Demand 11 a mite kan sawihonaa sawifiah ngai te min sawifiah sak se, pass rawn dil nghal tawh mai se, ilo sawm ang.

**Pu LAL THANHAWLA, CHIEF MINISTER** : Pu Speaker, ka lawm e. Member zahawm takte thusawi atangin sawifiah ngai awmin ka hre lova, chuvangin sawifiah lampang tur zawng chu chhinchhiah tur a awmlo a ni. A hmasain kan Finance Minister zahawm tak hnenah hian lawmthu ka sawi duh a. Tangka lamah chuan kan ramah kan PA ber a ni a. Chhungkaw pa ber-in a nupui fanaute hnenah sum dehchhuah a harsa, fimkhur taka hman tur, ti a min hrih reng hi pa rawn tlak tih dan a ni a, pa fing tihdan a ni a. Tuma thal ve theih loh tuikhur a nei ve lova, chuvangin sum lamah fimkhur taka hmang tura



min rawn reng hi thil tih awm tak a ni a, tianga min rawn reng hi a lawmawm ka ti. Mahse, chuti chungin thlabarlo turin min hrilh reng bawka, kan hna kal laite chawl lo turin min hrilh reng bawka a lawmawm ka ti a, a patling ka ti a, lawmthu ka sawi hmasa a ni.

Sawi hlawh vaklo I & PR hi an tangkai viau a, vawiina kan proceedings te hi an live telecast a. Tin, Cable TV leh DDK ah te an pechhuakin satellite-ah an thlunzawma India ram hmundang atangte pawhin a en theih a ni. Chuvangin, an hnathawh hi a lawmawm ka ti a. Tin, India ramah hian Assembly live telecast hmasaber kan ni tih te pawh hi kan hriat loh takin ka'n sawiduh a ni.

Kan member zahawm takte thahnemngaihna a lawmawm ka ti a, lawm nachang an hre hle hian min tilawm hle mai, engmah nilo mahila a hminga helaia thu ve ka nihna leh Chief Minister ka nihna angin, lawm nachang an hria hi lawmawm ka ti. Lawmna chang hriat hi Pathian nung duhzawng tak a ni a, lawm nachang hriate hnenah chuan malsawmna tam tak a pe thin a, lawm nachang hrelote hi a hawisan duh hle a ni. Vawiinah kan sawihonaah thahnemngai taka sawi chungin lawmthu sawina tur an hre chho zel hi an puitlin zia tilangtu a ni a, kan tan pawh fuihna tha tak a ni a, constructive opposition role an play hi a lawmawm ka ti a kan sorkar pawhin fimkhur tak leh tha zawk leh chak zawka kal theih phah nan a hmang ngei ang tih ka ring a ni.

GAD lam ten sawi a hlawh vak lova, ka thawhpui member zahawm tak Pu K.S.Thanga'n holiday chungchang a rawn sawi kha, kan holiday hi mi ram Delhi velah te pheih khu chuan a chhuanawmlo khawpa kan calendar hi, a sen thut mai a chuvangin a chang chuan a zahthlak thin deuhthe pawhin ka hria a keipawhin. Amaherawhchu dan a awm a, dan hi chu kan pel vak bik lova national ni pawimawh bik Govt. of India-in a lo berah 14 tal kan dah tur a ni an ti a, state tin te hian national holiday ni 14 dah tur a ni a. Chubakah national ni pawimawh dang duhthlan min phalsak leh a, tichuan a vaiin ni 17 central-te initiative-in loh theih loh 14, a bak 3 dang holiday of national importance kha kha compulsory a ni a. Tin, Mizoram bikah chuan ni pawimawh ni panga kan belh leh a heng state bik ni pawimawhte hi sorkar ni pawimawh bakah Kohhran, NGO thil pawimawh avanga puan a ni a. Heng hi YMA, Chapchar Kut, Missionary Day, State Day, Remna Ni, Christmas, New Year leh New Year preparation te an ni. Tin, Restricted Holiday hi engzat pawh awm sela Govt. Servant pakhat hian ni hnih chauh a avail thei a ni. Chutiang chu anih avangin holiday calendar-a kan han buatsaih hi awmze nei taka central guideline te

leh state a importance te Kohhran leh khawtlang thil ngaihtuaha tih a ni a, tun bak hi chu tih vak ngaihna a awmlo a ni. A chang chuan an tlar sen thut mai hi chu hnamdang mi leh pawnlam mite lakah chuan zahpuiawm leh a nuamlo deuh mange aw, tih changte chu a awm thin a mahse tih vak ngaihna tehchiam a awmlo a ni.

Aviation lamah Helicopter service hi kan hmang tangkai khawp mai a Pu Speaker, kan hun hmasa lamah pawh khan kan lo ti tawh thin a. Risk sang tak lain kan han ti chawi a, no loss no gain talin kan kal thei ang chu tiin kan inpuahchah a, kan la ti hram hram chho zel a. Home Ministry atangin 75% subsidy hmu tur kan ni a, kan ba chanchinbua phur taka an rawn ziah leh zauh thin hi hemi 75% subsidy Home Ministry atanga kan hmuh tlai changa kan pek regular theih loh te hi a ni tlangpui a ni. Tunah hian emergency atan leh khawi khawiah emaw atan kan hmang tangkai hle a, tin, mipui pawhin an hmang tangkai hle a, a lawmawm hle a. District Headquarters-te hi kar khatah vawi hnih tal connect vek an ni a, tun aia tam hi chu member zahawm tak Dr. K. Beichhua han sawi ang chi kha chu tunah hian a tih mai theih rihlo ang a. Amaherawhchu, a kawng kan hnawna deuh te, tangkai nep deuh te a awm a khatianga a inkep theih a nih chuan kha lampang kha chu zawi zawiin ala dap theih turah ka ngai a ni.

Tin, Chhimtuipui-a chhuahka kan neih dawn avangin trade route tun sorkar thar pawhin a ngaipawimawh hle a, tun ni 30 ah hian Guwahati-ah Prime Minister Narendra Modi an India rama DGP-te zawng zawng ko khawma a address-naah Chief Minister-te tel ve turin min ti a, chumi pah chuan Rel kawng Bairabi, Sairang Railway Project hi foundation stone a lay nghal dawn bawka, chutah chuan member zahawm takte kal thei kan awm chuan welcome vek kan nih ka ring a. Chumi avang chuan Aizawl atanga Lawngtlai thlenga tih phei leh kan tum pawh hi a Survey work te pawh min tihran sak theih kan beisei a. Chutiang chuan sawilalah lo va indawhsa a ngai a.

Chumi rual chuan Airport hi a pawimawh em em a, hmanna kan sawi tawh ang khan Lunglei lamah te kan han zawng thin a, a vang hle a. Tin, lo hmu pawh ni ila, tunhnua kan han inbiak chhohzelnaah hian hemi Lengpui atanga 500 km piallama awm tur a ni tih a ni a. Engpawhnise, Lunglei piah saw a nih hrim hrim a ngai dawn a, chuvangin Lunglei District sawmi a chhim lehzualah kan hmu zo lo a nih pawhin Lawngtlai District-ah emaw, Saiha District-ah emaw chuan an zawn a ngai dawn niawm tak a ni. Chuvangin sawlam atanga member zahawmtakte khan lo nei thei sela chuan, chutiang tha a awm te

kan hmuh hunah chuan kan mithiamte kan tir thei dawn a ni endik turin, chutiang chu a ni a. Tin, tunah khuan Aviation Ministry-ah helai kan Addl. Chief Secretary hlui Pi Sathialvathy, Defence Secretary a ni a, ani pawhin chutiang chu hmuthei thuai ila chuan khulamah theihpatawp min lo chhuahpui a duh thu a sawi nghe nghe a. Chutiang chuan tunah hian hmuh mai theih a chakawm khawp mai a, chu chu a bik takin Chhimlama kan MLA zahawmtakte in lo bengvar zawm atan tiin kan sawi zawm a ni.

Ka hmaa Minister zahawmtak ang khan ka ti ve vek dawn lova, hmanna Pu Romawia, Minister zahawmtak ang khan Question chhan loh zawng zawngte kha chhan vek ka tum dawn lova, tin, ka peihsam vak lo a, Pu Speaker, ka khua a sik deuh a min hriatthiam ka duh a. Lunglei Farm Veng kawng widening portion Black-top-na leh a chhe zual patch repair-na tur kumin Work Schedule-ah dah a ni tih Pu Mahima kha ka hriattir duh a. Tin, Lunglei to Tlabung National Highway a puan a nih chungin National Road, Transport Highways-in hma a lak hmaa kawng a chhiat lutuk loh nan tun kum 13<sup>th</sup> Finance Commission Programme-ah cheng nuai 40 dah a ni a, tun thal hi chuan hmalak ngei tum a ni.

Tin, member zahawmtak Pu Zawma, Opposition Group Leader-in zawhna Maubawk to Lawipu kawng JNNURM hmalakna kal zel hi thawh zui tum a ni a, mahse vanduaithlak takin hna tan hmam furpui a lo thleng ta si a, hna thawh chhunzawm hleihtheih a ni ta lova. A Scheme hi Central lam atanga renew leh phawt a ngai a, chin fel a nih hnuah a hma thei ang berin chhunzawm leh kan tum a ni.

Tin, member zahawmtak Pu K. Lalrinthanga khan hemi Serkhan - Bagha Road kha a chhe lai leh a tha lai kha a rawn sawi a, a kawng thar hi hmanthat theih loh laiin a hlui kha a kal hlei thei baw si lova, Motor hire tur pawh kan hmuh theih loh phah a ni, a chhiat avangin a ti a, kha kha sum awm ang angin Motor an tlan luh theihna atan repair kan lo tum dawn a ni.

Member zahawmtak Pu T.T. Zothansanga'n PMGY Phase-8-ah population a sawi kha, hemi Phase-8 ah hian population 400 atanga 490 inkar chhungah Champhai District chhunga hmalak tumte chu Mualkawi to Hruaikawn, Vapar to Murlen, North East Bualpui to Changzawl, Khankawn to Thekte, Chalrang to Rianglei hengte hi an ni a. Heng hi DPR buatsaihin Ministry-ah theihluh tura thawnthlak tawh an ni.

Tin, member zahawmtak Pu T. Sangkunga leh Er. Lalrinawma te khan hemi missing link chungchangte a pawimawhin an ngaipawimawh a. Hemi chungchang hi ngaihtuah a ni a, khawi khawiah emaw a la awm neuh neuh a, chung chu missing link-ah te exam neiin a tul angin 2015-2016 Annual Plan atanga hmalak theih tura ruahmanna buatsaih an ni. Sorkarin a ngaipawimawh a, khawi khawiah emaw a awm nual a, chung ang chu siamthat a ngai a ni.

Tin, Pu K.S. Thanga biala World Bank kawngin a kalsan tak tlang ho pawh kha khaw awm zawng zaawng hi a pawimawh a, a tul angin sum ngaihtuahin a fur a thala kal theih reng tura siam tum a ni.

Tin, member zahawmtak Er. Lalrinawma ngaihpawimawh hemi Year-wise tih hi kan ngaipawimawh a keini pawhin, chutiang zawng chuan hma lak chhoh a ni a. North Vanlaiphai to South Tuipui pawh tunah hian laih tum mek a ni a, cheng nuai 50 lai dah a ni. Tin, Road Fund Board hi kan siamthar leh tawh a, tunah hian Road Fund Board atangte pawhin tunah hian chak zawka siamthat tum a ni a. Mizote hi kan pangchang khawp mai a, fa duatsual ang deuh hian kan awm a, Delhi-ah te khuan Power load shedding khu awmlah lai a awm manglo a ni. Hotu lian pui puite kan dawr lai hian khawlum ni sensa hnuaiyah pawh power an awmlo thut a, an phun ve vak vak hranpa lova, Generator khu an nei deuh vek a, tin In tinah Inverter khu an nei deuh vek bawh a. Keini erawh hi chu fa duat sual ang deuhin puhmawh tur zawngin kan hawi kan hawi thin a. Hei hi kan nun dan tur phung a ni ang em? tih te pawh hi ka ngaihtuah thin a. Chutiang chuan kawng chungchangah pawh hian mite aiin kan tha e ka ti hranpa lova, amaherawhchu, a tha pawl tak kan ni ve a. Thil vanduaithlak deuh chu, Silchar pawh zu kal manglo te hian, Chanchinbuah te hian kan ram kawng a chhe ber te an han ti ringawt te hi kan chin dan tlangpui a ni a, chuvangin kan chhe ber emaw kan tih lai hian kan chhe ber lo a ni tih erawhchu kan sawi duh hram a. Kolkata te hi an inbei ve ber ber reng a ni. Khawpui chhungah te pawh khuan chhe deuh deuh tam tak a awm ve a, a tha laite chu a tha anih pawhin chutiangte chu an ni ve thova, amaherawhchu, mite aia tha nih kan tum tur a ni tih erawh hi chu kan rilrua kan awm dan a ni.

Tin, Inter State Connectivity, programme nichiah lovin hei kan member zahawmtak Pu R.L.Pianmawia hi New Vervek – Zohmun – Vairengte hi National Highway 106 A ah puan thar a ni a. In dil hma pawhin in pa Vana miin a hre vek a ni ti ang deuh kha a nih hmelin ka hria a. Tin, Sialsuk leh Chamring inkar Motor Accident-na Vaiawt an tia maw ni khang ang kha thil

ngaih mawhawm tak a ni a. Accident an tum pawha tlan liam thei lo tur khawpa a danna siam a ngai a. Chuvangin khatiang zawng khan pawisa awm dan a zirin Department-in tan kan lo la ang.

Tin, Power hi a tlangpui chauh sawi ka tum a, Power hi a pawimawh a, ram a than dawn chuan tunlai chhanah Power kan neih that a ngai a, chuvangin kan luite hi khuah theih turin kan buatsaih teuh tawh a. Tunah hian 60 Mega Watt Tuirial Hydel Project khu tihchhiat lailet der lo ni lo sela chuan kan chhi daih tawh tur a ni a. Mahse, kan lokir veleh kan han chhunzawm a, kan han siamtha a, 2015 hian thil a kal tluan zel chuan Commission theih ngei kan inbeisei a ni. Tin, Mega Watt 210 pechhuak thei tur Tuivai hi VGG (Viability Gap Grant) funding-in min tihsak an tum a, Central Ministry-in Tender te pawh an float tawh a, firm 7 laiin an rawn chhang a. Amaherawhchu Plan Commission leh thil dang dang avangin an back out leh ta a. Chuti chungin Central Finance Ministry-in min duhsak avangin Secretary-in Banker's meeting a ko a, mahse, chutah pawh chuan Banker te khan tumah quatantor min pek ngam loh avangin a tlang thei ta lo a ni. Chuvangin engtin nge kan tih ang tiin kan ngaihtuah a Cabinet-in NEEPCO kan pek hi a tha ber ang a a ti a. NEEPCO Board hi karleh lamah khian a NEEPCO Board pumpui khi Aizawlah meeting rawn neih an tum nghe nghe a, anmahni expenditure-in, chutiang chuan hma kan la a ni.

Tin, Mega Watt 460 pechhuak thei tur Kawlchawah Chhimtuipui saw DPC kan pekna a rei tawh a, amaherawhchu, DPR kan siamna kha kan hun hmasa lam kha a ni a. Kha kha Plan exhalations te cause of warrant te avangin tihthat leh a ngai a. Tin, chutih karah chuan compensation bawh khan min tibuai leh a, tunah hian Forest clearance alo la chiang lo a ni a. Hmanni khan Guwahati ah North Eastern Conference-ah khan chanchinbu mi hnenah North East mi min hlamchhiah zia IK Gujral-an Look East Policy a puang a, High Power Shukla Commission te a recommendation te leh vision 20 20 leh North East 20 te hmang ngam mah sela, tunah hian action engmah lak a ni lova. Entirna pakhat chu kan ramah LTC 2009 December velah khan mi pakhat khuap turin kan ti a 460 M.W., tunah hian kum 6 a kal mek a, hna pawh an la tan thei lova ka ti a. Khami englo khan min rawn pump vak a, Forest pawh an la chiang thei lova, tunah hian keimahni State Forests Department vang a ni nghe nghein a lang a. Hei hi chu kan hriattir thuai a nga. Tin, Central sorkar tharah tuna sorkar khuan Project pangngai ram tana tha tur ang chi hrim hrim hi chu Environment clearance leh Forest clearance-in a tibuai tur a ni lo tih hi an policy kalpui a ni tawh a. Chuvangin rang mang khenga Forest clearance pek tur a ni. Chuta tang chuan an tan thuai thei tawh turah kan ngai a ni.

Tin, Hydel Project neih teuh hi a tha ber angem tih hi mithiamte rawnin kan ngaihtuah mek a, tunah hian 75 Mega Watt Bairabiah a awm a, 67 Mega Watt Mat ah a awm bawk a, 250 MW Lungrengah a awm a, 15 M.W Tlawngah a awm a, chutiang chuan kan nei deuh fur a, survey and verification tihmek te khatiang zawng zawng kha company-ah kan sign tawh a. Mahse ngaihtuah a ngai a, tunah khuan kan hriat angin Serlui Dil tha deuh kan nei a, khu khu Tourist attraction a siam tum a ni a. Water Scooter te leh thildang dang dahin tiang chuan siam kan tum a. Chutiang deuh chuan underground wealth, hemi natural gas te hi chak zawka tih a, environment tichhe lo zawnga gas base power project neih kha rilruah a rawn awm a. A chhan chu tuna Oil Company hrang hrang hemi Natural gas zawngtute hi chak zawka ti turin kan innawr reng a. A cylinder pu pur pur lova, mahni tapchhak zawla a herh a han herh chhuah te pawh kan chak ve tawh a. Tin, power siam nan te pawh kan duh a, chuvangin chak zawkin hma la rawh u tiin kan innawr ve reng a. Chutiang chuan ngaihtuahna a awm avangin a zavaia khuah tura kan han buatsaih hi kan khuah vek chuan environment te leh bio-diversity lamah te harsatna a awm thei ang tih te ngaihtuahna a awm avangin tunah hian a zawng a za kan ti lo va. 210 MW Tuivai hi kan tan leh thei a nih chuan chhim lamah lian deuh pakhat tal awm se tih hi keima mimal rilruah chuan a awm a. 76 mega watt te emaw ti ta ila 460 mega watt Kawlchaw a awm dawn bawk si a tih ngaihtuahnain tiang chuan ngun thluk taka ngaihtuah a ngai a ni. Power Minister thar nen kan inkawm tawh a, a fel em em a, mi a ngaihtuah a. State danga extension a pek tawh loh REB chungchangah pawh extension kan tihthat hman loh a kha extension thla 3 min pe a, chumi chung chuan in rawn peih ngei dawn nia min ti a, 73 crore 36 lakh 73 thousand man hial a ni a. Tunah hian min sanction tawh a, a thawktu tur Company pawh thlan a ni tawh a. Heng atang hian nasa takin kan power, hemi a transmission leh 32 KV line chumi khami tih kan hotuten an sawi an sawi a kha improve thei turin kan inbeisei a ni. Chutiang chuan power lamah chuan hma kan lak dan a ni a.

Tin, 815MW Lungreng Project hi hman deuh a Burma Ambassador lo zin tura kan sawm pa kha kan va entir a, thlawhnain kan phur kual a, tha a ti khawp mai a. Hemi hi chu ti ngei ula tiin mi te a ngen let zawk nghe nghe a. Engpawhnise, ka sawi ang khan gas lampanga inngkata kan tihchak theih dawn chuan lui neih zawng zawng khuah mai chu a tha lo thei mai ang kan ti deuh a. Tin, a te lama kal kan tih hi tunhma kan hun hmasa lamah khan State power hi environment clearance leh engkim techno-economic clearance zawng zawng nei tur khan 5 mega watt a ni a. 5 mega watt kan pelh chuan Delhi lamah thawn thlak a ngai a, a kum a kum an lo khal thin a. Mahse Deve Gowda a rawn Prime Minister khan Chief Minister Meeting a koh hmasak berah 25 MW-ah a tipung ta a. Tichuan khang kha Mini a ngaih vek an ni a, 25MW anih kha chuan New and

Renewable Sources Energy Ministry atangin 75% a man kha tumin hma a lak theih a. Chuvangin kan sorkar tan hian Mini Hydel Project 10 mega watt emaw 7, 8 hetiang ho hi a hlawk hle a, kan Engineer-te an in tuai hriamna a ni bawk a, chutiang chu Power lama thil awmdan a ni.

Kum 10 kan awm loh chhung khan Tripura hoin min lo tlan pel a. Tunah khuan Palatana-ah Gas Base Power Project tha tak kan nei a. Khuta tang khuan mega watt 22 dawng ve tur kan ni a, a man te pawh kan pekna a rei tawh a. Tunah hian ka sawi tawh ang khan hmannah kan lei hnuai hausakna hi ONGC in ngawrh takin an ti ve a. Meiduma an hmuh hi a kal chak lo riau a hriatna kan nei a. Mahse lung chang deuh an zuk tawn hi an la tlan pel hlei thei lo va. Khu lamah Palatana-ah, Tripura-ah Gas Base Project in neih avangin Tripura sorkar nen cooperation neiin helam pang hi in ngaihthah a ni tiin kan chhuahchhal der a. An pha nasa a, chu lampang a ni lo va, helai hi kan la tlang thei lo a ni, an ti a. Mahse an beiseina a san thu min hrilh a. Chutiang chuan a theih ang angin kan innawr reng a.

Tin, heng lei hnuai hausakna kan han tih hian kan hun hmasa lamah khan ONGC te kan ko chhuak tawh a, mahse min tin san a. Mahse Pu Vanlalzawma tuna kan Opposition Group Leader zahawm tak hi MP anih lai khan theihpatawp kan chhuah tlang a, tichuan hei kan lo kir veleh kan chhunzawm nghal thei a. Ani hmalakna hi thui tak a tel a ni tih pawh ka sawi duh a ni. Chutiang chuan Power lamah chuan hmalak chhoh mek a ni a. A nawr theih theih chu kan innawr reng a. Lui zawng zawng hi khuap lova gas lama inngah theih hi kan duh hle a ni. Chutiang chu Power lama kan kal phung chu a ni.

Tin, buhfai man tih ang te hi, ni e, kan Supply Minister-in MLA tena VIP quota kan neih kha a titawp a tih kan sawi chu, kan inah hmeichhe ho chuan pawh an ti khawp mai a. Mahse, kan Minister-in a lo puang tawh si a tih vak ngaihna a awm lo va. A man a sang deuh tih hi kan hotuten tul an tih chuan an lo ennawn ang a. Chhiah han pung te leh thil man sang hi vawikhata a sanna percentage a san lutuk hi chuan hriatthiam a harsa a, tawrh pawh hi a hrehawm deuh hlek a. Tlema saptawng taka gradual process deuha tlem deuha han tih hi chuan alo petu tan pawh hian a nuam deuha. Tul an tih angin kan hotuten han enchhin ve phawt sela, mahse, awmze nei taka calculation fimkhur taka an tih a ni a. Engtia tih tur nge ni ang ka hre lova.

Tin, MLA fund tihpun tih hi opposition lampang chauh pawh nilo, keimahni lampang atang pawhin kan MLA zahawmtakten min kawm serh ang tih pawh ka hlau deuha,

chuvangin hei hi chu a tir atanga duhtu ka ni a. Mahse kan Finance Minister hi kan su tlang zo lo a ni. Chuvangin delegation kan intir anga, kan Finance Minister kan nawr tlang dawn nia.

Tin, member zahawm tak Pu Zoram Sangliana khan a rawn sawi a. District level Board ah hianin han zir chhinna leh han enchhinna a ni a. Cheng nuai 100 kan dah deuh thliat thliat a ni. Khulaliah khan officer-ten an lo ti zo veka tiin ka hria a, member zahawm tak khan, khatiang tur kha a ni lova, MLA te hi member tur kan ni a. Tichuan kan rel tlang tur a ni, District a nuai 100 kha kan sawi tlang anga, kan hmang tlang tur a ni a. Engpawhnise, MLA te theuh khan ruling e, ruling lo e, DC te nen emaw kan sawi tlang anga, kan MLA fund theuh supplement nan pawh hian a hman theih a ni. Entirnan, Serchhip district-ah chuan MLA pathum kan awma, tun House hma khan, Pu Chatea leh Pu Zualtea leh kei, tikhan kan sawiho a, a awmtawk ang deuh khan kan insem thliat thliat a, kan inrem thei a. Chutianga kalpui tur chu a ni a, chuvangin hetiang zawng ni lovin official-in an kalpui a nih chuan ka lo en ang.

Tin, Disaster Management kha MLA zahawm tak, Pu Thanliana rawn sawi kha sawlaia leimin tuartute tan ram tha tak mi fel takin a khawngaihna leh lainatna nen nuai 100 lekin ram zau tak min pe a. Kan lei saka, sawlaia mite chauh lo pawh Aizawl khawpui chungah hmun danga leimin vanga harsatna tuar te an awm a nih chuan sawng ang sawn settle ve mai se kan ti a. Tin, sawlai kha vengthar ang deuh a nih dawn avangin School tur te, Dispensary ang chi te, Bazar shed te khatiang vel khan ruahman ni se kan ti a. Amaherawhchu, Local council te leh sawlaiah sawn engemaw ti deuh hleka mismanage deuh te a awm te pawhin ka hria a. Tin, anih tur ang deuhte pawhin a ni phak dawn lo ni te pawhin min rawn hrilh a. Chuvangin ka rilrua a awmdanah chuan DMR Minister te, Principal Secretary te leh a thawktute leh Local Council te leh sawlai YMA leh bialtu MLA te nen an sawiho turah ka ngai a, hun remchang hmasa berah chuti anih loh chuan kan tum ram kan thleng thei dawnlo niin a lang. Sawlaia tuna thil buai danah sawn, chuvangin chutiang zawnga kan tih chu a ngai dawn niin ka hria a. Chutiang chu sawlai chungchangah sawn a ni a. Kha kha a tlangpui vawiina ka Demand a tlangpuia lo lang kan sawi theih chu ni se.

Tin, vawiinah hian lawmthu sawina tur keipawh ka nei a. Kan sorkar hi kumkhat em pawh ala nilova, tunah hian thla 11 emaw awrh chauh a ni a, tin, chu chu thla 3 vel chu inthlan avangin kan hloh lehngal a. Chuti chungin member zahawmtakten an beiseina atang khan kan chungah rinna nasa tak an nghat a ni tih a lang thei a, khatianga keini chungah rinna an han nghat thei kha a lawmawm ka ti a, an mi rin ang ngei khan thawhchhuah kan tum a ni.



Tin, Ram leh Mipui hian hruaitu tha an mamawh a, Roreltu tha kan mamawh a, tichuan kan hruaitute pawh hian ka rindandin Mipui tha, Mipui rinawm, Mipui dik, Mipui taima, Mipui Pathian tih mi an mamawh ve tho ka ring a. Chutiang chuan that leh that a inlawm tur a ni a. Chutiang kawngah chuan hei Ethics Committee te pawh kan lo nei thin a, an tangkai hle a, kohhran hruaitu zahawmtak tak te, tlawmngai pawl hruaitu fel tak takte an ni a. Tunah hian thil dang thil dang avangin kan la din leh lova, chutiang chuan sorkar khalh ngila, Chief Minister te, Minister te pawh corrupt thei, kut tlinglova sum lak tur melh reng an ni ve thei thova, chung ang zawng zawng atanga vengka khalh ngiltu tur kan mamawh a, chulam pang pawh chu kan hotuten an ngaihtuah mek a. Tin, Vigilance te pawh tihchak a ngai a. ACB te pawh kan tichak a, kan sawi tawh thina, Director meuh nen kan ho tir a. Tin, Ghaziabad a CBI training academy te pawh ko chhoin, helaiah min rawn train sak tawh a. Tin, kan police officer te pawh khutah thawn thlain min train sak tawh a. Chutiang chuan, an chhawr tlak hle tawh a ni. Chutiang chu an ni tawh a. Amaherawhchu, mipuiin kan inbeisei dan hi hmun leh hmuna intalh nghal chawrh chawrh tur ang tein kan inngaihtuah a, a ni lova. Sorkarin action a lakna tur ang zawnga lokal case te a awm a. A then erawh chu criminal case te, court lama kal chi te a awm a. Chuvangin, chutiang zawngah chuan thu kan va nei tawh lova.

Vawiina chanchinbua induhthawhna lo lang tam ber hi chu court case lampang chi te alo ni tawh a. Chungte chu member-te pawh hian kan thliar thiam a, kan ngaihtuah thiam a tha a. Engpawhnise, corruption han tih hian sorkar sum eiruk ringawt hi kan melh a, sorkar sum eiruk hi corruption bawlhhlawh tak a ni a. Kut tling lova sum lak tum an awm bawk a, chutiang chuan harsatna min siam a, heng ang zawng zawng hi helaia member 40 awm te hi a vengtu turte kan niin ka ring a. Chuvangin, sorkar pawh finchhuah a ngai a nih chuan, hriattir an ngai a nih chuan inhriattir zung zung a, kan ti zung zung turah ka ngai a. Ringtute kan nihna angin kan khawtlang nun te pawh kan siamthat a ngai. Vawiinah hian Aizawl khawpui kan chep em em te hi ka sawi ka sawi tawh thin a, pulpit a min din tir pawhin political field a ka sawi bak hi chu sawitur ka hre chuang lo. Thlarau hnawng dep dep lam pang hi chu ka thiam ve bawk silo ka ti mai a. Chuvangin, vawiin ah hian sum ngaina hnama kan tluk luh mek avang hian harsatna kan tawk nasa. Chu chuan sual tinreng bul a nih avangin duhamna sual te min thlen a. Vawiinah hian Aizawl khawpui hi kan chepna chhan te hi kan duham vang mai mai a ni. Tukin lamah pawh an sawi tawh a, AMC thu pawh ngaichang duhlo, Aizawl Development Authority thu pawh ngaichang duhlo, sorkar thu pawh ngaichang duhlo vantlang mipuite rahnaa inrel lui talh action an lak a court a kal mai te kha kan tam a. Tichuan, malsawmna kan dawn motor te, JCB te vantlang kawngah ngat kan dah a. Mahni compound chhungah kan dah dawn chuan sing tel thla tin hlauh a ngai dawn a. Chutiang chu kan ni

a, ringtu rawngbawltu vantlang tana hnawksak pawisa miahlo ringtu, rawngbawltu, thenawm khawveng tana hnawksak pawisa miahlo chungte vanga tawk chu kan ni a.

Lai leimin te pawh an sawi a hmannah khung ang te pawh khu sorkar leh mipui zah lohna a ni. Sorkar-te nen sawi rem a, dil a, a ti tur a ni a. Chutiang chu a ni lova a ni. Chuvangin, mipui a tibuai nasa em em a ni tih hi inhria selangin inthlahrung taka an tih tur an tih zung zung hi an tih zawk tur a ni, tih ka sawi duh a. Sorkar pawh an sawi nasa em em a, mipui pawh an sawi rualin member zahawm takin tuna a sawi tawh ang khan electric ban 2 an tichhia a, tower 2 chungte vang chuan chhungkua 40 vel laiin an tawrh a ngai a. Tunah hian Department-in engtin nge krismas hmian kan tihensak ang tihte pawh ngaihtuah a ngai. Chutiang chuan, nasa takin sorkar pawh a tiluhai a, mipui a tihluhai rualin, chutiang chu kan ni a. Chuvangin, heng zawng zawng a chhe lai siamthatu tur hi kan ni a. Khawtlang nun siamthatna kawngah pawh corruption hi kan huat ber turte zinga mi a ni a.

Vawinah hian ka sawi fo angin ringtute kan nih chuan Pathianin min hunna theuh hi a rawngbawl tura min hunna a ni a. Chuvangin, kan hna theuhah hian kan tui tur a ni. Takna nen, dikna nen rawng kan bawl tur a ni a. Mahse, chutiang hre mang lova zelthel tak tak te kan tam a. Kut tling lova sum lak tum mai mai te, chuvang chuan harsatna hnam ang pawhin kan tawk mek a ni. Hmanniah khan PAC chairman zahawm tak Pu Sangthuama'n PAC report a present naah khan a sawi a, heng ang te hi sorkar hnathawk tam takte, tha tam tak an awm laiin kut tlinglova sum lak pawisa lo, khatiang vel vang khan Printing & Stationery te pawh kan hlawhchhamna chhan chu hmang tha duhlo khan nichinah kan ngaithla a, a lawmawm ka ti. Department ten direct a an mi duhsak zawngte an pek a, khatianga an tih khan an hlawk a, Printing & Stationery atanga an lak chuan an eiruk tur kha a awm thei lova. Chung ang vang mai maia buai chu kan ni tih hi tunah hian ka puang zak miahlo a ni. Chung zawk chu Printing & Stationery department te pawhina kan kenkawh tur, sorkar pawhina kan kenkawh tur a ni a. Kan lo hlawhchham tawhna siamthain chung zawng zawng chu kan tidik dawn a ni. Chutiang chuan khauh deuh taka kan nun hi siamthat loh chuan Pu Speaker, he hnam hi kan dingchhuak lovang tih a hlauhawm takzet a. Chuvangin, he hnam hi kan dinchhuah dawn chuan khawtlang nun kan siamthat a ngai. Khawtlang nun atangin Kohhran nun kan siamtha ang a, tichuan, a thinurna ni lovin malsawmna zawk tawngbaw turin kan inpuahchah tur a ni. Chutiang zawng chu sorkar pawhin khalh kan tum dan a ni a. Chuvangin, hemiah hian kan zavaiin mipui thlan kan nihna angin, democracy ram kan nihna angin a mawhphurtute kan ni a. Chumi hriatna bench a ni emaw a thuten helaiah Demand te kan han sawiho a, Budget te kan han sawiho te hi a lawmawm ka ti a, nuam pawh ka ti a, chuvangin

vawiinah hian member zawng zawngte, a bik takin opposition lama member-te hnenah pawh lawmthu ka sawi a ni. An thil rawn sawi tam tak kha constructive zawng a ni a, tin, sorkar pawhin kan lo inbihchianna tur leh kan bih zui tur thil tam tak a awm a, kan chhinchhiah hlawm pawhin ka ring a, chutiang chu a ni a, Pu Speaker, he House-ah hian lawmthu sawi chungin ka demand te:-

<b>Demand No.</b>		<b>Amount</b> (₹ in lakh)
1	Legislative Assembly	2221.79
2	Governor	10.60
3	Council of Ministers	619.22
5	Vigilance	488.33
11	Secretariat Administration Department	8796.00
13	Personnel & Administrative Reforms	223.30
15	General Administration Department	5878.32
26	Information & Public Relation	1229.70
27	District Council Affairs	24814.90
39	Power & Electricity Department	33593.47
45	Public Works Department	46118.80
	<b>TOTAL</b>	<b>123994.43</b>

te hman turin he House zahawmtakah hian min pawmpui turin ka rawn pulut e.

**SPEAKER** : Awle, House Leader zahawmtakin a Department chan Demand hrang hrang11 a pawisa tur, a zavaia belhkhawm ₹123994.43 lakh pass pui turin a rawn dil a, Pass remti zawngin 'Remti' ti ang u le. Remti lo kan awm em? Chuan Demand No. 1, 2, 3, 5, 11, 13, 15, 26, 27, 39, 45 a pawisa hman tur, a zavaia belhkhawmin `123994.43 lakh chu he House hian lungual takin a passed a ni.

**Pu LAL THANHAWLA** : Pu Speaker, i hnenah leh he House hnenah hian lawmthu ka sawi e. Ka lawm e.

**SPEAKER** : Le, tunah chuan Legislative Business pakhat chiah kan nei a, chu chu kan Finance Minister zahawmtak Pu Sawta hian, 'The Mizoram Appropriation No. 4 Bill, 2014' hi House-ah introduce rawn dil se.

**Pu LALSAWTA, MINISTER** : Pu Speaker, Mizoram Governor leh a recommendation leh i phalna leh he House remtihain 'The Mizoram Appropriation No. 4 Bill, 2014' hi he House zahawm takah introduce ka rawn dil e.

**SPEAKER** : Introduce kan phal a, introduce nghal mai rawh.

**Pu LALSAWTA, MINISTER** : Pu Speaker, 'The Mizoram Appropriation No 4 Bill, 2014'-ah hian Department tam tak a awm a, a vaia belhkhawm ` 695106.43 crores hi hman theih a nihna turin he House zahawm takah hian pass ka rawn dil e.

**SPEAKER** : Tunah hian 'The Mizoram Appropriation No. 4 Bill, 2014' chu Finance Minister zahawm takin House-ah pass a rawn dil a, pass remti zawngin 'remti' ti rawh u. Remti lo kan awm em? Tichuan, 'The Mizoram Appropriation No. 4 Bill, 2014' chu lungrual taka pass a ni e.

**Pu LALSAWTA, MINISTER** : Pu Speaker, ka lawm e.

**SPEAKER** : Tun tum kan 7<sup>th</sup> Legislative Assembly thutkhawm vawi 4 (li) na chu Business Advisory Committee rel angin November ni 11-26, 2014.chhungin Pathian kaihhruainain tluang takin zawh a lo ni dawn ta a, tichuan a tlangpuia tun Session chhunga kan hnathawhte chu hetiangin :

1. **ZAWHNA**

**Starred Questions**

a)	Zawhna lut zat	-	260
b)	Zawhna admit zat	-	246
c)	Zawhna reject zat	-	14
d)	List of Business a dah zat	-	193
e)	House a chhan zat	-	93
f)	House a chhan hmanloh	-	100

**Unstarred Questions**

a)	Zawhna lut zat	-	46
b)	Zawhna admit zat	-	43
c)	Zawhna reject zat	-	3
d)	Starred Question atanga Unstarred Questions a dah zat	-	48

Zawhna zawng zawng hi a chhanna dawn vek a ni a, Department-te zawhna chhan chungchanga in thawhrimnaah lawmthu ka sawi a ni.

**2. PANEL OF CHAIRMEN**

A hnuai Member-te hi Panel of Chairmen atan ruat an ni :

1. Pu P.C. Zoram Sangliana
2. Pu S. Laldingliana
3. Pu Lalrobiaka
4. Pu Vanlalzawma

**3. SPECIAL MENTION**

- i) Er. Lalrinawma - National Highway No. 54 Rangvamual leimin chungchang.
- ii) Pu T. Sangkunga - Thalaite Skill Development atan Mizoram Youth Commission kaltlanga phaia tirh chhuah chungchang thu a Pu Lalduhoma ZNP President-in Media kaltlanga a puhna sawifiahna chungchang.

**4. RESOLUTIONS**

Private Member's Resolutions 5 (panga) a lut a, heng zingah Pu Lalruatkima MLA Resolution chu a thu tlem thlak danglam a nih hnu in House in Lungrual takin a pawm a ni.

**5. PRESENTATION OF REPORT**

Tun tum kan thutkhawm chhung hian Reports 5 (panga) present a ni.

**6. LAYING OF PAPERS**

Kan thutkhawm chhung hian House Table-ah Papers 14 (sawm leh pali) laid a ni.

## 7. BILLS

Tun tum kan thutkhawm chhung hian Bill 5 (panga) lo lutin, a vaia pass an ni a. Member-ten thahnemngai taka sawi tlan a nih hnuah House-ah Lungrual taka passed an ni a, he Bill zingah hian a bik takin “The Mizo Marriage, Divorce And Inheritance Of Property Bill, 2014” hi tha famkim rih lo mahse, hnam ro a tling a ni. A lawmawm hle.

## 8. PASSING OF DEMANDS

Kum 2014-2015 chhunga pawisa hman tur Minister hrang hrangte Demand Member-ten thahnemngai taka sawiho a nih hnuin House-in lungrual takin a passed a ni.

Tun tum kan thutkhawm hi Assembly Session chhuanawm tak a niin ka hria a. A bul atanga a tawp thlengin Pathian kaihhruainain tluang takin ro kan rel a. Ram tana pawimawh tak tak hetu zat hi kan rel hman a. Member zahawm tak takten min tawiamnaah ka lawm hle. He House-a kan rorel dan leh chet dan te hi a Kristian hlein ka hria. Mizoram hi Kristian ram ti a koh tlak a nihna hi he rorelna ina kan awm dan leh inthlanna fel fai leh tha kan neih thinna hian a nemnghetin ka hria.

Hmarcha hi a tawk chauha hman chuan chawhmeh tituitu a nih angin Democracy ramah chuan rorelna fel, hlawk zawk leh tha zawk nei tur hian opposi-tion member-te hi an pawimawh hle a. Amaherawhchu hmarcha hi a tam lutuk chuan chawhmeh a tikhawlo vek thin a. Chutiang bawkin Opposition Member-te he House-ah chuan Kristian kan nih avangin Ram tana ro kan relnaah in che zia, tawngka te leh in inpekna te hi rorelna hlawk leh fel ni turin a tawk hlein ka hria a, lawmthu ka hrilh a che u.

Kristian ram kan nih angin Kristian kan nihna lan chhuahna langsar ber pakhat ni fo chu inthlanna fel fai kan nei thin te, rorelna fel fai tak kan nei thin te hi a ni a. Hei hi ngai hlu ila. Khawvel mit hmuhah pawh a chhuanawm em em a, i chhawm nung zel ang u.

Awle, member zahawm tak takte leh in chhungte zawng zawng kan hma lawka Christmas lo awm turah hian in thinlungah Lal lo piangthar leh se. Hlim leh lawm taka Christmas leh kum thar hmang turin duhsakna sang ber ka hlan che u a, Chibai ka buk bawka che u.

**“The House is adjourned Sine Die”**